

*Collegii Societatis Jesu Bruxellæ 1633.*

# NARRATIONES RERVM INDICARVM

EX LITTERIS PATRVM SOCIE-  
tatis IESV desumptæ, ac ex Ita-  
lico sermone in Latinum  
traductæ.

*Interprete GVLIELMO HVYSMANNO I. V.  
Licentiatæ & lingua Latina in Collegio Busli-  
diano Trilingui, in Academia Louanensi publi-  
co professore.*



LOVANIÏ,  
Ex officina Ioan. Masij, sub viridi Cruce.  
M. D. LXXXIX.

C E N S U R A.

Has rerum Indicarum narrationes, ex Italico, à doctissimo iurium Licentiato Guilielmo Huysmanno, Latinè redditas, magno cum fructu in lucem mitti posse iudico. Hac 22. Iunij. 1589.

H. CVYCKIUS.  
*Pontificius & Regius  
librorum Censor.*

Pia hæc sanctorum hominum studia, grauesq; in propagando Christi Euangelio labores ad ædificationem fidelium vtiliter excudi posse censeo.

IOANNES CLARIUS  
*sacra Theol. Doctor.*

# 3 R<sup>dis</sup>. IN CHRISTO PA-

TRIBVS. P. RECTORI, PROFESSORIBVS SACRÆ THEOLOGIAE & STUDIOFIS COLLEGIJ SOCIETATIS IESV IN ALMA VNI-  
VERSITATE LOUANIENSI, FELICITATEM & PER-  
PETUAM SALUTEM PRECATUR GVLIELMVS  
HUYSMANNUS ANTWERPIENSIS, PUBLICUS  
IN COLLEGIO BULLIDIANO TRILINGUI LATINÆ  
LINGUÆ PROFESSOR.



INTER diuersa diuersorum  
hominum studia, quibus ad-  
dicti tempus omne atque  
omnem traducunt, optimè sem-  
per illi & sibi, & posteritati  
consulere, qui vanis ac inani-  
bus, et si primo aspectu iucun-  
dis neglectis, serius se grauiusq; studijs mancipa-  
rant: Quis inter primum honoris ac vera laudis lo-  
cum iure suo sibi vendicant; qui commodis suis post-  
habitis, omni studio & industria aliorum commo-  
dis sollicitè innigilant. Commoda vero ista pro tem-  
porum diuersa ratione metiri necesse est, laboran-  
dumq; unicuique pro viribus ut temporis, in quod  
ipse incidit ratione diligenter excussa, ad id labo-  
res suos destinet, quod ad Dei maiorem gloriam  
proximiq; salutem maximè pertinere indicabit; Ut  
quod in vniuersa mundana machina aeternā admi-  
nistratione Deum ipsum facere ex operibus eius co-  
gnoscamus; id ipsum nos quoq; quantum humanarum

virium modulus patitur, imitando prestare conemur. Ille enim Regnorum Imperiorumq<sup>3</sup> ortum ac interitum verumq<sup>3</sup> omnium mutationes ac varios vicissitudinum casu, aeterna providentia lumine contuens, singulis fermè atatibus, modo hos modo illos vite, sententia, morum, animorumq<sup>3</sup> varietate quadam conspicuos & idoneos excitat, per quos tanquam instrumenta opportuna quæ fieri voluit & futura prauidit commodè perficiantur. Vult à paruis initijs ad summum honoris potentiaq<sup>3</sup> fastigium regnum aliquod vel prouinciam assurgere? eos Reges eosq<sup>3</sup> gubernatores suscitatur, quorum armis ac iusta administratione, eò magnitudinis amplitudinisq<sup>3</sup> aliquando queat excrefcere. Vult rursus (vti nihil sub Sole diuturnum ac stabile) vrbes atque respublicas à florenti statu & culmine illo deicere? En tibi parata impiorum regum tyrannis quorum auaritia, ambitione, impotentia ac scelere, omnia corrumpunt atq<sup>3</sup> vastentur. Traducturus D. Deus in Ægyptum posteritatem Patriarchæ Iacob, Iosephum in illum finem multo ante promissit: Eandem à duro seruitutis iugo liberaturus, Moſen tanta rei ministrum futurum, maturè sibi delegit. Romanū imperium quod iustissimorum fortissimorumq<sup>3</sup> Regum, Consulum, Imperatorumq<sup>3</sup> armis ac legibus ad gloria dignitatisq<sup>3</sup> supremum apicem perduxerat; eorundem iniquitate, scelere ac flagitijs, neglectis legibus in interitum princeps deturbauit. Quemadmodum ergo Deus futuros casus prauidens ad eos vel promouēdos vel auertendos, in promptu semper habuit vel stimulos vel impedimenta; sic æquum est homines cunctos quidem,

sed



sed illos maximè qui rationis & orationis vsu ceteris anteire videntur, & qui studio, labore ac industria quamplurimis prodesse volunt; ante omnia sollicitè exquirere ac indagare, quæ in re vel promouenda si bona sit, vel perturbanda si impia, vtilissimè operam suam collocare possint. Ignatius Loyolaus Ordinis vestri primus institutor, cum à caducis ac momentaneis rebus animum ad sublimiorem stabilioremq; contemplationem Dei singulari beneficio traduxisset; duo (quorum tamen unum ex altcro pendet) sibi proposuisse videtur, ad quæ donec vixit, cogitatus ac labores omnes magna cura ac sedulitate direxit; Ut nimirum Christi fidem ac religionem quantum diuino fretus auxilio eniti poterat ampliaret, & prauorum hereticorum insidias detegeret, noxios conatus perfringeret, pestifera dogmata refutando conuelleret. Rectè quidem & sapienter hoc ab eo cogitatum. sed frustrâ, nisi rationes illas simul iniuisset, quibus quod meditabatur ad optatum finem perduceret. Has illi diuina bonitas suggessit, meo sanè iudicio tam accommodatas quam quæ maximè. Nam postquam litterarû studia in iuuentutis primo flore vel neglecta omnino, vel gustata tenuiter, multo sudore resumpsisset; sanctissimi instituti consilijq; sui socios aliquot delegit, quibus cum ad caput orbis urbem & Sanctorum Apostolorum sancta limina contendit, & summo Christi in terris vicario Pontifici Maximo arcanum aperuit. quod cum ad Dei immortalis honorem & catholica fidei propagationem, ad hereticorum euerfionem ac gentiliū conuersionem tendere facile prudentissimus

Pontifex perspexisset; ratum habuit & Apostolica sanctione maxime opportuno tempore firmavit. Cum enim humana salutis hostis Lutherum damnato dogmate omnia perturbantem, ac velut aprum infestissimum catholica Ecclesia vineam deuastantem concitasset; misericors Deus Ignatium fortissimum constantissimumq; athletam, qui cum socijs pestiferos impij Apostatae conatus strenue reprimeret, sponse sue donauit. Accepta itaque à Christi summo Vicario auctoritate facere & docere Christi exemplo incepit, tam felici noui Ordinis successu, ut qui ante annos plus minus quinquaginta adhuc esset ignotus, iam ad triginta & amplius Prouincias peruasisset, cumq; nostro mundo contineri amplius nō posset, ad noui orbis amplissimas Prouincias per tot terra marisq; tractus penetrarit. Tanti vixi vos estis filij, tamq; frugifera arboris rami. Huius amplexi Ordinem eundē quem Magister vester, vos quoq; vobis scopū prefixistis, ad illius mores vestros mores ac vitam omnem cōponitis; atq; suauissimum plurimarū virtutum odorem verbo & exēplo passim emittitis non in Europā tantum, sed per omnes omnino Christiani orbis regiones, maximēq; per Indiam tam quæ ad Orientem quàm quæ ad Occidentem protenditur, ubi quanto cum fructu in vera fide imbuedis hominibus (quod omnium operum quæ à Christiano homine præstantur, est longè maximū. Deiq; gratissimum) versati hactenus fuerint, ac etiam nūc hodie vestra familie homines versentur, constans fama ac creberrimi istinc allati rumores testantur. Ego vero non id auribus accepi tantum, sed super-

rici-

rioribus annis Mediolani Insubrorum hisce oculis  
vidi; cum Iaponicorum Regum filij ac nepotes Roma  
reuerſi ubi tanquam legitimi Eccleſia Catholica ac  
Apoſtolica filij Pontifici Maximo obedientiam ex-  
hibuerant, in Iaponiam patriam reditum pararent.  
Idiſſum litteræ quædam ad R<sup>dm</sup>. Patrem Ordinis  
veſtri Generalē Romam tranſmiſſæ ac inde huc Ita-  
lico idiomate excuſæ, perlata non obſcurè loquuntur,  
quas cum ego etiam non ſine maxima iucunditate le-  
giſſem, amicorū rogatu me induci non difficulter paſ-  
ſus ſum, ut ad communē multorum qui Italicè neſ-  
ciunt oblectationem eas latinitate donarem, quod  
eò feci lubentius, quò cognitione omnium narrationes  
illa digniores videbantur. Quàm verò feliciter id  
ipſum præſtitum à nobis fuerit, utriuſque lingua  
peritis indicandum relinquo. Equidem amicis gra-  
tificari volui, et ſi temerario magis (ut vereor) quàm  
prudenti conatu; quippe qui nominis mei ac fama  
periculo alijs placere non recuſarim. Quod et ſi a-  
moris non ficti maximum ſit indicium, tutius ta-  
men me faclurum exiſtimavi, ſi contra quorundam  
obtrectiones patrocinium aliquod quærerem. De  
quo cum anxius mecum diſpicerem, argumenti ac  
ſubiectæ materiæ ratio patronum obtulit. Cum enim  
quæ opusculo hoc continentur, ex litteris Patrum So-  
cietatis IESV qui in Indica iſta vinea tam ſtrenuè  
tantoq; cum fructu allaborant deſumptæ ſint, ac fide-  
liter interpretatæ: quibus id obſecro poſteriori iure dedi-  
candū videatur quàm ipſis Patribus? neq; uni ex ipſis  
ad quæ quæ hic referuntur magis ſpectare videantur  
quàm ad cæteros, ſed toti Collegio. Cū enim vna ac eadē  
a 4 ſit om-

sit omnium vocatio, omnibus factum hunc nostrum  
 commendare visum fuit, neque id leuibus (vt opi-  
 nor) aut futilibus de causis. Cum enim, vt dicere cœ-  
 peramus, exortam ante annos aliquot diuersarum  
 haresum tempestatem horum maximè ministerio  
 sedare diuina prouidentia placuerit (sicut & alijs  
 Ecclesie Catholica laboribus aliorum Ordinum sa-  
 crorum institutione benignissimus Deus patrum no-  
 strorum memoria succurrit) non insulsè factarum  
 me existimaui, si qui vt professione coniuncti ita la-  
 bore ac solitudine in fidei Catholica conseruatione  
 & ampliatione pares sunt, in huius opella quoque  
 nuncupatione coniungerem, quorum conatus &  
 studia florentissima Belgica collegia loquuntur. Im-  
 primis indubitatam fidem verbis meis facit in hac  
 alma Uniuersitate Louaniensi excitatum olim,  
 postea tamen temporum iniquitate concussum non-  
 nihil, nunc iterum latiore successu instauratum  
 Theologia Seminarium, cuius plantaria vberes &  
 copiosos fructus propediem pollicentur. Siquidem  
 cum exacta veneranda huius Facultatis Theologica  
 Doctorem industriâ, cum Pastorum, concionato-  
 rum, reliquorumq; in hoc stadio currentium sudore  
 coniunctis desiderijs & operis eorum; multo certè  
 facilius de Catholica religionis hostibus victoria fu-  
 tura est. Quandoquidem (qui Seminariorum finis  
 est) praeclara indole adolescentes ac viri, humanio-  
 ribus litteris ac philosophia praeceptis egregiè in-  
 structi, solida totius diuinae sapientiae fundamenta  
 interim iaciunt, & in penum quandam doctrina  
 atque scientia diligenter recondunt, quae ad commu-  
 nem

nem plurimorum utilitatem liberaliter postea depromant. In haeticorum confutatione acres ac vehementes, in moribus hominum efformandis solliciti, in anxijis conscientijs consolandis prudentes. Absit verbis adulatio. Non minora iam prope modum ab Ordinis vestri sectatoribus in Europa, ac maximè in Gallia, Germania, ac Belgio nostro, quàm in latè diffusis Indorum populis praeantur. Facilius namque est infideles ad Evangelicam veritatem adducere, praesertim quando ad eos accessus patet, quàm haeticos qui obfirmato animo ab agnitâ semel veritate recesserunt, discussis errorum tenebris ad eandem reducere. Quod prudenter observans Inviçtiſſimus ac maximè Catholicus Hispaniarum Rex, sicuti in Hispania ac Italia locus plerisque, ita in hoc etiam publico studio Louanienſi Seminarium Regio sumptu instituendum curavit; in quo Pastores novelli tanquam recentes surculi paulatim accrescant, ut in Ecclesia renascentis defensionem contra praeuos pestiferosque haeticorum insultus aliquando coalescant. Idq; eo nunc succedit felicius, quo fideliori pastori gregis cura commendata est. Quid enim non molitur, non tentat, non aggreditur Illis ac Rm̃us Dominus D. Ioannes à Stryen Episcopus Middelburgensis, qui quod Zelandicâ persenerante rebellionē ac haesi pastoralis cura sua commissis gregibus uti fiaeis pastor praere non potest; aliunde oblati accititq; omnibus neutiquam mercenaria sollicitudine praest. Quacum ita sint, quis Belgicam Ecclesiam suo aliquando nitori restituendam esse desperet? Non deerit

pijs conatibus misericors Deus qui, quæ ad nominis  
sui gloriam occæpistis, ad optatum finem cum ma-  
ximo Christianæ fidei incremento aliquando perducet.  
Valete PP. Rdi, ac Huysmannum vestrum  
patrocinio vestro confidentem contra maleuolorum  
hominum morsus præsentem ac absentem defendite.

Louanij ex Collegio nostro Buslidiano Trilingui,  
Anno reparata salutis 1589 decimo sexto  
Calend. Iulij.

Collegio vestro addictissimus deuotissimusq̃

cliens,

Gulielmus Huysmannus.

VERA

# VERA NARRATIO

MEMORABILIS CVIVSDAM

*naufragij, ex litteris P. Petri Martinez ex  
urbe Goa, ad Rm. Patrem Generalem missis,  
5 Idus Decembris descripta.*



VM ad Mosambicum portum,  
qui in littorali Æthiopia ora est,  
appulsus essem, luctuosum nau-  
fragium ac verè miserandum ca-  
sum navis quæ in D. Iacobi tute-  
la erat, qua Societatis nostræ Pa-  
tres quatuor, Ego scilicet, Petrus Aluares, Ioannes  
Gonzales, Vincentius Zappata, ac fratres duo E-  
manuel Herrera, cū Emanuele Dias vehēbamur,  
Ræ. Tæ. per litteras per ciuitatem Ormuz, quæ  
iuxta sinum Persicū visitur, missas exposui. Com-  
pendiosè tamen, vt animo tuo sinistram suspicio-  
nem eorum quæ accidisse nobis in ista nauigatione  
ne potuissent eximerè, præsertim cum aliud tum  
tēporis neque per Ormuz, quàm quod in Indiam  
nondum peruenissemus, neq; per nauim sub au-  
spiciis D. Virginis inauguratam, quæ in Mosam-  
bico commodum nauigationi tempus expectans  
hybernabat, quàm quod ad hunc necdum portū  
deuecti essemus, quodque naufragium passi fuif-  
semus perscribere potuerim. Quocirca de iis quæ  
in vniuersa ista nauigatione occurrerunt Paterni-  
tatem tuam plenius nunc ac copiosius docebo,  
quæq; memoratu dignissima videbuntur referā,  
in qua præter occulta Dei iudicia quæ probe in-  
tellecte-



telleximus ac experti fuimus, immensa quoque eius beneficia ac singulares diuinę gratiæ effectus licebit obseruare, tã in aduersitatibus quibus constantiam nostrã & patientiam exercuit, quam in periculis è quibus ad maiorẽ nominis sui gloriam nostramq; emendationem, eripere nos ac liberare tandẽ dignatus fuit. cuius diuinę maiestati laus, honor, & gloria, semper & vbique tribuatur.

Quarto Idus Aprilis, anno reparatę salutis 1585 Vlyssipponē soluimus, vento adeo lento ac parco vt vix ad D. Catharinę in ripa maris pertingere potuerimus, vbi cũ anchoras eiecissēmus, postridiẽ regię tritemis auxilio mare intrauimus, sed in ipso penẽ ingressa tanta fuit tranquillitas, vt redire marisq; refluxum expectare fuerimus coacti. Tandem cæteris nauibus in flumine relictis, cũ naue S. Alberti nauigationem iterũ tenuimus, vento adeo propitio, vt cum ijs qui alterã naui vehebantur colloqui, ac sermonẽ miscere liceret. Subsequente nocte cũ iam 8 fere miliaribus à continente abcessissēmus, in latus nauis ventus vehementior incubuit, cum quo toto tri-duo luctati 25 miliarium spatio à prõxima quę in littorali maris ora apparebat terrã prorepissimus, cũque ne tum quidem ventum magis haberemus propitium, & aër vñdique nebularum spissitudine obscuraretur, imminentem præsensimus tempestatem. qua suborta parum abfuit quin eò vñdẽ veneramus repelleremur. Ventus enim admodum imperuosus instar turbinis inuālescebat, qui nauem circulari motu circumagens rectum cursum cum submersionis periculo impediēbat,  
ac in

ac in tantū breui tempore mare intumuit, vt malis penè prostratis vela contrahere cogeremur, idque propter vehemētem impetum quo fluctus attollebantur, qui aduersam proram adeo concutiebant, vt penè obrueretur, eoq̃ue redacta res erat, vt ad Dei misericordiam, per Diuorum suffragia quorum sacras reliquias ad placandū turbati maris furorem in medios fluctus conijciebamus, omnes pio mentis affectu conuerteremur. Erat autem ad imam mali calcem Diuæ virginis imago suffixa, cuius apud filium interuentu factum credimus, quod instantis naufragij pericula ventis subito cessantibus euaserimus. Quam quidem ob rem P. Ioannes Gonzales (felicis recordationis) Sanctōrū nominibus pro Societatis pia cōsuetudine sorte productis, hoc nimirū fine vt quilibet Diuum aliquem sortiretur cuius suffragijs cū per totam nauigationē, tūm maximè in præsentī periculo Deo commendaretur: cum chartulam qua D. Virginis nomen continebatur protulisset, ventus in puppim se ilicò recepit, marisque sæuitia nonnihil subsedit, quæ si diutius perseuerasset, maximo cum detrimento repulsi fuisset, sicuti D. Alberti naui penè acciderat, quā agitati maris vndis miserè iactari videbamus, grauitè animis affecti quod cum in eādē versaremur calamitate, in tanto periculo laborātibz succurrere non possemus. Sedata tandem tempestate in cœpto itinere actis Deo gratijs perstitimus. At quoniam tempus erat incōstans, & aër vndiq; obductis nubibus caliginosus, Maderam ac Canariam insulas præternauigantes vario instabiliq;

ventorum flatu ad Chinæ intulæ oram peruenimus. magno interim metu de eorum qui postea Vlyssipponē soluerant, ac nō ita longè à continēte recesserāt, salute perculsi, tum quod naues graues essent, & mare supra modum tempestuosum. Die Diuo Iacobo sacro, cuius patrocinio naus nostra erat cōmissa, insulam quæ ab eodem Diuo nomen accepit præternecti fuimus, & cum ad altitudinē octo graduum ascendissemus, nauem quandam prægrandem quam altera sed minor sequebatur, longo tēpore aspeximus, qua qui uehebantur quinam essemus explorare uelle videbantur, cumq; Lusitanos esse cognouissent, scapham præmiserūt qua ex Angola eos venire didicimus. & quia ad illam Indiæ partem cui Castellæ nomen inditū est tendebant; nihil ad quenquam litterarum destinare visum fuit. Mox iterum cum ad 5 graduum altitudinem ab æquinoctiali linea abessent; alia quædam naus nostro se conspectui obtulit, fierique nobis obuia recto cursu videbatur: at posteaquā eam à nobis declinare animaduertimus, quidam ex præcipuis naus administratoribus nautis aliquot comitantibus in scapham descenderunt, cumque propius accessissent, ac hostilem esse ex belli signo emissō cognouissent, accelerato cursu retrocesserunt, plenis namque velis in scapham ferri videbatur, sed cum assequi nostram se posse desperaret, æneo tormento disploso inimicum animum testata recessit. Quoniam uero circa littoralem Chinæ oram propter solis intolerabilem æstum varijs morborum languoribus laborare nauigantes cœperunt; primum omnium

cum

cum Nauclero hoc actū fuit, vt infirmi bene haberentur, & egenis de necessarijs prouideretur. Fuit itaque infirmorum cura demādata viro non minus prudenti quam multo rerum vsu instructo ac ad rem tam piam satis propenso. Statuit deinde Nauarchus, vt nobiles qui impensis suis institutum hoc promouere cupiebant, nullius rei curam sibi assumerent, sed onus illud rerum superendarū quibus ad recuperādam valetudinem opus esset sibi relinquerent. Is vero provinciam istam P. Vincentio Zappatæ (cuius animæ Deus misereatur) cōmisit, qui quolibet die vna cū medico ægros in matutino tēpore vifibat, & infirmorū præfecto quæ necessaria erant præscribebat, ac in hoc præcipuè vt tēpestiuè omnia fierent incūbebat, adeo vt ex beneadministrato munere singularem ab omnibus gratiā iniret, & ob pietatē, mansuetudinem, caritatem, prudentiamq; optimè audiret. ex quo factū fuit vt neq; pecunia aut cibus, aut aliud quicquā vel infirmis deesset vnquā vel pauperibus, quibus & de vestitu, & pane duplici coctura indurato prouidebat, adeo vt Dei misericordia & Patris sollicitudine infirmi omnes breui fuerint pristinæ sanitati restituti, neq; enim quādiu hoc ipsi munus incubuit, toto nauigationis tēpore quisquā ex pauperioribus præegetate perijt, ex infirmis vero, vnus tantū adolescens cum iam sinū bonæ spei præternauigassemus morbi acerbitate absumptus exspirauit. Nostrū porrò munus fuit rudiores in doctrinæ Christianæ fundamentis instituire, odio inimicitiaq; inter se dissidētes conciliare, cōfessionibus audiēdis operā dare, lectione

historiæ

historiæ Sanctorū vectores ab ocio & alea ad pietatem prouocare, diebus Dominicis ac festis con-  
ciones habere, diuinū officium cum maxima deu-  
otione ac sollemnitate musicis etiam adhibitis  
instrumentis decantare, litanias quotidie recitare,  
tum supplicationes etiam plurimis accēsis lumi-  
nibus pro incidentium periculorū occasione in-  
stituire. Quamuis autem cæteri qui naui vehe-  
bantur nullo acriori morbo conflictarentur, no-  
biscum tamen asperius aliquāto actum fuit, nam  
præter nauseam, quæ omnibus erat, me excepto  
Dei prouidentia in cæterorum beneficium, com-  
munis; iuxta maritimā Chinæ oram primus ego  
in morbum incidi, cui postquam medici iussu iam  
tertio fuisset vena aperta, post duodecimū quā  
laborare cœperam diem amissam reddere valetu-  
dinem Deo omnipotenti placuit. Cæteri deinde  
Societatis nostræ Patres laborare & ipsi cœperūt,  
quibus etiā cum secundo aut tertio eductus san-  
guis esset, recuperandæ sanitatis spes statim afful-  
sit. Solus P. A. uares, cui tamen propter ingraue-  
scētē ætatē valetudo erat minimè firma, morbi  
contagium tum nullum sensit, quem hoc modo  
probare voluisse Deus visus est, manifesto exem-  
plo insinuans huiusmodi nauigationis difficulta-  
tes iuxta senibus quam iuuenibus, infirmis quam  
robustis esse faciles. quare non minus hi qui viri-  
bus sunt afflictis quā qui corporis robore præ-  
stant; fidei promouendæ causa in regiones has se  
peruenire posse sperent ac confidant.

In littorali Chinæ cursu parem sumus nauigi-  
gandi difficultatē experti, ac tandem per tonitrua  
fre-

frequentia ac fulgura, decimo quinto Calend. Iu-  
 nij Dei adiuti gratia lineam æquinoctialem præ-  
 ærnavigantes evasimus, ventis deinceps genera-  
 libus (ut vocant) ita secundis usi, ut iis in locis vix  
 nunquam antea vel secundiores fuerint vel diutur-  
 niores. Tercio siquidem Idus Iunij intra insulas  
 Martini vas vecti fuimus, ubi infelicitis navigationis  
 signa aliquot prognostica observauimus. Appa-  
 ruît enim in maris superficie inusitatae figuræ  
 piscis nigro colore, aspectuq; ipso horrendus bale-  
 nam corporis vastitate præ se ferens, qui reliquos  
 qui nauim sequebantur pisces in fugam subito a-  
 cebat, neq; è nostro conspectu se prius quam nau-  
 ragium pateremur subduxit. Quin & paulo ante  
 quam disrumperetur navis natando præcedere ac  
 magnam aquarum copiam euomere, quasi immi-  
 nenti malo nostro exultans, ac piscibus reliquis fu-  
 turæ calamitatis signum faciens à multis visus fuit.  
 Nos interim illo maritimorum monstrorum co-  
 mitatu, ad insulas Tristanâ & Cugnam lentis ijsq;  
 duersis ventis cursum dirigentes sub finem men-  
 sis Iunij 33. graduum altitudine ad polum antar-  
 ticum accessimus, ac è regione cetum leucarum  
 seu miliarium longitudine quinque dierum spatio  
 tanto impetu à Septentrione venti spirarunt, ut  
 minora tantum vela tenderentur; maioribus quip-  
 e explicatis tanta vehementia insurgebāt, ut ma-  
 ior loco diuellere videretur, quo impetu antennæ  
 ruptis funibus deciderunt quidem, sed nauta-  
 rum studio statim iterum in altum fuerunt sublatae.  
 Vento deinde nonnihil sedato ad bonæ spei sinum  
 accessimus, ubi ad 37 graduum altitudinem noui

ab Oriente flantes venti nauein transtulerūt, quo etiam loco vadum tentare conati demissa per funem boli seu plumbo fundum nusquā deprehendimus, non sine maximo omniū metu, quod tum a vento, tum vndarum impulsu in terram impingeremus. Sexto Calend. Augusti bonæ spei sinum in tanta ventorum contrarietate nos præteruectos esse animaduertimus, idq; cum maxima omnium tum molestia tum nausea. Aliquando enim summa erat tranquillitas seu malacia, subinde lentius, interdum vehementius venti spirabant, aliquando horrenda tonitrua ac fulgura maximum nobis timorem iniiciebant; nonnunquam in proram, non raro etiam in puppim irruentes venti nauim concutiebant, ac tum in hanc tum in illam partem impellebant, adeo quidem vt ad D. Laurentij insulam occupandam tempus nobis defuturum metueremus. Quæ res tam ancipiti cura animos omnium vexabat, vt 17 Calend. Septēbris cum eo cursum dirigere statuissemus, captato inter se consilio nobiles omnes & nauis ministri præcipui disceptarent, an insulam intrare, an foris præternavigare ventis ab Occidente remissius spirantibus satius esse videretur. Tandem melior consiliatium pars in hac sententia conqueuit, vt Dei permissu ventum istum immitti crederet, & ob id per mediam insulam cursum esse dirigendum. Sed si, cum 22 graduum altitudine ad æquatorem accessissemus, Orientales venti fuissent exorti, mutata sententia insulam eminus præternavigandam esse iudicarūt. Verū enim vero æterna Dei prouidentia accidit, vt vltcrius opinione deuecti ne si voluissent, redire

qui-



quidem potuissent. Decimoquarto Calend. Septembris solis altitudinē nautarum præfectus metiebatur, qui 23 graduum altitudinem & tertiam vnius gradus partem deprehendit, quæ ad Iudeæ decliuitatē vsque (vt ipsi loquuntur) in dicta graduum altitudine extendebatur. Idem & alij nonnulli fecerūt, qui id ipsum quoq; deprehenderūt. Quocirca Gubernatori videbatur (ob id nimirū quod secundo vento tum vteremur) quadraginta leucas nos conficere, & eadem nocte tertiam gradus partem nauigando posse trāsmittere. Si enim vela isto in loco fuissent subducēda, periculū erat quòd vndarum impetu in præceps navis abriperetur, sicuti naui D. Petro dedicatæ acciderat. Si verò retrogredi voluisset, in aliū quendam flexuosum sinum facile imegisset. Cumque periculum se ferē euasisse crederet, ex eo quòd in navis corbe existentes excubitores aues se sub vesperum ad illam partem quòd navis dirigenda erat recepisse asseriebant; postquam excubitoribus, qui in prora vt ad omnem periculi metum excitati starent, seriò imperasset; plenis explicatisq; velis nauē progredi permisit, vt tēporis angustia quæ maxima erat hoc modo consuleret. Hoc itaque die intēpesta nocte, cum profundior omnes somnus inuasisset, peccatorum nostrorum enormitate prouocatus Deus iusto occultoq; iudicio, vt navis in Iudeæ decliuitate in scopulos vehementius impulsā disrumperetur permisit. Vndæ siquidem in scopulum illisæ in tantam ferebantur altitudinem, vt neque excubitores neque milites nisi cum in eo iam consistērent, cum videre potuerint, vento nimirum quo

tum prospero utebantur præpediente, ut sonum quem impulsa in scopulum navis edebat exaudire non possent. & quamvis nonnulli vertendam navem acclamarent; ipsa tamen vehementi adacta vento tam diu in rupem impulsa fuit, donec media concrepuisset.

Erat porro declivitas illa rupes quædã concava acutis saxis plenissima, in quam cum incidissemus supremæ navis partes in profundum inferioribus ad superiora emergentibus ferebantur, adeo ut & prora & puppis in scopulum petris corallinis plenum absq; vlla terra illisa, nos in ipsum eijcerent. In ipso maris refluxu colliculi quidam nõ ita procul apparebãt, quos reuertētes denuo fluctus contegebant. Factum autem diuino consilio videtur, ut in scopulum navis cõtórqueretur, quo tempore aqua collis altitudinem superabat, sic ut in scopulum excepta cõquiesceret, quod nisi factũ fuisset, vnà omnes proculdubio, nemine excepto, voracibus maris fluctibus fuisset absorpti.

Circa naufragium istud tria consideranda occurrunt, quæ illud terribilissimum omnium quæ vnquam fuerũt videri faciunt. Primum illud est, quod intempesta nocte accidit, qua neque cælum neque terra præ nubium densitate videri à quoquam poterat, sed horrendi tantum fluctus quibus omnes sæpè operiebamur. Alterum quod nudi omnes in lectulis conquiesceremus somno altiori oppressi. Terrium quod tanto tempore antequam luceſceret in tanta anxietate versaremur; quod certè ad ignobilem in vndis mortem quam omnes oculis contuebamur dirum erat præludiũ;  
conſi-

consistebamus enim in contractæ navis tabulis, quæ sæpe ab ingruentibus fluctibus contegebantur. Quare in tam præsentī periculo ad Deum pio mentis affectu cōuersi misericordiam eius humili flebiliq; voce implorabamus. Plerique præuia cōfessione à peccatorum sordibus animū repurgare velle videbantur, qua in re aliqua saltem ex parte pro periculi magnitudine ipsis fuit satisfactū. In confessionis pronūciandæ modo nonnulli ita erāt festinantes ac præcipientes, vt cum Confessarij (qui sex erant numero, quatuor scilicet ex nostræ Societatis Patribus, ac duo qui ordinis D. Dominici institutū erāt amplexi) omnibus ac singulis seorsim operam nauare non possent, clara voce palam peccata quantumuis enormia tanto fervore proferret, vt iis silentium imponere nemo posset. Alij quos se vel re vel verbo offendisse credebant, in æntis scopulis ac in mediis penè fluctibus quærebant, veniam offensæ humili mentis affectu efflagitantes, quos si fortè non inuenissent, obuios quosque obnixè rogabant vt ipsorum nomine delictorum veniam ab ipsis impetrarent, cum primū eos videndi potestas daretur. Atque ita tota nocte à noxia se peccatorum labe expiabant, quibus nisi grauatos animos liberassent, grauius ipsi animacū quàm naus ipsa naufragium fecissent. Alij crucē tam illam quæ ad proram quàm quæ ad puppim erecta stabat amplexi voce lamentabili largos lachrymarū imbres profundentes Deum vt in tāta necessitate afflictis adesset, inuocabāt, nulla planè de re quàm de animarum salute solliciti. Ad laborem autem molestiarumq; summam hoc quoque

accedebat, quod an in mediis scopulis locus aliquis esset in quo tuto cōsistere & de euadendo pēriculo rationem aliquā inire possemus ignoraremus. Tandem subsequētis diei claritas toties frustra optata illuxit. Tum verò cum in quemcūque maris angulum oculi incidissent, nihil nisi pontus & aër intuentibus circū circa appareret, ac in ipsa aquarum superficie præter ipsum navis (vt ita loquar) cadauer arma virū tabulęq; & Lusitanica gaza natarēt: omni vltioris vitæ spe penitus præcisa, ante Solis occasum ad Dei omnipotentis tribunal omnes nos sistendos esse certò certius cognouimus. Vbi quodd anteactę vitæ exacta ratio reddenda esset; in hoc omnes seriò se præparabant, tanta pertæsi cordis contritione, vt præter lachrymas, singultus, cordis præ dolore percussiones, nihil vsquam vel videre vel audire possemus. Etsi vero ad promouēdam vitæ spem funibus arreptis fractę navis tabulis aliqui se alligabant, fluctuum Deiq; arbitrio se cōmittentes; illi tamen reis capitali iudicio damnatis iamq; ad mortem per supplicia properantibus similiores videbantur, quàm iis qui huiusmodi cōmento vitam prorogare mortisq; necessitatē effugere conantur. At quoniam natura vitæ cupida nihil adeo horret ac mortem, idq; ob exactam actionum nostrarum rationem quā iustissimo iudici Deo reddere debebit vnusquisque nostrum: multi iniquitatis loci in quem inciderant nescij; vt vitæ consulerēt, noua consilia nouas rationes inibant. In tanta calamitate videre erat plerosq; (nautas præsertim) quinos aut senos in navis malis equitātes ac rapidis se maris fluctibus

bus committentes, alij tabulis colligatis pro cratibus vsi inter fluctus terram inquirebant, de quibus quòd nihil secum ciborū vnde vitam interea sustinerent sumpsissent quid actum fuerit, nemo vnquam nostrum cognouit. Ex quo in medijs ees periisse fluctibus certa coniectura colligimus. In tribus tantum tabularum contignationibus nonnulli ad littus appulsi euaserunt, de quibus paulò infra prolixius. Rebus ita cōstitutis nauis Ductor primarius de situ loci explorando maturè agebat, eo nimirū consilio, vt tuto aliquo in loco vniuersa multitudo cōsisteret, donec viam qua ad Sofallē insulæ littus pertingere possent inuenissent. Quade causa scapham cum nauis Gubernatore & alijs septendecim sociis ingressus, cū irritò conatu loca omnia lustrassent; diu multumq; an ad eos quos in scopulis reliquerant redeundum esset inter se disceptârunt. Et quia non falso iudicio existimabant fore vt omnes impetu facto in cimbâ irruerent, adeo quidem vt præ pondere necessariò submergeretur, cōsultius se facturos arbitrati sunt, si relictis cæteris quibus nulla ratione opitulari poterât, recto cursu Sofallam insulâ petissent. Quo autem modo navigationem instituerint, mox copiosius ac sigillatim explicabimus. Iam ad eos qui in scopulis remanserunt cœpta reuertatur oratio, qui ad vnum omnes extremū vitæ diem claudere eo temporis momento parabant. Verū diuino cōsilio accidit, vt res aliter multo atque opinari fueramus succederet. Cū enim vehementiori fluctuum impetu confractæ nauis partes in scopulos conijcerentur, biduo ibi aut triduo substiterunt.

Interea temporis mutua exhortatione animati diuerſi diuerſa media excogitarunt, quibus ad proximam terram quam vno aut altero tantum miliari abeſſe credebant pertingerent, ad quam cum deuecti eſſent, de comodiore ratione diſpiceret qua in Moſambico portu exponeretur. Factæ ſunt itaque crates quædam maiuſculæ duæ, quibus circiter quadraginta homines inſiſteret, minuſculæ ſex quibus pauciores ferretur. Sed quia præſentis inſtituti ratio poſtulat, vt de iis tantum ſeu ſcaphis, ſeu tabulatis, ſeu eratibus agamus, quæ multis exantlatis laboribus ad portum tandem deductæ fuerunt (quas quatuor fuiſſe poſtea cõpertum eſt) de iis ordine quid ſingulis acciderit commemorabo.

Primus itaque qui ſitus explorandi cauſa cum ſcapha diſceſſerat dux fuit nauis primariæ, decem & octo ſociis comitatus. Qui dum reliquos deſerre ac Soſallæ inſulæ litus petere à quo 60 miliarium intercapedine aberat ſtatuiſſent, quæ ad iter neceſſaria videbantur quo potuerunt ſtudio pararunt. At verò quòd ad ſocios redeundi animo diſceſſiſſent; nihilque eorum quæ ad longiorem nauigationem opportuna erant ſumpſiſſent, qua potuerunt induſtria nauiculam adornârunt. Remorum altero pro malo utebantur, enſes duo per capulos colligati antennarum loco erant; Lintheamen quo ex nautis quidam cinctus erat pro velo, ſtragulumq; album pro dolo, pro rudetibus funiculi quidam piſcatorij fuere. Sed quoniam per multas rimas aqua in ſcapham irrumpebat; funium fructis minutim conciſis nauiculæ cõmiſſuras ferruminabant, pro pice conditibus ac ſalgamis liquidioribus

ribus vsi. Instructa iam tãdem nauicula, pro exitu  
 felici ex ista decliuitate Deum feruentissimis pre-  
 cibus rogant, voto interim se quoq; obstringen-  
 tes, fore vt si è tantis periculis aliquando elabi cõ-  
 rigisset, Eadem D. Virginis Mariæ Guadalupæ in  
 Hispania summa cū deuotione ac gratiarũ actio-  
 ne inuiserent. Preces Deo acceptas, vota Virgini  
 matri grata fuisse ex eo statim intellexere, quod  
 breui tempore scopulos istos ac saxosas rupes eua-  
 derent, ac in altum deuecti mare placidiore cursu  
 ferrentur. Cumq; iam tràquilla satis navigatione  
 ad proximum litus tenderent, hac victus ratione  
 vsi fuerunt, vt duæ duntaxat cydoniati (condimẽ-  
 rum hoc est è malis cydoneis) buccellę in dies sin-  
 gulos præ rata parte vnicuique distribuerentur, si-  
 um autem per exiguo vini aqua maris bene diluti  
 haustu statis diei horis prouocarent potius quàm  
 extingueret. neque enim aliud quicquam suppe-  
 tebat, quàm quod Dux paululum aquæ è floribus  
 caloris vi expressæ in vsum suum sibi seruasset. Li-  
 tanyas. Diuorũ quotidie sub vespertum magno de-  
 uotionis ardore decantabant; quibus finitis sub-  
 latis ad cælum vocibus diuinam opem supplices  
 implorabant, pectusq; subinde tundentes ac in  
 mutuo amplexu hærentes internum dolorem ve-  
 ramq; de commissis erratis pœnitundinem cum  
 emendationis firmo proposito palam prodebant.  
 Dux vero piis exhortationibus animos ceterorum  
 ad deuotionem excitabat. Die proximè sequente  
 vëto agitabantur aliquãto vehemẽtiore, ad cuius  
 vim aliquo pacto euitandã à meridie (à qua parte  
 maior aquæ copia in scapham influebat) adhiberi



remedium oportebat, alioqui periculum erat ut  
 irumpentibus aquis grauata submergeretur. Ve-  
 rum Dei benignitate paulo sedatione vlti tempe-  
 state quarto die, è regione Sofalæ (quantum con-  
 iectura assequi poterant) terra apparuit. At quo-  
 niam loci omnino erant imperiti, quatuor adhuc  
 diebus circa littoralem oram nauigârunt, hac frê-  
 ti sse, vt tandem in amnem aliquem delati diu  
 optata terra tutò porirentur. In navigatione ista  
 maximum ipsis à balenis similibusque marinis  
 monstris periculum impendit, quæ cum vndique  
 nauiculam peterent, excitato clamore ac sonitu  
 Dei adiuti auxilio fugabant. Plurimum quoque  
 siti enecabantur, adeo vt non defuerint aliqui qui  
 vna epota illam sedare tentarint. Octauo tan-  
 dem die cum à meridie calum ventos ac tempe-  
 statem minitari viderent, in proxima loca quo-  
 rum alteri Trilinda alteri Qualimane nomen e-  
 rat, se recipere decreuerunt: antequam tamen e-  
 gredierentur, inualecente paulatim tempestate  
 parum abfuit quin omnes submergerentur. ex  
 quo præfenti periculo animis consternati ad Di-  
 uæ Virginis suffragia emissi antea voti renoua-  
 tione confugerunt: ac tandem in vicinum litus  
 aliis vmbilico aliis pectore tenus aquis se immer-  
 gentibus exilierunt. Cumque primum egressi es-  
 sent, duobus ad nauiculæ regularumque quas se-  
 cum aduexerant custodiam relictis, summo om-  
 nes studio recentem aquam conquiesierunt, quam  
 cum inuenissent præ nimia siti qua cruciabantur  
 pronos se in aquam prostrauere. sic vt neque sa-  
 tiati, neque ab eo loco auelli possent; sed inuenta  
 aqua,

aqua cæterarum oblitæ rerum contenti, moram  
 ibi longiusculam traherent. In occursum eorum  
 qui ad scaphæ custodiam in littore remanserant,  
 Cafer quidam (est genus hoc hominũ ex Æthio-  
 pũ gente agreste ac barbarũ) prodijt, qui visis no-  
 stris, manuũ plausu (quod apud eos humanitatis  
 signũ est) occursum gratulatus: pisciculos aliquot  
 peregrinis coquẽdos obtulit: sed cum nostrorum  
 alter ignem quæsiturus cum Casro à littore reces-  
 sisset, ducenti circiter alij barbari arcubus ac telis  
 muniti accesserunt, qui ne hostile quicquã moliri  
 viderentur, depositis arcubus manus præ lætitia  
 concutientes lætâ nostros fronte exceperũt: nostri  
 vicissim à fonte reuersi in beneuolentię signũ va-  
 scula aliquot pomis cydoneis melle cõditis refer-  
 ta obtulerũt. Tandem nihil aliud illos machinari  
 quàm vt omnibus rebus quas secũ aduexerãt no-  
 stros exuerẽt, manifesto indicio patuit. Cũ enim  
 quod postea accidit metuẽtes nostri enses triginta  
 sub arena condidissent; eos hoc astu inuenerunt.  
 Centũ namq; ex ipsis cæteris circũstantibus humi  
 se prosternẽtes terram tam diu vnguibus effode-  
 rũt, donec quod occultũ istic latere arbitrabantur  
 inuenissent. nec eo contenti stragulum illud quo  
 doli hoc est minoris veli loco vfi fuerant certatim  
 arripientes in minuta frustra dilcerpserũt. Ex quo  
 cum singuli metuerẽt ne pari immanitate in ipsos  
 quoq; sæuirent, lento cũ ipsis gradu per litus pro-  
 gredi vt hostiles manus euaderẽt frustra cœperũt:  
 vltimũ enim vestibis spoliatũ nudũ in littore de-  
 seruerũt; mox reliquos aggressi, ne indusiũ quidẽ  
 quo nudũ corpus contegerent, ipsis reliquerunt.

Prædam

Prædam autem mulieres quædam sportis quas in  
 eum finem attulisse videbantur abstulerunt. Adeo  
 quidem ut ne Dux ipse seu capitaneus (multo mi-  
 nus ceteri) vestes retinere vlla ratione potuerit.  
 Cum enim Xechus (quo nomine suum ipsi ducem  
 appellant) Ductori nostro ut se vestibus exueret,  
 signo edito imperasset; & ipse imperanti morem  
 gerere aliquândiu reluctaretur, imperu facto om-  
 nia ipsi eripuerunt ne galero quidem quo se à So-  
 lis ardoribus defenderet relicto. Cum eò calami-  
 tatis miseriamque; redacti essent, ac nunc forte in loco  
 aliquo aut flumine finitimo Lusitani, negotiaren-  
 tur, ignorarent, quorum subsidio instantis aduer-  
 sitatibus leuamen aliquod sperare possent: ex in-  
 timo cordis affectu se Deo omnes Dineque; Virgini  
 non vanis precibus commendarunt. Vix enim qui  
 explorandi loci causa præcesserant, sex miliaria cõ-  
 fecerant, cum præcipuum tractus illius maritimi  
 amnem Qualimenem nomine inuenerunt, per quem  
 Lusitani cum Senæ, Teutæ, & Monomorapæ pro-  
 uinciæ incolarum magna ac frequenter mercimo-  
 nia exercere consueuerant. Ac mox signo dato cum  
 inuenisse se quod tanto studio tamdiu conquisi-  
 uissent sociis indicassent; Dux nauem in flumine  
 conspicatus illam ascendere ut in alteram fluminis  
 ripam trajceret festinato gressu conabatur. verum  
 tum quoque præsentissimo mortis periculo tam ille  
 quam Gubernator expositus fuit. Bada enim quæ  
 fera est in illis regionibus crudelissima est sylvarum  
 opacitate elapsa vtrumque deuorasset, nisi conci-  
 tiori cursu in nauem se opportunè recepissent,  
 flumenque; transmississent. Iamque in altera expositi

ripa Cafros precibus induxerūt, vt eorum adiuti  
 opera socij quoq; flumen trajcerent. qui alioqui  
 quod cœnosa essent loca quæque accedente mari  
 ad viri altitudinem aquis operiuntur, nisi tempe-  
 stiue subuentum ipsis fuisset, ad vnum omnes in  
 luto suffocati fuissent. Sed Deo propitio factū est,  
 vt gens ista alioqui inhumana reliquos in vltimo-  
 rem fluminis ripam exponere nō tergiuersaretur.  
 Atque ita paululum progressi ad portum quēdam  
 accesserunt cui nobilis mercator Franciscus Bro-  
 ciado præerat, fluminū omnium quę sunt in Cua-  
 ma Æthiopię prouincia Lusitaniz Regis nomine  
 generalis præfectus ac custos. qui quod circa aliū  
 quendam fluuiū Soffalam versus ab eo quę trans-  
 miserant triginta fere Lencis distātem occupare-  
 tur; mancipia eius cū misellos istos nudos ac for-  
 tunis omnibus à Castris exutos lacera cute lepro-  
 forum instar tum ob Solis ardorem tum etiam ob  
 culicum muscarumq; continuos morsus conspi-  
 carentur; misericordia moti in lachrymas prorup-  
 erunt. Ac statim cibi quoddam genus ex milio  
 confectum (quam Mazaiā patria voce appellant)  
 cum pisciculis quibuldā esurientibus præbuerūt.  
 Non procul ab isto portu Mahumetanae fidei se-  
 ctator quidam vitam agebat admodum opulētus  
 ac Lusitanæ genti mirum in modum addictus, cui  
 cum nūciatum esset naufragos quosdam eò fuisse  
 appullos, eos nihil cūctatus inuisit, ac Duci indu-  
 sium, vestē, caligas, chlamydem, calceos, & rubrū  
 pileum donauit, sociis autem orizæ mensuras ali-  
 quot largitus est. Ad tantas enim malo nati fidere  
 homines angustias redacti erāt, vt vicem ipsorum  
 infide-

infideles etiam ac à Christiana fidei lumine alieni homines dolerent. Quin & nauium ac Æthiopum duorū qui eas remis impellerēt copiam ipsis fecit, quorum alter Luabum versus vbi tunc temporis portuum præfectus commorabatur contenderet; alter Senā sexaginta inde miliaribus distitā aduerso licet flumine vbi arx erat & commune quoddam Lusitanarum mercium promptuarium nauim dirigeret, quō cum aduersum æstum remis velisq; superātes peruenissent, dictu mirū quanta humanitate fuerint ibidē excepti; ac postea à portuum Præfecti filio Luabum ad patrem perducti. sub cuius cōspectum cum prodijissent, omnia sibi viscera commōneri præ rei indignitate, nō minus humanus quā nobilis vir sensit; ac largo lachrymarum imbre humanæ cōditionis miseriam deplorans singulos amicissimè complexus omnium indigentia mira liberalitate leuauit. Quinto post die vir quidam à Senensis arcis Præfecto missus Luabum venit 19 telarum corgias (vt ipsi vocant) adferens, quarū singulæ 20 telas cōtinebant. Is Præfecti nomine naufragos vt Senam se transferrent rogabat, omniaq; quæ ad cōmodè viuendum necessaria essent liberaliter ac benignè offerebat, donec ad Mosambicū portum commoda nauigatio pateret. Verum quidem non expedire id temporis Duci videbatur, si viri illius domum in qua tanta cum humanitate excepti fuerant temerè deseruissent. Sociis itaq; apud eum relictis solus ipse cum paucis aliis quod non satis firma valetudine esset Senam se contulit, amissam se istic valetudinem citius ac facilius recuperaturū sperans. Sed omissa

ad tem-

ad tempus cœpta narratione eorum qui maximis  
 erepti periculis commodiore iam multo fortuna  
 vtuntur, ad eos veniamus qui compacta ex diuul-  
 ſe nanis tabulis erate ad litus ipsi quoq; tandem  
 appulsi fuerunt, tribus circiter milibus à Lua-  
 bo oppido ad Qualimanem amnem. Vt autem  
 in ipsorum infelici casu Dei æterna prouidentia  
 magis manifestetur, quædam maxima admiratio-  
 ne digna commemorabo. Ac primum de modo  
 quo tabulatū hoc compegerint, pauca subiciam.  
 Aberat à confracta naue quantum æneo tormen-  
 to missa pila ferri posset colliculus, quem in maris  
 accessu vix cubiti vnus altitudine aqua superato  
 videbatur, in quo cum multa quæ per naufragium  
 omnino periisse credebamus quasi in cumulum  
 collecta subsistere aliqui ex nostris obseruassent;  
 spem conceperūt fieri posse vt & ipsi ibidem con-  
 sisterent; atque ob id quadraginta ferè se eò reci-  
 pere conati sunt: quòd cum peruenissent, vndarum  
 impetum eo in loco tantum esse experti sunt, vt in  
 maris accessu sustineri posse diffiderent, quare ad  
 nauim reuerti cum vellent quidem, sed præ flu-  
 ctuum impetu non possent, vndarum arbitrio se  
 commiserūt. Ac verò eodem temporis momento  
 diuina benignitas duas in istū monticulum na-  
 uis partes, quibus dum adhuc integra erat tegi  
 consueuerat, ac plurium insuper tabularum con-  
 tignationem quam in alio scopulo confecerant  
 fluctuum ventorumque ministerio impulit. Et  
 quia nulli eam occuparant, ob id nimirum quod  
 cum primum compegissent tam multi in eam in-  
 silissent, vt præ nimia grauitate ac pōdere dissue-

retur



retur ac mergeretur, illi eam quasi cœlitus oblata in  
arripuerunt, opportunam satis esse rati ut ad sco-  
pulos quosdam qui arborum instar in aquæ superfi-  
cie eminebant, & tribus tantum à nobis miliaribus  
distabant, deucheretur, terram istic se esse depre-  
hensuros probabili coniectura sperantes. Hic ite-  
rum nouum diuinæ in suos gratiæ argumentum ne-  
cessitas obtulit. Spiritu namque diuino suggerente  
ex fasce quodam lutei panni qui vnâ cum navis  
fragmētis affluxerat, tum telæ lineæ vlnis aliquot,  
quin & ex fasce vno heteromallei & altero dama-  
sceni serici undulati quos in cōtignatione tabula-  
rum offenderant, vela confecerunt: atq; hoc modo  
ad nauigandū comparati recto cursu ad scopulum  
contenderunt, tam illi qui in tabulato hoc cōsiste-  
bāt, quàm alij qui nanis frustis insidebāt. Sed quia  
tabulatū nauigationi magis erat commodū, citius  
illi qui eo vehabantur ad scopulos peruenerunt  
quàm cæteri. Cumq; nausea & tædio male affecti  
& ab acutis corallinis petris, quib<sup>9</sup> loca ista omnia  
sunt referta, læsi ac vulneribus fœdati præter sco-  
pulos, rupes, ac saxa ubi conquiescere ac respirare  
aliquantulum possent, planè nihil offenderet, saxaq;  
ista in maris accessu cubiti vnus altitudine pro-  
minere obseruarent: in ea se, animis agerrimè af-  
fecti ac spe euadendi penitus sublata, proiecerunt.  
Mox iterum vitæ producendæ studio ex pluribus  
tabulis cratem vnâ conficere statuerunt, in quam  
plurimi (omnes enim nullo pacto poterant) reci-  
perentur. Quo iterum loco in summa desperatione  
noua euadendi spes diuinitus affulsit. Cum enim  
ab vtraque rupis parte ligna ad cratem conficien-  
dam



dam sollicitè disquirerent, præter edulia quædam in vasis bene obstructis vento illuc appulsa duas chartas nauticas inuenerunt, quarum altera à bonæ spæi sinu in Lusitaniam, altera ab eodem sinu in Indiam rectam nauigationem continebat. qua in re plurimum momenti inferior naui præfectus reponerat. Inuenerunt præterea lintheamen vnum ac mappam maiusculam ad insternendam mensam quæ postea struendis velis peropportuna fuisse. Augebat insuper spem plurium lignorū, trabium, tabularumque tum cistularum diuersorum condimentorū velut cydoniati ac electuarij, aliorūq; eduliorum ac cadorum aliquot vini miraculosa prorsus inuentio. quæ omnia quoniā diuinæ munificentia accepta referebant, humili omnes voce immensas Deo gratias egerunt. Cratem denique satis firmam tribus malis instructam confecerūt, in qua artemonis seu veli maioris loco erat lintheamen; doli vicem ad prorā mappa cum panno quodam damasceno viridi supplebant. pro Epidromo seu mediocri velo ad puppim panno quodam holoserico & damasceno viridis quoque coloris utebantur. Pro com meatu triginta habebant cistulas grandiusculas coronati, condituum seu salgammorum (vt vocant) cados minutos sex; cadum item farinæ & alterum aquæ dulcis. Hac via ac ratione asperas rupes euadere tentabant. sed tã multi vno veluti imperu schediam conscendebāt, vt præ nimio pondere mergeretur. Quo viso præfectus naui minor confestim exiit, eumq; reliqui omnes secuti ad scopulos iterum tristes & quid agere deberent incerti se receperunt, seque ac vitam suam

Præfecto commendârunt. Cùm itaq; maturo adhibito cōsilio omnes in schediam nullo modo recipi posse (quæ sedecim tantum virorum capax erat) perspexisset, quodq; tantæ multitudini victus neutiquam sufficeret, decē acceptis cydoniati cistellis, condimētorum sex, vini cado vno & aquæ dulcis altero, sedecim quos secum educere statuerat selectis; cautè subducere se ac à reliquis separare meditabatur. Quocirca cuidā ex nautis præcepit, vt clam & quasi ex insidiis rupto per dolum fune cratem solueret, ac licet ipse vt ad scopulum rediret cum clamore ac iurgiis imperaret; vela tamen nō contraheret, sed potius data opera à rupe longius abcederet. Remex imperata facturus à scopulo cratem nonnihil remouens, dolo, hoc est, velo minori ad proram explicato ad nauigandum accingebatur. Quod cùm cæteri viderēt, planctu, ciulatu, clamoribus mare ac cælum omne implebant. Ac quidam vitæ longioris amore per medios fluctus natando cratē sequebantur, quos quia coram à fluctibus absorbendos esse videbant in cratem admiserunt, institore naui natandi imperito cum ingenti omnium (qui videbant) dolore miserè submerso. Hoc ipso tempore aliud quiddam non minori commiseratione dignū accidit. Cùm enim vicarij præfecti filius cratē tempestiuè conscendere neglexisset, eius liberandi causa ad scopulum redire pater tentabat. sed cùm à sociis prohiberetur, immensam lachrymarū copiam & istie & toto nauigationis tempore profudit, adeo quidem vt mentis impos fieri videretur. Præsciuerat quidem ille filium inter cæteros qui cratem ascē-

derant

derant non adesse; sed illo apud reliquam turbam quasi pignore quodam ac obside relicto, discessus sui metum nemini eorū incutiebat, qui cum sine filio discessurū ne suspicabantur quidem. At quia nulla alia discedendi ratio ab illa multitudine tūc temporis occurrebat, tum quia filium natiūdi peritissimum nouerat, eum subsecuturum confidebat. Verū infelix adolescens mœrore, ægritudine ac vulneribus in scopulis asperis acceptis penè confectus in rupe potius quàm in maris fluctibus extremum vitæ diem claudere præoptauit. Illi autem duodecim dierum itinere nihil in dies singulos ad vitæ viriumque refocillationem ac conseruationem sumebant, quam cydoniati baccellam vnā, aut pyrū, aut tyrsum lactucę saccharo conditū cum vini haustu perexiguo, ex quō siti adedō omnes cruciabātur, vt sexto nauigationis susceptę die quidam assidua aquæ dulcis imaginatione sui oblitus in mare præceps prolapsus perierit, idem quoq; iuueni cuidam Cinenſi ac vni ex militibus accidit. Post quos tres alij eodem mortis genere occubuerūt. quorum primus nauta, alter tubicen, tertius Regis erat Oenophorus seu à poculis; quorum luctuoso interitu plurimū alij qui in eadem afflictione erāt consternabātur. Sed in summo periculo summa & penè incredibilis consolatio de cælo missa præsto fuit. nam (vt ipsi vno omnes ore postea confessi sunt) quinque dierum spatio ad cratis proram puerorum suauiter canētium chorus ab omnibus auditus fuit, quo Christianæ fidei articuli ac Diuæ Virginis laudes aliquæ continebantur, quas ita clarè concinebant,

ut vocum suauitate captus quidam imum sonum  
qui deesse videbatur (vulgus musicorum bassum  
vocat) occinere tentaret: nec ante duodecimum  
diem gratus hic è nauigatium auribus concentus  
euanuit, ac tum quidem cum, quo fame ac sitim  
sedarent, nihil planè superesset, aquam marinam  
cum relictis vini fecibus miscuerunt; admodum  
soliciti ne & ipsa deficeret priusquam ad terrā de-  
lati essent, quam subsequenti die sub Solis ortum  
cum ingenti omniū exultatione Deus vitam agrè  
trahentibus ostendit, eam tamè licet toto die ocu-  
lis obiectam cernerent, ante Solis occasum attingere non potuerunt. Tum autem quamuis & nox  
ingrueret, & quibus in oris versarentur nescirent,  
præ nimio tamen soli dulcisq; aquæ desiderio in-  
tempesta nocte nihil veriti extensis velis ad littus  
delati fuerūt, quod ita tutum inuenerunt, ut nullo  
vetante egrederentur. Primus è crate vicarius præ-  
fectus exiliit, qui quòd pedibus plus quàm ceteri,  
valeret, non procul à littore progressus aquā scro-  
be ad cubiti vnius atque alterius profunditatem  
effossa miraculosa potius quam naturali ratione  
inuenit. ob id scilicet quod locus iste accedente  
mari semper inundaretur. Ad inuentum fontem  
concitato gressu reliqui accurrerunt, circa quem  
cum iam bibendo satiati essent, madidi, fatigati,  
viribusque fracti obdormierunt: Postero die post  
Solis ortū septem ipsis Cafri occurrerunt, ad quo-  
rum præsentiam exhilarati pileum singulis dono  
dederunt, pomis aliquot in grati animi signum ab  
ipsis vicissim acceptis, quæ famelicis hominibus  
iucundissimi saporis esse videbantur. Sed quoniam

aqua

aqua quam inuenerant nimis turbida fuerat, ac puluere coinquinata, cum quodam ex Castris partiti fuerunt, si meliorem ac puriorem ostendisset, linteamen quo pro velo vſi fuerāt se ipſi daturus, ac obſidem aliquem è ſuis quem ipſi voluiſſent relicturos. Profectus itaque cū Caſtro vicarius præfectus vix duo miliaria proceſſerat, cū inuenta aqua tanta auiditate biberet, vt barbarus miraretur vehementer: ipſe enim ad puteum proſtratus pedibus male affectis ægrè cōſurgere potuit. Tandem cū ſitim pro libito ſedaſſet, cados minores aliquot impleri iuſſit, quos Caſer ac mulieres quædam vna cum hydriis ad ſocios lentogradu ob pedum ægritudinem ſubſequentes detulerunt. Verum cum multo ſcœnore hæc humanitatis beneuolentiæq; officia ſibi penſanda eſſe, ipſo euentu Caſtri ſignificauerunt. Duo namque in Præfectum impetu factò irruētes ipſum exutis per vim veſtibus denudarunt. cui tamen commiſeratione quadam ſtimulati damaſceni panni vlnas aliquot ad regendam corporis nuditatem porrexerunt, ac ad ipſorum tuguria ficta beneuolentię ſpecie inuitarunt. quod cum facere pertinaciter recuſaret, ad ſocios quos ab iſdem Caſtris omnibus rebus ſpoliatos obuioſ habuit perrexerit. Cumq; iam omnes cōueniſſent, mutua conſolatione nō nihil recreati, vnum qui ætate cæteros & humanitate præcedebat ſecuti ſunt, qui domi ſuæ miſeros excepit, ac faſceolos ſemicoctos (neq; enim vt percoquerētur præ famis impatientia patiebantur) eſurientibus appoſuit. Addidit & pyra quædam ſylueſtria pyris noſtratibus hybernis magnitudine non abſimilia,

sed adeò dura, vt cùm dentibus comminuerèt, ea deglutire nō possent, nisi tribus aut quatuor sumptis aquæ haustibus, quam vicarius præfectus & alius quidam in urnis lapideis secum attulerant. Subinde per sylvas vagabantur cucurbitarū folia ad pedum exulceratorū medelam disquirentes. Quin & stipem ostiatim emedicabant, vt quo vesperinis saltem horis refici aliquo modo possent non omnino deesset. sed frustra, erat enim gens ista tam agrestis ac fera, vt miserorum hominum aduersitate nihil planè cōmoueretur. Quāobrem ad ridiculos gestus cōuersi histrionicis facetiis ad liberalitatem barbaros prouocabāt, vt hac saltem ratione in extrema necessitate solatiū aliquod inuenirent. Et siue diuino impulsu factum fuerit, siue quod ineptiis huiusmodi leuissimi homines caperentur, vix nouo hoc ad mouenda duræ gētis corda commēto vti cœperant, cùm plerique plenis manibus fascolos ac herbas quasdā ipsis porrigerent. In hac porrò afflictione septem dies cōtinuos vitam agrè producerunt; quibus exactis Castrum istum cuius domo excipiebantur spiritus Dei occulto stimulo adegit, vt de vicario præfecto ad nobilem Lusitanū Franciscum Brociadum (cuius paulo ante mentio incidit) mittendo pro miserorū redemptione cogitaret. Quæ durissimæ seruitutis finiendæ occasio Præfecto inferiori ne-tiquā negligenda videbatur, ac ob id primo quoque tempore discedere, ac de redimēdis sociis seriò tractare statuebat. Sed cùm socios metu perculsos cerneret ne cùm sibi bene esset ipsorū obliuisceretur, atque ita sub tam duro seruitutis iugo

vitam

vitam finire cogrentur: iureiurando coram omnibus religiosè promittit se fideliter communem omnium causam apud Lusitanū nobilem prout rei necessitas postulabat acturum, quod nisi fieret nullam captiuitatis euadendæ spem affulgere asseribat. quibus rationibus adacti miseri homines inter spem metumq̃, dubij vicarium præfectum dimiserūt. Ille autem ea fidelitate rem gessit, pioſque conatus eius mitissimus Deus vsq; aded̃ promouit, vt secundo à discessu eius die sub noctis initium cū somnū caperet, seruus prædicti Lusitani ipsum adiens ac vltro compellans sciscitaretur, num forte naufragi aliqui Lusitani in littus istud eiecti essent, hoc interim addens Dominum suum qui & ipse Lusitanus erat magno ipsos videndi desiderio flagrare: & vt omnis fraudis suspicionem animo eius eximeret, litteras Domini iussu scriptas primoq; in quem incidisset offerendas ipsi tradidit, quo tam opportuno ac insperato accepto nuncio, lachrymas præ gaudio continere non potuit, quas multo vberiores profudit, cū lectis litteris intellexisset Lusitanum nobilem iubere vt à fluminis accolis nauigia peterent, atque ad ipsum ilico se tanquam ad salutis portum conferrēt: confidere se accolis quicquid nomine suo imperassent è vestigio facturos. Erat autem viri illius per vniuersam istam littoralē oram authoritas maxima, tam dignitatis ac officij intuitu quo istic regio iussu perfungebatur, quàm quòd triginta penè annis ibidem fuerat commoratus. Casri lintrem procera arbore cauatū nouem naufragis totidemque Casris admissis vt de cæterorū redem-



ptione ageretur, ascenderūt: nauigabant verò per amnem quendam cuius ripam arboribus egregiè confitam ac riuulis torrentibusque plenam tum feris plurimis abundantem cernebant, à quibus nocte quadam cum in ripa pernoctarēt, plurimū ipsis periculi imminebat. Frustum tergoris bubalini ad ignem tosti quod secum Cafri apportarāt, & holuscula quēdam herbacea vespertinē deliciae in cœna fuere. Sequenti die in cœpto itinere perrexerunt, in vesperum vsque ieiuni dum in ripam exponerentur iuxta saltum quendam opacum (in quo lintrem barbari abscondebant) vno tantum miliari à Lusitani nobilis ædibus distantē. Quamquam autem incredibili desiderio quo tendebat, tandē pertingere laborabat; tamen partim ob exhaustas diuturna inedia vires, partim ob tumentium pedum ægritudinē animo penè deficiens in terram prouolutus Vicarius nauis præfectus, per seruū portuum præfecto nunciari iussit, se viribus fractum vltèrius nō posse prorepere, ac ob id obnixè rogare vt de commodiore aliqua itineris perficiendi ratione cogitare dignaretur. Seruus imperata non cūctanter facturus itineri se accingebat, cocta tamen oriza tribusq; ante discessum gallinis præparatis, quibus interea vesceretur. Sed, vt homo erat famelicus, vna refectione quicquid à famulo relictum erat absolvebat. Cumq; cibo paulo delicatiore vires nō nihil refocillasset, viam iterum ingressus eò, licet ægro corpore, peruenire quò iam dudū animo & imaginatione pertigerat, gestiebat: vixque mediam itineris partem confecerat, cū quatuor à Præfecto missi emptitij serui

serui ipsum portaturi in occursum prodirent vno ex nautis remigibus comitati, qui (vti paulo ante retulimus) cum scapha euaserant, ac biduo ante eodem appulsi fuerant. Rapiebatur in admirationem vicarius praefectus tam inexpectato spectaculo, multoq; magis cum nauigationis successum à principio illo narrate audiuiſſet. Tandem ad celebris viri huius ædes seruorum ministerio delatū nobilis ac vere Christianus hospes obuijs vlnis largo lachrymarū imbre madefactus excepit; ac de omnibus ad commodiorem vitam necessariis liberalissimè prospexit. Ipse vero vicepraefectus cum se & maris periculis & barbarorum manibus Dei misericordia cui ob id gratias immortales animo agebat ereptum cerneret, erumpentibus lachrymis amarissimè flebat: sibiq;, quod in Christiano solo tam liberalem tamque humanum hospitem nactus esset, plurimum gratulabatur. Non tamē solidum hoc illi gaudium videbatur quamdiu dura barbarorum hominum seruitute socij fame, siti, inedia penè consumpti premerentur.

Quare cum animum ac vires nō nihil collegisset, necessitatem ipsorum nobili viro ac hospiti sigillatim exposuit, qui nulla interposita mora seruis Senam missis; aliquot telarum linearum sarcinas in captiuorum redemptionem comparari iussit, ac ne propter interpositam moram miseri grauius affligerentur, alios seruos nauem conscendere ac edulia ad famelicos deferre imperauit, magnifico insuper munere ad caſtri qui eos exceperat vxorē misſo; quō magis muliebris animus erga pauper-culos naufragos afficeretur. Et quoniā qui Senam  
missi

missi fuerant opinione diutius abfuerant, alia iterum captiuis alimenta transmisit, atque hoc ipso futuræ redemptionis spem afflictis adauxit: nec frustra quidem. Biduo namque elapso, seruis cum telis Sena reuersis sarcinisque duabus ad castrum missis, dura omnes seruitute liberatos vnâ cum reliquis domi suæ honorificè excepit. Nec multo post ab oppido Qualimane nauis Dominus & alij ferè omnes qui cum scapha elapsi fuerât, Ductore maiore (qui sanitatis recuperandæ spe Senam paulò ante profectus fuerat) excepto aduenerunt. Quanto verò gaudio mutuo conspectu post tam horrendum naufragium, post tanta maris pericula, post tam duram sub barbaris seruitutem, perfusi fuerint; equidem oratione exprimere nō valeo. Hoc scio quòd à liberali Dei manu tantam consolationem se accepisse faterentur, ac ob id ex intimo cordis affectu gratias eidem quàm humillimè persoluerēt. Decimo tertio Calend. Nouēb. nunciatum ipsis fuit nauigiū quod vnâ cum nauē maiore perijsse credebant ad Lorangæ littus cū septem & quinquaginta naufragis accessisse, quos etiam breui interposito tempore obuijs amplexibus exceperūt; verūm ita ægrè affectos, ita deformes, ita debiles propter grauem sub barbara gente seruitutem quam duobus ac amplius mensibus fuerant perpassi, vt cadauera hominum magis quàm homines esse viderentur. At verò cū miraculoso prorsus modo hi quoq; ex mortis faucibus erepti fuerint, operæpretiū facturus mihi videor si de eo plenius ac copiosius hoc loco egero.

Die naufragij noctem subsecuto multi cū  
primū

primùm illuxisset fractæ navis tabulis trab. busq; insidentes terram inter fluctus quæsituri discesserant. Qui verò hac ratione vitæ cōsulere aut non auderent, aut certè non possent, illi vltimum spiritum iam tum exhalaturi, animam magno cōtriti cordis dolore Deo commendabant. Qui quòd in tribulatione existentium preces surda præterire aure non solet, ad compingendas gerras quasdam seu crates eos excitauit, ad quod mutua se exhortatione stimulabant pro certo credentes se, post duorum triūmue miliarium navigationem terram ac recentem aquam inuenturos, idque ex arbusculis quas in illo rupis dorso eminus conspici videbātur, colligebant: ad quas cūm denecti essent, de nauigio quodā maiore quo ad Mosambicum portum centum tantum miliaribus distitum appellerentur, maiori cum commoditate ac minori periculo consiliū caperent. Huic operi officiorum nauticorum exactor cum alijs quibusdam suis tum necessarijs tum amicis manum adhibebat. Sed iam tum fame laborare incipiebamus, nā cydoniati cistulæ quas qui pridie à nobis discesserant reliquerāt, iam iam inoriturorum solatia nobis potius videbātur, quàm vitæ præsidia. Huic tamen malo hac ratione occurrerunt, excitato enim igne in conuulsæ navis fragmētis gallinas aliquot torrere parabant, quibus cum maiori orexi calamitosi homines vescerentur. Equidem cūm in tātis angustijs gallinis ad ignem tostis nos pasci viderē, certam spē concepī Deū inexpectatæ misericordiæ signum nobis aliquod velle ostendere. cuius rei euidentissimum erat argumentum,

quòd

quod cum navis maior ad dextram proræ partem  
diuulsa & tegumentum vndique contractū esset  
in quo nauigium minus consistebat, ipsum nauig-  
gium etsi ex graui illusione etiam ruptum & tertia  
parte mutilatum, tamen impetu magno in scopu-  
loseiectum, nemine nostrum tale quid expectan-  
te ad manus nostras diuina prouidentia procuran-  
te peruenit. Quod licet plerique nullis vsibus ap-  
tum esse iudicarent, Odoardus tamen Melopa-  
tricijs sanguinis vir in India natus vbi & uxorem  
duxerat, melioris inde spei occasionē arripuit: effi-  
cacissimisq; rationibus tum Nauarcho tum alijs  
quibusdam persuasit, vt ad instaurandum nauig-  
gium & animum admouerent & manus. Quod  
cū magna molestia aggressi essent (nam acce-  
dente mari aliqui media corporis parte, nonnulli  
pectore tenus aquis immergi stabant) bidui spatio  
cœptum opus absoluerūt, alijs qui in naui maiori  
remanserāt, omnia quibus ad compactionem na-  
uigij opus erat, subministrantibus. Vt autem in-  
fluentem per commissuras aquam excluderent,  
sex circumcirca funiū ligaturis nauigium arctissi-  
mè strinxerunt. & quoniam puppis penitus erat  
ex illusione conuulsa; capsarum quarundam ta-  
bulis ac cadorum malè compactorum fundis ute-  
bantur, quorum iuncturas indusiorum frustis  
stipabant, ac deinde casco contuso pro græca pi-  
ce obducebant, quo nihil obstāte tanta aquarum  
copia continuo influebat, vt duo homines in ex-  
haurienda aqua noctes atq; dies occupati vix suf-  
ficerent. Atque hoc tandem modo instructo na-  
uigio in quo extensus pannus pro velis, funiculi  
pisca-

piscatorij pro rudentibus adhibebantur, cum & ego cum nostris in nauis maioris fragmentis con-  
sisterem, signo dato nos ad se Nauarchus euoca-  
uit discedere se velle insinuans quocunque Deus  
nauigium esset directurus. Nos verò quanquam  
ad cæterorum consolationem vt aliqui ex nostris  
cum ipsis remanerent non detrectaremus; tamen  
quòd in istis scopulis diu eos vitam producere  
non posse constaret; sed (præsertim in maris ac-  
cessu copiosiore) omnibus esse in fluctibus per-  
eundū; cum iam per confessionem peccatorum  
sordibus animos expiassent, operam nostram in  
infideliū ad euangelicam lucem conuersione vti-  
lem aliquando fore rati, quod omnes hortabātur,  
facere statuimus. ab iis itaq; licet non eodē omnes  
nauigio vecti discessimus. Nam cum alij quidam  
firma satis excepti crate summis à me precibus  
contenderent vt Patrem Zapatam & P. Ioannem  
Gonzales cum iis proficisci paterer, cū ob spiri-  
tuale consolationem tūm ad Sacramentorum,  
si quando vsus postulasset, administrationem: tā-  
tum abest vt iustis eorū precibus non annuerim,  
vt me etiam cum fratre Emanuele Dias cum alia  
quadam schedia proficisci promptū ac paratum  
obtulerim, P. Petro Aluares & fratre Emanuele  
Herrera in nauigio relictis. Verum Ductor quem  
suffragiis cōmunibus elegerāt Odoardus scilicet  
Melo, cuius modò meminimus, id neutiquā per-  
misit: atque itā quatuor nostrę Societatis tum Pa-  
tres tum fratres nauigio excepti fuere. Soluimus  
itaque sed cum ingenti animi mœrore quod tam  
multos quos ne grauata naucula mergeretur du-  
ctor

etor excipere recusabat, oculis (prò dolor) coram  
submergi intueremur. Sex item alij qui prægran-  
di mali fragmento infederant, cum impulsu flu-  
ctuum lignum verteretur, & ipsi delapsi maris  
vorticibus fuere absorpti. Circa meridiem autem  
cum soluissemus, reliqua diei parte à scopulis istis  
qui ad multa miliaria in mari porrecti iacent non  
abcessimus, spe non omnino infirma subnixi nos  
antequam tria miliaria confecissemus terram in-  
uenturos. Sed longè secus ac speraueramus acci-  
dit, nam præter nuda saxa inuenimus planè nihil  
vnde eorum errorem manifesto argumèto ac ipsa  
experientia magistra comperi, qui in decliuibus  
istis Iudeæ scopulorum dorsis arbores nasci veri-  
simili opinione existimant. Nam reuera nihil istic  
aliud oculis ipsi aspeximus, quam longam acutis-  
simorum scopulorum arborum more ex aquæ sum-  
mitate eminentium seriem. Quod verò terræ si-  
militudinem istic habere videtur, saxa sunt coral-  
lina alba quibus totus iste tractus scatet. Ingruente  
nocte quòd qua in parte alueus esset per quem ex  
saxosa ista conualle elaberemur nesciremus, ibi-  
dem pernoctandum esse duximus. Conuenerant  
autem ad eundem locum plurimi gerris, cratibus,  
schedijs, aliisque tabularum contignationibus ed-  
duncti, qui viso nauigio illud Ionæ prophætæ ba-  
lenam esse rati qua in littus exponendi essent ac-  
currerunt, sed ex omnibus vnus tantum (plures  
enim nauigium non capiebat) qui reluctanter  
nobis quasi per vim irruerat fuit admissus, ceteris  
non sine magno & nostro & illorum dolore ex-  
clusis. Postridie priusquam inde discederemus,  
nouum



aduum spectaculum nullo præcedentium minus miserandum occurrit. Cùm enim Nauarchus ac cæteri navis ministri nauticæ malè cõpactæ angustiam ac navigationis susceptæ longitudinem tum vectorum qui sexagenarium numerum excedebant multitudinem mète ac cogitatione maturè perpendissent: nauigium tanto oneri impar esse palam testificati sunt, quocirca cùm exonerandum omnino esse Ductori quoque persuasis-  
sent; ipsius arbitrio, quoscunque voluisset vel demittere vel retinere, reliquerunt. Atque ita duodecim cum ingenti animi dolore ac lachrymarum profusione exire compulsi ad scopulos vbi eduliorum adhuc aliquid reliquum erat, quo donec insperatam euadendi occasionem misericors Deus obtulisset sustineri possent; se denuò receperunt. Nos verò spe miseris iniecta vt cùm primum ad littus appulsi essemus de eorum liberatione seriò cogitaremus; cum maris accessu nauigare occæpimus, magno interim metu perculsi; quòd in alueum per quem scopulorum difficultates euaderemus non incideremus. At Deus à cuius solius ope ac misericordia omni humana industria cessante ista pendebat nauigatio, cursum nostrum felicissimè direxit. Discedebant nobiscum crates quatuor, maiores duæ ac totidem minores quæ vespertinis horis aliquot cùm discederemus, ac nocte subsecuta in nostro fuere conspectu, sed postridie vnā tantum è quatuor quæ & ipsa seruata fuit, eminus quantum oculorum acies ferebatur aspeximus; reliquas vndarum fluxus Sofalam versus impulerat.

Nos

Nos nautici gnomonis & chartarum geographicarum indicium secuti ad portum Mosambicum elauum conuertimus; octo dierum continuato spatio ventis tam sedatis marique tam tranquillo vli, vt nihil nobis molestiā vllam faceretur. quod certē singulari Dei beneficio accidisse libēter fatemur, nam si paulo impetuosior ventus fuisset exortus, absq; dubio nauem in præceps nullo negotio pertraxisset. erat enim puppis ita male compacta vt ne ad mediocris fluctus cōcussionem resistere potuisset. Iam verò cum vasti maris pericula euasissimus ac in angustiori nauigaremus, tã horrendo impetu in subiectum aliquod seu saxū seu palum nauigium impegit, vt ferri vltorius non posset, ac eodē momento ventus oboitus tam valido spiritu nauiculam agitauit, vt si paulo citius eam inuasisset, omnibus nobis fuisset necessariò pereundum. Nos itaq; improuiso periculo percussi aliquot holoserici panni fascēs ingruentibus vndis opposuimus, quin & tres viri in exhaurienda aqua continuo impediti agrè quantum influebat exhaurire potuerunt. Victu autem tã parco tota ista nauigatione vsi fuimus, vt circa meridiem nautici panis frustū ac vini bene diluti haustus modicus vix singulis distribuaretur, nihiloq; liberalius in cœna quàm in prædio fuimus excepti. Quanquam (vt verè dicam) de nulla re minus quàm de cibo & potu solliciti eramus. Litaniæ quotidie clara voce recitabātur, tum & aliis pietatis exercitijs Deum per Sanctorum suffragia & maximè per Dnæ Virginis intercessionem inuocabamus, cui & pecunię numeratæ partē quam

non—

nonnulli ex naufragio seruauerant, emisso voto promissimus, diuina prouidentia factū rati, quòd ad inexplibilem quorundam cupiditatem redarguendam pecunia ista in tanto periculo seruata fuisset. Erat enim hoc argumentum & quidem euentissimum, homines terrenos terrenarum rerum cupiditati adeò esse addictos, vt insatiabilis illa auri sitis in ipsis nec in vita nec in morte extinguatur. Contra verò hoc iterum in admirationem paulò attentius considerantem rapuit, in tanta hominum multitudine cum iam primum naus propter grauem illisionem dissuta esset, & pauimentum puppis multis aureorum millitibus stratum, sic vt pedibus conculcarentur, neminem tamen fuisse (quantum ego obseruare potui) qui vel caput modicè inclinauerit vt inde vel modicū assumeret. Sed vt vndè defleximus eò reuertamur; cum plerisque ex vectoribus nobiliores praesertim praesitis impatientia morbo corripì cerneamus, cumque maris impetus ad Sofalam nauim impelleret, sic vt spes ad Mosambicum portum pertingendi omnibus eriperetur; mutato consilio ad eam quae primum apparuisset littoris oram contempdere statuimus. Sed pridie quam ea conspectui nostro offerretur, à vento quodam ab Oriente spirante nonnihil incommodi passi fuimus. Tum autem quòd nox instaret, & in quibus orbis oris versaremur planè nesciremus; placuit nocte ista non egredi, sed vbi aquae superficiem ab imo fundo nouem tantum cubitorum altitudine abesse deprehenderemus, consistere, eiecta protrudente linea tela, ac pro anchora 1300 regalibus

d Hispa-

Hispanicis, cum ferri frustis aliquot, quorum pōdere pressum nauigium subsisteret. Postero die terram eminus aspeximus, ad quam tam diu nauigando contendimus donec tandem penè contingeremus. Verū cū imprudentius circa egres-  
sus tempus nauigaremus parū abfuit quin omnes fuerimus submersi. Cū enim à tēpeltate in loco littori adeò vicino nihil periculi metueremus (vī nec decedente præsertim mari metuēdum est) ac ob id non vsque adeo egredi properaremus; factū est subitò vt accedente mari vētus vsque adeò insurgeret, vt magno omnes metu percelleret. At verò tanta omnes egrediundi cupiditas cōperat, vt ventorum impetum nihil remorati nauæ expāsis velis nauem vento vndisq; agitatum ad littus impellerent: cumq; fundum contingerent omnes in aquam pectore tenus insiluerūt, sic vt lassi, nau-  
seabūdi, debiles, fameq; ac siti penè extincti, Deo iuuante, in littus omni absumpto cōmeatu exponeremur. Ac statim in editissimo littoris loco erecta cruce circū circa in genua prouoluti Deo Opt. Max. cuius auspiciis eō perducti eramus gratias humiliter egimus. Deinde quòd præ nimia siti fauces nobis præcludi viderentur, Cafrū aliquem nobis obuium fieri optabamus, qui ad fontem sitibundos perduceret. Sed quia numero maiori egressi eramus, si qui fortè nos eminus conspexissent, metu consternati se à nostro conspectu confestim subducebant, donec collecta manu simul accurrerent, & plurimum nobis molestiæ facerent. Est genus hoc hominum agreste, quod concitatiore cursu per densissimas sylvas, quàm nos  
per

per planas vias discurrit . ex quò cùm visis nobis  
de aduentu nostro dicto citius per latebras in qui-  
bus degūt discurrentes se mutuo monuissent: du-  
centi vno quasi impetu spiculis , arcubus, ac telis  
egregiè muniti accurrerūt. Nos licet quinquagin-  
ta & septem numero essemus, quorum aliqui gla-  
dios habebant, aliqui planè inermes erant, tamen  
quòd sclopetra nulla nobiscum tulissemus Ducto-  
ris suasu ac etiam iussu temerè cum illis congredi  
noluimus. sanissimo (vt ego arbitror) cōsilio, nam  
alioqui qui maris pericula euaseramus, hic barba-  
rorum hominum telis ad vnum omnes fuisset  
crudeliter trucidati, quare patientiæ armis muniti  
ipsorum arbitrio nos nostraque commisimus, qui  
primùm ea quæ in littore expāderamus, pannum  
scilicet quo velorum loco vsi fueramus, & holose-  
rici panni fascies tres, quibus vndarum impetum  
repuleramus, diripuerunt; ac mox in nos cōuersi  
vestibus omnes penè spoliarunt, & nisi noctis in-  
gruētis beneficio elapsi fuisset, nihil cuiquam  
reliquum mansisset. Non defuere ex nostris qui  
illatā vim repellere tentarent, sed temerario ausu,  
atreptis enim spiculis tres ex nostris periculosè  
læsi recesserunt. Cumque rapiendi cupiditas cre-  
sceret magis ac magis, vix primi recesserant cùm  
alij maiori impetu insurgerent, ac sine discrimine  
quosdam non minimæ authoritatis viros vestibus  
nudarent: inter quos P. Zappata (qui iam tum se  
nobis coniunxerat) & P. Petrus Aluares fuere, cui  
ego vestem meam dirumpens partem vnā qua  
ossa (carnem enim quæ præ egestate penè absum-  
pta erat vix audeo dicere) cōregeret porrexi, quod

ipsum & alij nonnulli fecerunt. Cumq; hoc modo nos barbari homines exceperent, nuditatē nostram obscuræ noctis caligine Deus contextit, ac licet fugiētium more agrestium manus euadere conati per litus discurreremus; euitare tamē nullo pacto potuimus, quin duos melioris notę nobiles captivos abducerēt, eos paulò post pretio accepto vendituri. Bonam noctis partem eundo traduximus eā littoris parte quæ Mosambicum respicit, idque eo consilio, vt num forte iuxta annum aliquē Lusitani mercatores agerent, diligenter dispiceremus: nec prius destitimus donec præ lassitudine in syluam littori vicinam nos abdere cogermur. quò cū ventum esset, & quieti se componere aliqui vellent, ac quo tegerentur nihil omnino haberent: nonnulli se arborum foliis contexerūt, alij effossis vnguibus foueis in iis se viui quodammodo sepelierūt. verū in lectulis tam mollibus miseri homines somnum capere non potuerunt, sed vt primum dulci declinassent lumina somno, iterum excitati in viam se firmioribus debiliores expectantibus dedere. Cumq; hoc modo longiusculè progressi essemus, siti cogente ac aque inueniendę spe, sub vmbas duabus ante meridiē horis concessimus. At quoniam per totum istum tractum Cafri habitant iterum impetu facto spiculis ac telis ad suas casulas nos coēgerunt, ac quindecim dies adhibita custodia continuerunt, adeò quidem vt ne aquam recentem impunè inquirere liceret. Debebantur certè peccatis nostris hæc stipendia, vt deficiente aqua fontana quam tanto studio frustra sepe desiderabamus, tribulationis

tionis aqua magna copia superesset. & tamen Deo vires confirmante in tā dura seruitute in qua tanta incōmoda perpeffi fuimus, & saniores eramus ac robustiores quàm quis mortalium crederet. Ac tum reipsa comperimus difficultatibus ac incommodis citius aliquem vinci, cū ea ob oculos cōtinua imaginatione versantur, quàm cū ijs contemptis fortiter reluctatur. Atque vt semel dicam cō redacti Deo permittente fuimus, vt illud D. Pauli optimè in nos quadraret. *In frigore & nuditate, in fame & siti, in laboribus plurimis.* Ter enim à Cafris intercepti ac spoliati fuimus. humi- que nudis decūbendum nihil quo nuditatē corporum tegeremus quàm vile stragulum & straminis nonnihil habentibus. Erat præterea (quod fabulam quis esse crederet sub torrida zona præsertim, nisi experientia verum esse docuisset) nocturnum frigus ita vrens, vt nisi luculentum de nocte focum excitassemus, vim frigoris perferre neutiquam potuissemus. Pro cibo paululū milij aqua subacti nulloque sale conditi tam parcè nobis suppeditabatur, vt ex fursuribus panē nostro more sub cinere pinsere tentaremus, ex quo cui frustum aliquod obtigisset, is gaudio gestiēs Deo tanquam pro summis deliciis gratias agebat. De carne & pisce mētio nulla, nam & Cafri iis rarissimè vescūtur. Accedebat ad summam miseriam hoc etiam, quòd interdū æstus Solis tantus esset, vt eo ita quorundam brachia & pedes adurerentur, vt lepra infecta viderentur. His tamen difficultatibus nihil obstantibus animos nostros spiritali ac interna cōsolatione mitissimus Deus ad eò



recreabar, vt vel hæc sola sanitatis corporum causa videri potuerit. Accidit autem cùm in tanta afflictione constituti essemus, nec vllius cuiusquam nuncij copia daretur quem vel Mosambicum vel Qualimenem redemptionis nostræ procurandæ causa ablegare potuissemus, vt Mahometanam sectam amplexus quidam Xechi cuiusdam filius ad Lorangam amnē octo istinc miliaribus distantem habitans nostri redimēdi causa istuc veniret. Sed quòd Mauri in promittendo tenaciores esse solent, cùm iam secundò & tertio de redemptione nostra egisset, neque tamen cum Cafris pacisci potuisset, re infecta abiit, omni memoria nostri ex animo deposita. Ex quo cùm videremus vires nostras paulatim absumi, ac spem vitæ in totum adimi si diutius in tam dura seruitute fuisset perseuerandum, tum fame etiam impellente miseros cōstringi; duos ad Mahometanum destinandos esse duximus, hortantes ipsum vt quodcunque Cafri pretium exegissent, id ipsum nihil cunctatus persolueret, cumulatè nos id ipsi ac cum fœnore multo aliquando reddituros. Verùm ne hoc quidem modo hominē ad hoc quod volebamus inducere potuimus. Quocirca duobus religiosi in persuadendo acribus ac vehementibus id negotij dedimus, fratri scilicet Adriano qui Diui Dominici vitæ institutum sequebatur, ac fratri nostræ Societatis Emanueli Herreræ, qui Deo conatus secundante negocium istud tandem confecerunt. Quo tempore nonnulli durissimæ seruitutis per-taxi Castorum imperium nihil veriti ad Xechum se receperunt, quos nocte quadam sedecim alij secuti

secuti diuturna se per fugam seruitute liberârunt. At nō sine nostro magno malo. cū enim postridiē captiuorum numerum in tātum imminutum cernerent, ne aliorum exemplum alij sequerentur, illorum errata à nobis exegerunt: ac statim triginta & amplius ex nostris in angusto ergastulo incluserunt, quod tantam multitudinem ne si erecti in pedes stetissent omnes, capere non poterat: vbi etsi maxima fame cruciabamur, tamen præ aliorum incommodorū magnitudine nulla re minus tum temporis torquebamur. Nam præterquam quòd ita compressè stare nobis esset molestissimum, caloris ardor tantus erat, vt accensæ fornaci non immeritò assimilari possit: nec falsò dixisset quis locum istum fuisse purgatorij verum simulachrum. Huc accedebat quod circa tuguria cursitantes Cafri cōtumeliosissimis verbis captiuos proscinderent: duos autē illos qui recipi non poterant, verberibus etiam multis afficerent. In tam arcta captiuitate ad Deum misericordiæ fontem mente in cælum eleuata recurrimus, ac voto communi emisso nos omnes obstrinximus, si per Diuæ Virginis ac matris suæ intercessionem è tantis miseros angustiis eriperet, cū primum ad locum aliquem vbi Christi religio recepta esset peruenissemus, generali confessione omnium antea vitæ delictorum præuia, in gratiarum actionem ad suum matrisque suę honorem precariarū pilularū torquem (vulgus rosarium vocat) nos ter & sexagies recitatuos, idq; in memoriā sexaginta triū annorū quibus in hac mortali vita Beatissima Virgo vixisse dicitur. Nec multò post litteris à fra-

tre Emanuele Herrera acceptis breui nos esse liberandos, nō vana spe intelleximus. eādem quippe nocte cum Xechi nepos aduenisset, ac tantum telarum quantum Cafri exegerāt persoluiſſet, liberati, Deo Opt. Max. pro obtento beneficio gratias supplices egimus. Accidit autē in ipso egressu res attentiore consideratione dignissima, ex qua propheticae sententiae veritatē euidentissimē cognouimus: *Ira in indignatione illius, & vita in voluntate eius.* Aderat nobis Chirurgus quidam peritus, ac in aperiendis venis educendoq; sanguine admodum expertus. is thecam circumferebat scalpriſ chirurgicis aliisque instrumentis nō malē instructam, quam cū cæteris rebus Cafri in litore eripuerāt, recuperandæ eius spe omni adempta, ex quo optimus vir plurimum animo agebatur. Nam si quem in morbum incidere contigisset, & per venæ incisionem sanguis corruptus educi non potuisset, eius vita in maximo discrimine posita fuisset. Hanc inquam thecā cū iam discessissemus, nec quisquam nostrum eam repetiisset, per puerum sine pretio vltro remiserunt. in quo Dei prouidentiam probē cognouimus, neque enim vllō manifestiore exemplo curam quam de nostra salute habebat declarare potuisset, & cū Lorangæ omnes ferē periculosissimē postea laborarent, nec præter venæ sectionem vllum remedium haberent, absque dubio mortem omnes obuiſſent. Postero die feruentissimū Solis æstus labore superantes, hora post meridiem secunda Lorangam animis pedibusque fessi (neque enim à discessu nostro qui circa mediam noctem fuerat

rat conquieueramus vnquam) peruenimus; ac à Xecho honorificè satis excepti fuimus. si honorificè excipi dicuntur, quibus vrgente fame paulillum orizę ac milij apponitur, quę nos hoc tempore in summis deliciis habuimus. Hanc vitę vi-ctusque nimis certè tenuem rationem apud Xechum qui nos à Cafris redemerat sex septimanis sustinuimus, paulò minorem famem quàm apud Cafros perpeffi. Cuius calamitatis hæc erat ratio, quod Xechi fortunę parvę & captiuorum numerus magnus esset ac copiosus, adeò vt cùm abundè suppeditare omnibus necessaria nō posset, diu nobis ac strenuè fuerit cum fame luctandum; quare vires tandem ita attritę fuere, vt multi malorum magnitudine ac diuturnitate victi mortem cum vita commutârint, multi grauissimè ac periculo-ssimè ægrotârint: adeò quidem vt in tanta turba vix tres inuenirentur, quibus ad mortuos sepeliendos vires suppeterent. Ægrorum cibus vel oriza erat vel milium, de carne ac pisce somnium. Et licet miserrimè ac tenuissimè tractaremur, nō tamen Xechi copię tantę erant, vt nobis alendis sufficerent. quare ad vicinorum suorum ac familiarium ædes quidam fuerunt traducti, sed nihilo cautius excepti. Inter eos porrò qui hoc in loco tā dura seruitute ad æternę vitę libertatem fuere recepti, quatuor ex Societatis nostrę Patribus nūmerantur. P.P. scilicet Vincentius Zappata, Ioannes Gonzales (qui per cratem ad Sofalę littus eant appulsi, nobisque postea iterum coniuncti) Petrus Aluares & Fr. Emanuel Herrera, qui procul ab omni humana consolatione in summis

afflictissimæ vitæ angustis, in tribulationis cruce, ut resurrectionis gloria postea perfruerentur, Christo, cuius fidei propagandæ causa huc miseriarum redacti erant, spiritum tradiderunt. Stratum enim straminis perpusillum, tegumentum quo ægiorum corpora operiebantur breue ac vile stragulum, refectioes vel oriza vel milium, potus aqua fuerunt. A Castris siquidem cum nihil planè reliquum nobis esset, quod cum ipsis commutaremus, gallinas habere non potuimus. Potiones nullæ medicamenta nulla agris adhibebantur, vnum omnibus ac idem supererat educendi sanguinis remedium, quæ eximere Chirurgus subinde verebatur, metuens ne virium defectu occumberent, si verò non eduxisset, corrupto sanguine purum inficiente mortis periculum euitare non poterant. Frater Emanuel Herrera ex nostris primus laborare aduersa valetudine cœpit, qui vbi aduenientis morbi primum aculeum sensisset, se ex eo non conualiturum mihi prædixit. quam ex eo coniecturam capiebat, quòd cum in Lusitania, vbi & medicorum & medicamentorum magna erat copia, in morbum incidisset; periculosissimè tamen semper ac ad medicorum ferè desperationem laborasset. quare cum in hac seruitute vtriusque præsidio se destitutum videret, prolixioris vitæ spem omnem abiecit: Sic tamen ut à Dei voluntate ne minimùm quidè voluntas eius dissideret. Inualecente itaque febre octo dierum spatio absumptus expirauit: cum & in vita & in morte, ac in difficili illa nauigatione, ut germanum Societatis filium decet, multa pietatis

tatis documenta ædidiſſet. Eiufdem morbi contagium P. Vincentium Zappatam deinde infecit, virum verè religioſum, in quo dolus non erat, Deoque & hominibus dilectum. Nam tam ante naufragium cùm infirmorum præfectus communio omnium conſenſu eſſet delectus; quàm in extrema illa ac infelici ſeruitute, adèò omnibus charus fuit & gratus, vt ex eius interitu non mediocrem omnes dolorem perſenſerint. Hic quoddam ætate iam matura & ad ſenium vergentem diuturnis laboribus penè confectus eſſet, paucorum dierum interiecto ſpatio ex hac caduca ad æternam vitam aſſumptus fuit, plurimarum virtutum quibus ſemper quidem, ſed præſertim durante iſto nauigationis tempore inter cæteros effulſit, perenni ac nunquam interitura memoria relicta, quæ quamdiu homines ſupererunt, tum in Collegio noſtro Madritienſi, tum alibi vbi bonis operibus ſanctæque (ſi fas eſt dicere) vitæ conuerſatione emicuit, vigebit. Tertiò P. Ioannes Gonzales infirma vti valetudine cœpit, vir plurimis animi corporiſq; dotibus inſignis, concionator egregius ac in audiendis confeſſionibus aſſiduus, cuius virtutū ſuauiſſimum odorem in hac nauigatione multi perceperunt: Morbi ex quo optimus hic Pater interiit, intoleranda fames qua in Xechi cuiuſdam ædibus ad quem cum Patre Zapata & alijs quibuſdam miſſus fuerat, occaſio ac initium exitit; Is enim tam parcè tamq; ſobriè victum miſeris ſuppeditabat, vt panem oſtiatim petere mendicorum more cogerentur. Vnde cùm in Caſtalia Solis æſtus ſit

inten-

intentissimus, & miseri homines penè nudi, capite aperto stipem petitori egrederentur; æstus Patris caput penetrās offenso cerebro in furorem cum ac rabiem cōuertit, vti mox ex sermone eius apparuit, ac ad sex vsque dies in hac infirmitate positus clamores edebat tam horrēdos, vt lachrymas audientibus excuteret. Verūm tamen in ista mentis deliratione præter verba pietatem redolentia planè nihil effutiebat. Tādem quanquā florentis ætatis vir erat, tamen morbi magnitudine iuuenilem vigorem superāte post paucos dies tantorum laborum præmium accepturus in cælum emigravit. P. Gonzalem P. Aluares excepit, qui cū ita macilentus esset, vt absumptis carnibus ossa tantum cute tegerentur, ac viribus etiā extra morbum admodum infirmis, tātam tamen constantiam tantamque generosioris animi magnitudinem præferebat, tam in perferendis laboribus quā in audiendis continuò confessionibus, vt non mediocriter omnes miraremur. Confitebatur namq; non raro, se in tantis aduersitatibus valetudine vti magis prospera quā in Lusitania, vbi quo ad eam curādam opus erat nihil omnino deesset. Verūm enim verò molestiarū diuturnitati magnitudo animi tādem cedere coacta fuit, ac febris ardentissima correptus eā liberari nō potuit, donec Deo creatori suo extremum spiritum moriens commendaret. Atque ita fideles Dei serui ad nutum eius voluntatem suam accommodantes ex mortalis vitæ ergastulo summa cum animi alacritate pro Christi amore decesserunt. Postremi omnium ad quos serpēs pedetentim



tim morbus prorepfit, ego & frater Emanuel Dias  
fuimus, quibus etsi periculofissimè laborauimus  
misericors Deus pepercisse visus est, vt cæterorū  
mortem dignè ac pro merito lugeremus. Ad me  
quod attinet, non diffiteor dolorem ex eorum tam  
misera ac indigna morte conceptum viscera cor-  
poris mei omnia aded penetrasse, vt ego quoque  
non procul à mortis periculo abfuerim. Et quis  
obsecro corde esset tam duro ac ferreo, qui si tan-  
tos viros sine strato, in straminis manipulo, sine  
tegumento, sine cibo ac potu quo afflictæ vires si  
non recuperari, foueri tamen aliquamdiu potuif-  
sent, languentes animas Deo creatori reddere vi-  
disset, dolore non contabuisset? eoque magis si  
fame & inedia eos potius quàm morbi asperitate  
extingui animaduertisset. Nec mediocriter etiam  
animum angebat, quòd eorum intèpestiua morte  
tam gnauis tamque sollicitis operarijs & India de-  
stitueretur & Societas. At verò quia cuius Dei  
suasu nostræ olim Societati nomen dederant, e-  
iusdem iussu ad cælestem illam multis partibus  
pulchriorem, ad quam nos quoque aspiramus e-  
uocati fuere; reliquum est vt in diuina voluntate  
nostra quoque voluntas conquiescat. Quare cum  
defunctorum cadauera eodem in loco sepulchri  
honore affecissemus, animas Christo redemptori  
pio cordis affectu commendauimus. Vbi silentio  
prætereundum neutiquam videtur, quòd cū  
locus ad mortuorum sepulturam nobis à barbaris  
concessus duobus penè ab oppido miliaribus ab-  
esset, cadauera humeris omnia alia negata ratione  
eò deferre compulsi fuimus, quod cū præ infir-  
mitate

mirate ac languore nos facere non possemus, vix duo inuenti fuerunt qui tam pio operi manū adhibuerint. Nos autem interea viribus tam acrimorbo ita absumptis vt mortuis similiores videremur quàm vinis, in ista solitudine diuinæ in nobis voluntatis effectum expectabamus. Cæteri quoque in eadem afflictionis naui iactabantur, adeò vt paulatim omnes morbo præualefcente exstinguerentur. Sed quoniam ita ferè cum hominibus agere diuina bonitas assuevit, vt maximis desperatisque malis eos immergi patiatur, non quidem vt submergat, sed potius vt misericordix eius effectus clarius innotescat: Calend. Nouemb. die omnium Diuorum commemorationi sacro, ipsorum (vti pro certo credimus) interuentu, nauigij genus (quod Pangaiam vulgata voce nominant) Mosambico Cuamam versus expansis velis nauigare, ac recto cursu ad portum istum contendere conspeximus, quo viso ita præ lætitia exiluimus, vt iam inter Christianos esse videremur, singulari Dei impulsu factum esse credentes quòd naui ista illuc appelleretur, eoque magis quòd ductor eius in mandatis habebat (vti postea intelleximus) vt Lorangeamnem in quo olim naui quædam tempestatis vi eò depulsa, fuerat à Castris direpta, vitaret: & ob id per alium quendam amnem ab eo aliquo interuallo remotum Quifungum nomine cursum instituebat. in quo cùm iuuenem quendam deprehendisset qui nobiscum euascerat, sed à Castris in priore nostra captiuitate eò missus fuerat, de naui iactura & dura serui-

tute quam circiter 56 viri inter quos nobiles plures, pauci religiosi erant, in oppido Loranga sustinebant, certior factus fuit. Quo audito nihil imperium eorum à quibus missus erat mortuus Lorangam proficisci ac nos liberare statuit, quod alioqui non erat factururus. Cùm itaque ad littus appulsa naus esset, nos ad vnum omnes admisit, ac panno quem secum aduexerat nudos vestiuit. nobilis autem quidam qui eadem naue vehebatur redemptionis pretium pro omnibus liberaliter persoluit: atque ita cùm tam in victus ratione quàm in cæteris caritatis officijs humaniter nobiscum ageretur, breui tempore amissas vires recuperauimus. Cumquæ Lorangæ amnem egressi essemus, ad alterum quendam à priore 50. miliaribus distantem deuecti fuimus, cui Luabo nomen est. vbi naufragij socios aliquot qui (vti paulo ante retulimus) crate ad littus appulsi eò tandem deuenerant, offendimus: inter quos & illi fuere qui cum naus Ductore per scapham euaserant. Cùm itaque sedata tribulationum tempestate cælo benigniore iam vti ac consolationum quasi vernam quandam temperiem experi-ri cœpissemus: opportunè Lusitanum istum virum nunquam satis laudatum Franciscum Brociadum portuum Cuamæ prouinciæ præfectum maiorem ibidem deprehendimus. qui præterquàm quòd nos summa cum humanitate ac beneuolentia excepit, de omnibus etiam ad cōmodè viuendum necessarijs liberalissimè prospexit, nō secus ac si filij ex ipsius sanguine prognati fuissemus. Eodē loco morbi quem diu fouerā acriores multo stimu-

stimulos perſenſi : ſiquidem diuturnior ventris fluxus cum acuta febris coniunctus ita vires mihi omnes extenuauerat, ita extincto appetitu ſtomachum vomitu frequentiore perturbârat, vt præſentem mortem inſtare exiſtimarem. Eoque magis quòd chirurgus ob nimiam debilitatem ſanguinem ſecta vena educere non auderet. Quocirca comitantibus ijs qui Moſambico recēs cum diuerſis mercibus quas Caſtris diuendere ſtatuerant aduenerant, Senam (quod munitiſſimū eſt Luſitanorum propugnaculum) proficiſci decreui. non quidem quòd Luabi humanum aliquod ſubſidium (præfecto omnia liberaliſſimè ſuppeditante) deſſet, ſed vt cæleſti Dominici corporis cibo quo octo iam menſibus carueramus, famelicam animam ſatiarem. Tredecim dierū emenſo itinere, valetudine paulo firmiore nauſeabūdo tamē adhuc ſtomacho Senam peruenimus, Monafterio Patrum Dominicanorum, Ordinis eius Patre Inquiſitore amico ac familiari meo vrgēte, ſumma cum humanitate excepti. Adeo quidem vt inſtauratis nonnihil viribus Chriſti natiuitatis ſollēni die confeſſionibus audiēdis incubuerim, & paulò etiā antè, Dominici aduentus tempore conciones ter aut quater ſellæ propter virium debilitatem inſidens habuerim. Multa profecto in feruentiſſima meridionalis plagæ prouincia ab ingenti Solis æſtu paſſi fuimus, maiora (vti credimus) paſſuri, niſi meritis Patris ac D. Gonzali ob fidei profeſſionem ab infidelibus in Monota-  
pa loco huic vicino immaniter occiſi, vires nobis diuinitus ſubminiſtratae fuiſſent, huius enim

innocentissimi viri patrocínio quod sæpe implo-  
rabamus confisi spem non leuem concepimus,  
fore vt fidei Christianæ buccinæ sonus istic etiam  
aliquando cum maximo animarum fructu per-  
sonet. Sunt enim istorum Castrorum animi tabu-  
læ rasæ non absimiles, in qua tanquam molli cera  
pietatis Christianæ fundamenta iaci imprimique  
facillimè possent. Neque enim vel idolorum cul-  
tui sunt addicti, vel ritus vltos ita pertinaciter ob-  
seruant, vt fidei nostræ propagationi magno futu-  
ri sint impedimento. Viribus vtcumque recupe-  
ratis, tribus nauigijs (pāgaias appellat vulgus) Se-  
na soluentes ad Mosambicum portum sani ac in-  
columes accessimus, à cuius vrbs incolis magna  
cum beneuolentia excepti tractatique fuimus.  
Cumque quam antea confusæ audiuisse potue-  
rant, plenam naufragij periculorumque ac vario-  
rum casuum quibus iactati fueramus notitiā no-  
bis referentibus intellexissent: attoniti planè ac  
stupefacti oculos tanquam in eos quos à mortuis  
surrexisse credebant admirabundi coniecerunt.  
Mox voti emissi memores quo Beatissimæ virgi-  
nis ædem nudis pedibus ac genibus flexis nos vi-  
sueros voueramus, cum primùm ad Christiano-  
rum urbem patuisset accessus; statim atque na-  
uim essemus egressi, ad ædem quandam Archan-  
gelo Gabrieli sacram in ipso littore erectam nos  
recepimus, atque inde nudis pedibus in suppli-  
cationem prodeuntes, ad D. Virginis Beluarte  
(vt ipsi loquuntur) hoc est in arce vel propugna-  
culo erectæ perreximus, cuius sacram ædē cum  
oculis eminus contueremur, in genua humiliter  
c & cum

// & cum gratiarum actione prouoluti reptantes ad templi usque penetralia contendimus, numerosa populi turba comitante, ac prae nimia commiseratione lachrymas vberissime effundente. Nos vero periculorum quae euasimus memores votum quo obstricti eramus cum mira grati animi significatione cum lachrymis, cum singulibus & cordium pulsatione soluimus, Deum ac Diuam Virginem pietatis ac misericordiae matrem magnificantes cuius meritis ac suffragio tantis periculis erepti ac ad salutis portum perducti eramus. Deinde templo egressos dictu mirum quanta benevolentiae, amoris, ac Christianae caritatis significatione ad aedes suas ciues passim inuitarint. Religiosi ordinis D. Dominici summis à nobis precibus contenderunt, ut ad eos hospitij causa diuenteremus. Verum quod nondum omnino confirmati essemus, maximeque ne quinq; mensium spatio, quos dum commodum navigationi tempus esset ibi traducere oportebat, oneri ipsis essemus; precibus eorum tum temporis acquiescere visum non fuit. Sed potius Vicarij Episcopi hospitio tam diu usi fuimus, dum extra urbem de commoda satis habitatione nobis prospiceretur, iuxta aediculam quandam Diuo Antonio dedicatam; quae etsi longiusculè ab urbe dissita erat, non tamen ocio istuc torpuimus. ego enim confessionibus audiendis sacrisque concionibus habendis sedulo incumbibam; Frater vero Emanuel Dias Dominicis ac festis diebus tam pueros quam adultos etiam in fidei Christianae principijs instituebat, una ante meridiem hora idque in-

templo, alia item hora post meridiem in publica quadam area, quò Lusitani etiam non pauci confluebant, feruore pietatis quò quem dixi frater munus hoc exercebat adducti. Tandè cùm mensis Augustus ageretur, ac tempus nauigationi in Indiam commodum esse inciperet, nosque accincti & parati staremus longiore abrupta mora quadriremem onerariam ingressuri, quòd iam nono Augusti die elapso Lusitanarum nauium spes quæ ante diem illum semper ferè ad Mosambicũ portum appellì consueuerant sublata videretur: ecce postridie die Diuo. Laurentio consecrato, nauis quæ Boni Iesv nomine à cæteris discernebatur in portum istum felicibus vsa auspicijs deuenit. Hac autem duodecim Societatis Patres, sub imperio P. Ayres Sosa vehebantur, ad quorum aspectum mirum quantum exhilarati fuerimus. Tamen omnes sani erant ac viribus integri, ac si eodem ipso die Vlyxbona soluissent; nauigatione tam prospera atque ante annos plurimos Indicę naues vsa fuisse dicantur. Fuimus ijsdem omnes excepti edibus, varijs ab utroque loci Gubernatore, tam o qui vrbis gubernacula recens suscepèrat, quàm ui gubernandi munere iam tunc defunctus fuerat acceptis munusculis; quibus ex tam longa nauigatione fessos ac nauseantes non mediocriter recrearunt. Vndecim diebus Mosambici cõmoti cùm fuissent, eadem qua aduecti fuerant naues nobis quoque assumptis recesserunt, tanta matrem ventorumque tranquillitate vt trigesimo sexto nauigationis die in Goæ portu omnes incolumes poneremur, vbi obuijs Patrum nostrorum



vlnis excepti ac ea beneuolentia tractati fuimus,  
qua Societas nostra in hospitum susceptione vii  
consuevit. Quo loco susceptæ narrationi finem  
impositurus Paternitatis tuę benedictionem sup-  
plex imploro. Ex vrbe Goa quinto Idus Decem-  
bris, 1586.

Viz P.

Filius indignus

PETRVS MARTINEZ.

# COMMEMORATIONES

## NOVORVM SVCCESSVVM,

ex Regnis Cinæ & Iaponis, circa finem  
anni reparatæ salutis humanæ 1586.

*Vna cum reditu Procerum Iaponensium  
in Indiam.*

x litteris quibusdam Patrum Societatis IESV  
mense Octobri 1588. transmissis collectæ.

*emplar litterarum Patris Alexandri Valignani  
India Provincialis, ad R. P. Generalem Socie-  
tatis IESV Cocino perscriptarum postri-  
die 7dus Ianuarij 1588.*



X regno Cinæ proximè elapso A-  
prili fausta multa ac auditu iucū-  
da allata fuere. Nā Patres Odoar-  
dus Sande & Antonius Dalmei-  
da (vti superioribus litteris per-  
scripsimus) hinc eò hoc consilio  
missi, vt aliis duobus Societatis nostræ Patribus  
auxilio essent, qui in nouis Xauchini sedibus iam  
antea fuerant recepti: in Magistratum (Manda-  
nos incolæ patria voce appellant) gratiam ac fa-  
uorem ita se insinuauerunt, vt non gratus tantum  
eorum fuerit aduentus, sed etiam vt aliis ipsi ad-  
iungerentur, faciliè impetrauerint; Licet tamē ab  
tribus primoribus moniti antea fuissent, vt plures  
non accerferentur, præsertim cū duos sufficere  
existimarent. Atque ita diuinā factum prouiden-  
tia est, vt quatuor iam Societatis nostræ sacerdo-

tes penè in meditullio Cinæ habeamus. Qui maturo inter se captato consilio ex mandati à nobis accepti præscripto discedere tandem statuerunt, vt Cinenfiū animos ad Christi Euāgelium suscipiendum explorarent, & nonam habitationem in alia quadam vastissimi illius regni prouincia procurarent. Cui consilio opportunam occasionem quidam ex præcipuis Magistratibus dedit, cuius opera vt in Xauchino reciperentur, non parū aliās adiuti fuerāt; cui tūc ad vltiores quosdam Xauchinæ prouincię recessus iter necessariū esset, authoritatē sua effecit vt vel ipsis quoque prouincias illas lustrare, vel saltem in Ciquione cōmorari concederetur, quæ etsi nō ita versus amplissimi regni meditullium vergit vti Nauchinum, pluribus tamen miliaribus ab extremis regni finibus abest quā Xauchinum. Administratur autem à Prorege quodam quem Tutanū ipsi vocant. Atq; ita Patribus Odoardo Sande & Matthæo Riccio in Xauchino relictis, Patres Michaël Rogerius & Antonius Dalmeida ad nouas indagandas sedes profecti sunt. Totius porrò legationis caput P. Odoardus Sande delectus fuit, qui sicuti litteris cōmonefecit optima spes fulcitur, fore vt cum vberimo fidei Catholicæ fructu ibidē versetur, quare & patrium sermonē P. Matthæi Riccij opera, qui multum in eo promouit, diligēter addiscit, & iam nūc per totū Xauchinum optimè audire & Christianæ fidei hortum plantis nouellis conferere incipit. Nam viginti Cinenfes salutari regenerationis vnda iam tum fuerant abluti, & alij nonnulli Catechumeni in fidei Catholicæ arcanis sedulo insti-

instituebantur, adeò quidem vt in regno Cinę diuinę gratiæ munere, fidelium aliqua congregatio felici successu haberi incipiat, idq; sine Magistratum grauiori aliqua offensa, qui etsi initio difficiliorese prębere in Patrum priorum receptione videbantur, atq; ob id fortè potestatem illic commorandi scripto necdum confirmanerāt: pios tamen ipsorum conatus, quantum percipere adhuc potuimus, non sunt turbaturi, sed quasi Cinę incolas inter ceteros ipsos agere sunt permissuri.

Quin etiam non mediocris spes affulget, Deum Opt. Max. qui pręter omnium ferè expectationē ingressum adeo angustū & difficilem diuinā stimulante misericordia patefacere incepit; magis ac magis aperturum. Est tamē in re tam ardua ad pios conatus promouendos, maxima opus tū prudentia tum sagacitate, ob id potissimū quòd prouincię vtrūque primores vasti admodum sint ac solertes, quique noua omnia maximè habeant suspecta, vsq; adeò vt si summa prudentia res non geratur, dubio procul legationem istam faciēt vanam ac irritā. Quę causa fuit quòd proximè pręterito Aprili alios eò Patres non ablegauerimus, priusquam de anni huius successu certiores facti essemus, quantumque P. P. Michaël Rogerius & Antonius Dalmeida profecissent, ex ipsorum literis accepissemus. Et quoniā propter amplissimi regni famam, non pauci tam ex iis qui in Amacao commorantur, quàm qui in Luzzonensi territorio agunt, propagandę religionis zelo excitati in vindemia ista laborare anhelantibus votis desiderāt: metu non mediocri percellimur, ne nimio deuo-

tionis ardore quorundam, qui tanti regni genium ac naturam probè exploratam non habent, malè nobis cedat instituta legatio. nève Magistratus Religiosorum hominum frequètiore numero ex diuersis regionibus & Philippicis potissimùm eò confluentium offensi, sinistra suspitione laborare incipiāt, & vno veluti impetu, quotquot ibi Christianos deprehendant, regno pellant. Quocirca quæ anno hoc renunciabuntur expectare statui-  
mus, facturi prout tum expedire iudicabimus.

*Exemplar litterarum P. Antonij Dalmeida Ciquione vrbe mediterranea Regni Cina transmissarum ad P. Odoardum Sandam Patrum qui Xauchini commorantur Rectorem. 4 Idus Februarij 1586.*

*Reddit certiore de itinere quod ipse & P. Rogerius duorum mensium spatio per mediterranea Cina loca profecti fecerunt.*

**C**VM illius amore Cinensem iam tandem me factum videam, qui Deus cùm esset salutis nostræ causa homo fieri voluit; optimo iure immortales illi gratiæ reddendæ mihi sunt, quod paucorum mensium interuallo concedere dignatus nobis fuerit, quæ multis iam annis plurimi frustra attentârunt, animi (dico) quietem tantam vt in mortali hac & caduca vita præter meam & Cinensem ad Deum conuersionem desiderem plane nihil, quæ vt etiã cum vitæ huius iactura tandem nobis obtingat exopto. Fateor equidem lachrymas me continere non potuisse;  
dum

dum ad scribendum calamum exacuerem, & imaginatione quadam animo mecum perpenderem ad intimos iam penè Cinæ recessus me penetrasse, neque temerè imaginatione quadam me adductum assero vt hoc mihi persuadeam, nam in eo adhuc errore versari mihi videor, vt somnium esse credam huc vsque me peruenisse. Atque ea propter gratum mihi faceres, si illo me errore liberares, ac pro certo dubitanti mihi affirmares in vasta illa prouincia (ne dicam mundo) versari me quam tam auidis votis P. Franciscus Xauier felicis memoriæ illustrare gestiebat, ac in qua pro animarum salute labores durissimos ego quoque perpeti, etiā cum vitæ periculo efflagito, quod vnicum esset feruentis desiderij solatium. At quoniā cū Xauchino discederem in mandatis dederas, vt suscepti itineris successum sigillatim perscriberem; quod verbis tum promisi, re ipsa hisce litteris nunc præstare conabor.

Vndecimo Cal. Decemb. anno redemptionis humanæ 1585. Cantone discessimus, nauigio cuiusdam qui Ciquione oriundus & Xauchini Gubernatori sanguine iunctus erat, vsi. Quē itineris ducem diuinitus oblatum certò nobis persuasimus, tum quia opera eius quamplurima pericula quę in tam lōga ac difficili nauigatione imminebant, euaserimus; tum multò etiam magis, quòd nullo nostrum postulāte vltro se obtulerit. Magister Franciscus Xauerius mille aureis Cinēsi cuidam oblatis, frustra paulo antè tentauerat, vt in littus Cantonensis ditionis exponeretur, nobis verò vltro se obtulit, qui gratis nulloque pretio

dato ad Cinæ regni penetralia nos perducere paratus erat. Quod an signum sit & quidem evidentissimum, Deum misericordiæ oculis gentē illam respicere, & ex infidelitatis caligine ad veræ fidei lumen perducere velle, R. tuæ iudicio relinquo. Cū iam iter ingressi essemus, ego quoq, Cinensem in actionibus meis exprimere cœpi, sed tyrūculum ac planè infantem, quod neque Cinēsum lingua loqui, neque habitu vestiri, neque eorundem more accumbere probè adhuc nouissem. Quanquam autem Patricius iste Cinenſis libens admodū nos itineris suscepti comites assumpserat, non defuerūt tamen quietis humanæ insidiatori diabolo, quæ nauigantibus obijceret impedimenta, nam tertio postquā soluissemus die, vt nauiſ incenderetur fortuito casu accidit, non deficientibus qui infortunij damniq̃ue accepti culpam in nos conijcerēt. verū diuino factum auxilio fuit vt nullo grauiore accepto incommodo incendium extingueretur. Dūh autem per Cāntonensis prouinciæ fines nauigio veheremur, sub incolarū cōspectum vix vnquam prodiuimus, quin & noctu etiam nauigauimus, adeo quidem vt donec ad urbem Moylimpor accesseramus, nauim egressi fuerimus nunquam. Quare quod de prouincia ista referam compertum exploratumq; habeo nihil, præterquam quod vrbes plurimæ ac oppida frequentissimā tum altissimi ac prærupti montes nauigātium conspectui offerrentur, inter quos copioso dulcis aquæ fluxu pulcherrimus ille ac nauigationibus mercimoniisque ad diuersos prouinciæ tractus tuta nauigatione distrahendis

aptis-



aptissimus fluuius labitur. Conspiciebamus passim sumptuosa ædificia demonum cultui dedicata, tum & nauium penè infinitam multitudinem, auiumq; aquaticarum innumerabilem copiam, ac caprarum per syluas pascentium greges, idque ad 7 Idus-Decembris, tum enim ad urbem Modin appulsi fuimus, circa quam huius est origo fluuij, qui quòd rapido quibusdam in locis defluxu ferebatur, & aduerso flumine nauigandum nobis erat, in causa fuit, vt lentè admodum naus procederet, sic vt & funibus protrahi & remis à nobis quoque deberet impelli. In urbem Modin non citra difficultatem ac molestiam fuisset admitti, si quidem in eam per pontem qui ferreis duabus catenis solius Prætoris iussu ad quem hæc cura ex officio spectat attollebatur ac demittebatur; patebat ingressus: verùm tamen quod ductor noster Lancitano (sic urbis Gubernatorem vocari existimo) arctioris necessitudinis nexu coniunctus esset; nulla quidem interposita mora, non tamen sine difficultate aliqua propter nauium aliarum multitudinem Gubernatoris mandatù iuxta pontem expectantium, nostra in urbem recepta fuit, nosque ante ipsum penè hospitij limen quo excipiendi eramus expositi fuimus, & ductoris nostri causa commodè satis lauteque tractati, vbi die quodam Dominico & Lunæ sacrum celebrauimus, sequenti verò Martis die ad urbem quandam octo miliaribus distantem perreximus, alterius ibidem fluminis commoditatem nacti. Iter autem illud omne lapidibus stratum erat, in quo per montem aliquem transcenditur, in cuius

sum-

summitate arcum quendam fornicato opere videre erat, cum inscripta Epigraphe quæ nomen eius cuius sumptibus & industria iter illud aliàs quidem difficillimū, nunc autem facile & expeditum effectum fuerat, continebat. Aura insuavis erat tempestasq; pluviosa & frigida, ob id fortè quod totus ferè iste tractus sit montosus. Non memini videri me vsquam viam adeò frequentatam, ne tum quidem quando ad publicas nundinas negotiatores proficiscuntur. omnes siquidem merces Nanquino & aliis circumiacentibus locis huc aduehūtur. Habent porrò mercatores extremas dicti itineris ciuitates inhabitantes utrobique mercium distrahendarum socios. commodè profecto; neq; enim ductori nostro aliud quidquam incumberebat oneris, quàm vt centum & quinquaginta mercium sarcinas (tot enim aduexerat) vnà cum aliis nonnullis rebus quibus in itinere opus erat hospiti traderet, ad vnā omnes in alterius oppidi hospitio reperturus. Pertinet quoq; ad horum (quos dixi) sociorum curam, seruis de equis, Dominis de sedilibus gestatoriis prospicere. Sunt autem sedilia ista leuia quæ à baiulis duobus gressu satis concitato feruntur citrà pluuiæ imbriumve periculum, à quo umbellis quas manu viatores gestant defenduntur. Peracta media itineris parte sellas mutabamus, alijs quæ ad diuersorium vsque ab alijs gestabantur assumptis, quibus præter gratuitum aliquod denariolum debetur nihil, iustum enim precium hospiti cum merces sibi commissas singulis tradiderit persoluitur. Eodemque precio portatili hic sella gerimur quò in patria

patria nostra equo vehimur, cum maxima hospitaliorum commoditate & frequentia. Sub vesperam ad oppidum Faquen accessimus biduum ibidem commorati, quo tempore tantus erat ciuium nos visentium confluxus, vt multitudine penè obsereremur, cuius rei vitandæ causa in nauem ueneris die secessimus: Sabbatho deinde sequenti secundo flumine nauigare cœpimus, quindecim dierum continuato cursu tribus vsi conductitijs nauigijs, quorum vno soli nos uehebamur. Ab utraque fluminis ripa plurima eademq; pulcherrima oppida muris cincta nauigantiû conspectui offerebantur, quæ cum Cantonensi ciuitate magnitudine certare posse videbantur, ex quo meditando occasio se nobis obtulit, de facili ac expedita ratione qua per vastissimas istas prouincias ultro citroque commeari liceret diuini verbi Evangelicæque veritatis sementem facturis, eoq; magis id animo mecû agitabam, quod tanta & mentis & corporis tranquillitate totum hoc iter conficeremus, vt studendi, orandi, cæteraque omnia agendi nō minor in naui comoditas esset, quàm domi potuisset aliquis nostrû oprare. Ad 16. Cal. Ianuarij ad frequentissimam quandam ciuitatem deuecti fuimus Cantonensi multò maiorem. In qua istius prouinciæ cui Ciansi nomen est Tutanus (Proregem hac voce significari existimo) domicilium habebat. Est vrbis ista diuisa in partes tres altissimisque vndiq; muris circundata. Hanc amnis intermedius secat, cuius ripæ nauibus simul iunctis pontis vicem suppleantibus quæ duas vrbis partes constituunt coniunguntur. In pontis  
hoc à

hæc à nauigantibus veltigal exigitur, per quem nobis in urbem ingressus ilico patuit, ob id nimirum (vtri superius dixi) quod dux noster Gubernatoris (Lancitanum vulgus appellat) germanus frater esset. quam etiam ob causam neque in merces eius fuit inquisitum. Et quanquam ad Consulatum nos esse vocandos verebamus, ut quanam essemus quidq; acturi venissemus, diligentius exquireret, nemo tamen nobis quicquam negotij faceffit. nam extra Cantonis provinciam in reliquo Cina regno non tam sollicitè in peregrinos inquiritur, imò honorificentius passim excipiuntur quàm R. T. Xauchini. Vix medio miliari ab isto pontè alius fluminis cum priori coniungitur, qui ab altera parte urbem alluit, circa quem alius vicus visitur quo tertia urbis pars terminatur. Optabam hoc in loco Patribus nostris Collegiũ tam propter regionis fertilitatem, tum etiam propter aeris temperiem. Comparatis hac in urbe quæ ad reliquum iter conficiendum necessaria videbantur, nauim conscendimus, & sex aut septem dierũ spatio per amnem istum velti sylvas ab utraque parte conspeximus amœnissimas, tum in ipsa ripa plurimas lignorum strues frigidis regionibus cum opportunas tum etiã necessarias; atque eo ferè cursu totum iter peregimus, ut septẽ & eò amplius urbes magnitudinẽ & mercium frequentia celebres nauigando præter grederemur: donec pridie sollemnitatis natalitię ad urbem Ciansi totius provincie amplissimã deuenissemus; hic enim substitimus deuotissimam Dominicę Natiuitatis noctẽ celebraturi. Verũ quia infantulus quẽ sacratissima

ista

ista nocte salutifero partu beatissima virgo ac mater enixa fuit laboribus gaudet; nostram quoque patientiã exercere tum maximè voluit, rapidissimo vento à Boreali mundi plaga immisso quo fluminis aquæ alioqui limpidissimæ adeò turbatæ fuerūt, vt sacratissimo Christi natalis die purioris aquæ haustus nobis negaretur. cuius incommodi hæc causa fuit, quòd Septétrionem versus amnis labitur, atque ob id Borea perflante maximè semper commouetur. Postero die urbem præternavigantes quam Vlyssippone maiorẽ esse ex aspectu iudicauimus, vnius diei peracto itinere, viam quæ Nanquinum ducit offendimus, vbi diuersa flumina concurrentia crucis speciẽ quandam expriment, idque miro quodam naturæ artificio quæmerciũ per diuersas vastissimi regni partes distrahendarum cõmoditati consulere voluisse tãta itinerum opportunitate visa est. Nam minori pretio quàm pro equorũ vectura Coimbia Vlyxbonam profecturi persoluunt, nauim hic quis conduxerit contra ventorũ imbriumq; iniurias opertam, quæ nobiles viri duo cùm seruis & impedimẽtis ad 20 aut 30 dies cõmodissimè vehantur. Cantone soluentes ad urbẽ Moilin 15 dierum itinere pro nauis precio quæ ducentis merciũ diuersarum fascibus erat onusta nouẽ laes (minutæ id nomen monetæ esse arbitror) persoluimus. Pro trium verd; aliarum nauiũ naulo quibus viginti dierũ spatio vsi fuimus, septem laes pendimus. Progressi deinde à via quæ secũdo fluminis decursu Nanquinum siue dicere malis Lanquinum, tendit (quod oppidum ad Septentrionem vergit) defleximus;

& ad

Ad Occidentem non nihil declinauimus aduerso quidem flumine, sic tamen ut vento secundo vti, sæpe quindecim, interdum etiam 20 miliaria in dies singulos conficeremus; quo tempore per amplissimos quosdam agros præteruecti ad urbem quandam delati fuimus, in qua vasa aretinis & pulchriora & prætiosiora finguntur, quæ per reliquam Indiam, addo etiam Europam, illinc distrahuntur. Transmisimus etiam sylvas plurimas & vrbes aliquot. Interea frigus adeò in dies inualefcebat, ut omnia niue oppleta quodam die deprehenderemus. Amnis autem pedetentim decrescebat, donec tertio nonas Ianuarij ductoris nostri mercibus quæ multæ erant ac variæ in decem minores cimbis translatis, biduò nauigâtes, ad amplam urbem ad quam per pontem 50. nautibus depictis innixum ingressus nobis ilico paruit, appelleremur. Nonis deinde Ianuarij, ad urbem Gouli quæ fuit nauigationis nostræ per amnem istum terminus, delati fuimus. Hic rem diuinam celebrauimus tanto multitudinis concursu, ut penè opprimeremur. Quin & ab Idolorum cultore quodam ac Sacerdote inuitati fuimus, qui domi suæ sollemnia Dijs sacra erectis in illum finem altaribus sacerdotibusque conuocatis sacra carmina cæremoniasque peragentibus instituebat: apud quæ honorificè excepti vna cum Sacerdotibus (Bonzos vulgus nòminat) prædium sumpsimus, qui & ipsi beneuolentiæ signa nò obscura nobis demonstrabant. Ne verò a symboli decederemus, hospiti nostro munuscula quædam librū scilicet & præculas aliquot pias donauimus.

Omnes



Omnes autē illos erroris in quo versabātur, con-  
vincere facile erat. Licuit hoc etiam loco obser-  
uare humanæ salutis hostem Diabolum sacras ca-  
tholicæ Ecclesiæ cæremonias ementiri. Recessi-  
mus porò inde pedestri quidē sed amœno ac iu-  
cundo itinere, sellis portatilibus ad sex aut septem  
miliaria hic iterum vñ. Atque tum tandem Deo  
propitio Ciquionis prouinciam intrauimus, quo  
die sub occasum Solis ciuitatem Cuixionem in-  
gressi ad cōmodum hospitem diuertimus. Tertio  
deinde ab aduentu die, tanta videndi visendique  
causa ad nos turba confluxit, vt quò nos vertere-  
mus planè nesciremus. Idibus Ianuarijs nauem  
iterum ingressi per alium amnem qui in hac pri-  
mūm vrbe nauigationi cōmodus esse incipit cur-  
sum direximus, lento flumine obaquatū inopiam  
ad triduum tardius procedentes. Interea tamen  
octo circiter vrbes aspectui se nostro obtulerunt,  
circa quas immensam deprehendimus malorum  
aureorum copiam, altissimos præterea montes, ar-  
boribus, cædisque syluis contra frigoris asperita-  
tem abundantes: intra quos amœnissimus iste  
amnis grato murmure defluit, aquis vndique af-  
fluentibus iam tum adedò adauctus, vt cum eo qui  
Cantonem prouinciam interfecat magnitudine  
& latitudine certare possit. Quanquam autē Cinq  
regnum fecunditatis nomine merito commen-  
datur, sterilitatis tamen quæ in quibusdam Iapo-  
nici regni finibus est, hic vestigia quædam offen-  
dimus. Quinque enim dierū spatium, quo cathari  
defluētis molestias pertuli, aliud quo vesceremur  
erat nihil, quàm raparū cum oriza coctarū frustra



quædam & saliti piscis, crudi tamē acetoq; aspersi paululum quid. Vndecimo Calēd. Februarij amplissimam urbem præteriuimus Cantone duplo penē maiorem (vti regionis illius periti asserēbāt) nos enim partim niuib, partim nebula spissiori impediti præter celsissimas quasdam turres conspiciebamus nihil. Occidente Sole ad oppidum quoddam accessimus, iuxta quod in alterius fluminis ripa, à priori isto quem tūc egressi eramus, quātum arcu missum telum spatij conficere posset distante; nauem mutare coacti fuimus, cumq; per totam noctem ad ardentis lucernæ lumē fune ad malum alligato nauem protrahi curassemus; subsequēntis diei diluculo, ad urbem Ciquionem atque adeò ad hospitij quo nūc etiam excipimur limen, secunda nauigatione perlati fuimus. vbi itineris vndecimo Cal. Decembris suscepti, & 10 Calend. Febr. peracti terminus ac finis fuit. At verò quoniam cūm Cantone discederemus metum nobis incolæ non mediocrem incusserant, parati veneramus opprobria, verbera, carcerē pro Christi nomine æquo animo laturi. verū non tanto ministros suos honore dignatus fuit mitissimus IESVS, vt pro fidei suæ confessione pulsari nos, duriusq; excipi à barbara gente passus fuerit. quæ res fiduciam in eum nostram nō parum adauxit, vt quemadmodum felici faciliq; cursu ac grato vbique barbaricæ nationis applausu, sub defensionis suæ scuto nos huc vsque fuisset tutatus; ita in posterum quoque ingruentibus tribulationum procellis pro nominis sui fideiq; propagatione sustinendis, solito nos fauore non destitueret.

Hac

Hac in vrbe quæ (vt P. Rogerius dicere affue-  
rat) Veneræ vrbis typus quidã est, ac simulachrũ,  
de domo commodo loco sita nobis Deus prospe-  
xit: quæ altera parte flumen, altera urbem ipsam  
respicit, cõclauibus, culina, horto, cæterisq; com-  
moditatibus egregiè instructa, loco etiam adiecto  
sacrario exstruendo peropportuno. Cingimur v-  
trinque Sacerdotũ Idololatrarum ædibus, qui ta-  
men nihil in nos durius statuunt, quin humaniter  
potius excipiunt, & fidei nostræ arcana audituri  
quotidiè accedũt, nec illi tantum, sed reliqua ho-  
minum multitudo turmatim nõs visura accurrit,  
vt ad hũc vsque diem qui Februarij mensis octa-  
uus est, frequentem hominum concursum ne si  
vellemus, vitare tamẽ præ nimio nos videndi au-  
diendique studio non possemus. Qui dignitate &  
authoritate cæteris anteibant, his altare nostrum  
immortali Deo erectũ ostendebamus, quod ma-  
gna cum reuerẽtia intuebantur, Seruatoris nostri  
imaginem præcipua deuotione venerantes. Inter  
nobiliores autẽ Magistratus qui doctrina præcel-  
lebant, mirum dictũ quantopere Christianis cæ-  
remoniis afficiebantur, adeò quidem vt se nos nõ  
esse dimissuros constanter assererent. Ex his non-  
nulli P. Rogerium prandio exceperũt, qui hester-  
no quoque die cum quodam ex vrbis proceribus  
cœnauit, qui Consulem duplici dignitatis gradu  
præibat, qui quodd vitę munere sanctæ matri iusta  
persolueret, ad funebrem pompam per Oeconõ-  
mum suum nos inuitari iusserat; cui hoc responsi  
dedimus, orationum nostrarũ obsequium nisi ve-  
ris immortalis Dei cultoribus non prodesse. Vix

credas quanta cum honoris prærogatiua Patrem exceperit, nam & honoratiorem in accubitu locū ei assignauit, & egredientem etiam ad vltiorem palatij sui portam est comitatus; quantū fidei nostræ mysteriis delectaretur, non obscuris indiciis declarans. Non leuem præterea spem nobis iniecit, fore vt luctus funerisq; anno transacto, ad Regiam aulam Paquinū profecturis præsentia suam non denegaret, si id nobis gratum esse arbitraretur. Tres item alij Cōsulem nobilitate honorumque titulis præcedentes salutādi causa ad nos fuerunt ingressi. Quin & alij quotidie tanta frequentia accedunt, vt assidua visentium officia nobis interdum sint submolesta. Quid de nobis Idolorum sacerdotes sentiant, equidem ignoro: nemo tamē ex ipsis nos adhuc conuenit, qui læto hilariq; vultu nobiscum non egerit. Addo non defuisse quosdam qui lustrali aqua aspergi religiosè expeterēt, quam tamen donec quid tanta in re fieri expediat studiosè excusserimus, negandam infidelibus esse duximus. Res est profectò matura deliberatione non indigna, an in vrbe tam ampla tamque celebri (præsertim cū inuitemur vltro) domicilium firmandum nobis sit, cum satis firma spe vt templum etiam sumptibus suis ciues erigendum nobis curent; an verò aliō iterum commigrandum, vnde vt reuertendi nobis occasio præcludatur sit metuendum. Verū tamen quia consilij huius euentus omnis nō ab humana industria sed à diuina prorsus pendet prouidentia, feruentissimis precibus Deo commendandum cēsuimus, vt ipse quod factū optimum sit Spiritu sancto suggerente

edoccat. R. P. Rogerius plerosque ex præcipuis  
urbis proceribus hesterno die inuifit, quo etiam  
à Gubernatoris seu Cōsulis patre qui in fidei no-  
stræ arcanis sedulò iam instituitur, ad cœnam fui-  
mus vocati. Ædificia tum publica tum priuata  
plateæ quoque & urbis vici, structuræ artificio  
multis partibus ampliores sunt & pulchriores  
quàm in vrbe Cantone. ciues etiam & morū gra-  
uitate, & vitæ instituto ac vestitus ciuilioris gene-  
re à Xauchini, Cantonisq̃ue incolis non parum  
differunt. Quæ in vrbe hac singularia adhuc esse  
cognouero fufius al'is perſcribam: Hoc tantum  
iam addam non eſſe in vniuerſa Luſitania ſi vni-  
cam Vlyxbonam excipias, quæ magnitudine &  
vaſtitate cum hac aliqua ex parte ſit conferenda.  
Regni porrò huius tam ampli ad veri Dei cogni-  
tionem conuerſio tanti momenti res iamdum vi-  
ſa eſt, vt vitam planè pro ea effundere exile mihi  
videatur, mille effuſuro ſi mille Dei liberalitas vi-  
tas conſeſſiſſet. Deus pro infinita ſua bonitate mi-  
ſericordix oculos ad cæcam hanc verè que miſe-  
ram gentilitatem conuertat.

*Exemplar alterius epiſtola R. P. Proſincialis ad  
Rm. P. Generalem perſcripta ex vrbe Goa 14. Ca-  
lend. Ianuarij. 1587.*

**P**ater Michael Rogerius & Antonius Dal-  
meida, qui vt litteris anno ſuperiori miſſis  
docui, ad ducenta & amplius miliaria ya-  
ſtiſſimos Cinæ fines penetrârunt, ad prouinciam  
quandam non procul Nauchino diſtantiem dela-  
ti, etſi certis quibusdam ac efficaciſſimis cauſis im-

pediti longiorem ibi moram non traxerunt, grata tamē vbique locorum & accepta eorum fuit præsentia. At verò Xauchinum reuerſi vbi, domum propriam & templum habebant, quadraginta nouis Chriſtianis Eccleſiam Chriſti in illis partibus auſtam deprehenderunt, qui numerus in iſtis fidei propagandæ principijs in regno Cinæ amplo ac barbaro quadraginta Chriſtianorum millibus in Iaponenſium prouincijs adæquari poteſt. Ex eorundem litteris aliam iterum legationem proſpero (vti ſperabant) ſucceſſu ipſos tentaturos accepimus. Sed quamquam nihil aliud hoc tempore quàm regionem explorarent, ſeque habitantium animis paſſim inſinuarent, vt liberè per ampliſſimos regni ſinus ſe recipere quādo opus eſſet poſſent; ad muneris tamen ſuſcepti euentum tanti id intereſſe exiſtimo vt verbis aſſequi nequeam. Maniſeſtis namq; indicijs apparet, Deum Opt. Max. præcipuum quendam miſericordiæ ſuæ effectum Patrum noſtrorum opera ac miniſterio regni illius habitatoribus velle oſtendere; cū in tanta præſertim Magiſtratuum Cantonenſium ſeueritate ac ſuſpicionē benignè vbique excipiantur. Quocirca in nouis verbi diuini præconibus per loca ea ablegandis maxima opus eſt prudentia & cautela. Neque enim frequentior Patrum numerus eò deſtinari poteſt, vti recenti Nudipedum Patrū exemplo fuimus edocti, qui cū incautiùs idipſum tentaffent, in carcerem ad vnum omnes coniecti & tādē Interprete eorum crudeliſſimè coram ipſis cæſo regno pulſi fuere, omni reditus ſpe publico edicto penitus ſublata. Quorum expulſio

pulsio Patrum nostrorum Lusitanorum in Cantonensium provincia commorantiũ exturbationis causa penè fuit. Atque ob id in Machonenſi ciuitate commorantes Lusitani litteras ad Proregem dedêre, de nouo crudelitatis exemplo graui-ter conquesti. Qui agerrimè tulisse fertur, quòd contra præscriptum à se agendi modum, licet bono fidei ampliandæ zelo impulsus, tantarum turbarum optimi patres occasionem præbuisſent.

*Epistola P. Ludonici Froes, inſſu P. Gaſparis Coe-  
glij Japonis Vicarij Prouincialis ad P. Alexan-  
dram Valignanum India Prouincialem ſcripta,  
Idibus Octobris 1586.*

**Q**Voniam R. P. Viceprouincialis Meaci, Bungi & Ximi prouinciarum primores ſedulò cõmonefecit, vt propter nimiam locorum diſtantiã ac itinerũ difficultatem, hanc in transmittendis vltiò citroque litteris rationem ſeruarent, vt collectis, quanta diligentia fieri poſſet, ex tribus prouinciis litteris, prima ex Iaponia Cinam verſus redeuntis nauis opportunitate vnà omnes deſtinarentur: ea tantum hiſce litteris proſequar, quæ P. Viceprouinciali Maugaſaco Meacum, Meaco Bungum nauigãti, primumque prouincias iſtas luſtranti memoratu digna acciderunt. Ac primum quidem quantum ex proſeſſione iſta incõmodi humanæ ſalutis hoſtis ſibi metueret, ex impedimẽtis quæ tribus annis continuis ſalutari Patris conſilio iniecit, facilè apparet. Primo ſiquidem anno vt Fucaſorus Nangafachorũ hoſtis nauem quâ P. Viceprouincialis

veheretur raperet, raptamq; in prædam abduce-  
 ret author extitit. Sequenti Illustris vir Prothasius  
 Arimandonus ne susceptū iter ingrederetur sum-  
 mo conatu obstitit, hoc prætextu quòd Sassumā  
 proficisci ipse statuisset, non sine periculo turba-  
 rum quæ utroque absente emergere potuissent,  
 uti litteris P. ipse Viceprouincialis ad te missis  
 monuit. Tertio demum anno cum alia non offer-  
 retur profectionis commoditas, Ximonechij na-  
 uem conscendere atque ex eo loco constitutum  
 iter ingredi tentauit, trecentorum aureorum im-  
 pensa, quæ pro comparandis quæ ad nauigatio-  
 nem necessaria erant fieri debebat. Quibus Nan-  
 gasachi ritè procuratis Legati Sassumā missi su-  
 peruenerunt, allatis à Sassumanis litteris quibus  
 ne hoc anno vel Bungum vel Meacum se confer-  
 ret certas ob causas P. Viceprouinciali imperabāt,  
 cum tacito mandato, ut si vel imperium detrecta-  
 ret, vel profectus iam esset, eum insequerentur, &  
 si nullo eum pacto ab incepto itinere deterrere  
 possent, quæ sita occasione interficerent. Suspica-  
 bantur quippe non aliam ob causam Meacū eum  
 cogitare, quàm ut à Quabacundono Tenzæ Do-  
 mino obtineret, ut Bungis contra Sassumanos au-  
 xilium ferret, maximos omnium quos Iaponia  
 hodiè habet diuinæ legis hostes. P. Viceprouin-  
 cialis communicato cum suis consilio ad duos  
 menses differendum iter iudicauit, quia tum Ia-  
 ponensium annus expiraret, atque ita ineūte ve-  
 re non violato Sassumanorum imperio discedere  
 quocunque vellet integrum esset. Ne vero Patri-  
 bus Gochinaiensibus mora diuturnior esset sub-  
 molesta,



molesta, fratrem Damianum pedestri itinere in acri hyemis præcipitio eò mittendum duxit. Ipse autem quadragesimalis ieiunij tēpore pridie nonarum Martij, anno 1586. Naugasacho discessit, quatuor Sacerdotibus tribusque laicis assumptis Ludouico scilicet Froes familiari suo ac consiliorum omnium conscio, Francisco Pasio qui paucis ante diebus consilij capiendi causa de maximi ponderis rebus Sacaiā venerat; Francisco Calderone qui Collegij Funayensis Rector designatus erat, ac Damiano Marino qui ex Seminario Arimæ, vofacæ vrbis Seminarij curā suscepturus missus erat; Ioanne Nicolao Laico pingendi artificio insigni viro, cui imagines Collegij Domusque Bungenfis depingendi cura commissæ erat; Damiano denique Iaponensi & Andrea doria Lusitano laicis P. Viceprouincialis comitibus.

Firandum itaque nauem dirigētes Christianos in littoralibus Nixatæ propugnaculis habitantes visere constituunt; cuius rei certiores facti vno atque altero miliari cum vxoribus & liberis nō sine ingenti lætitiæ significatione obuiam P. Viceprouinciali prodierunt. Cū verò Firandum delatus esset, Ioannem Baptistam Montanum & Ariam Sancem veteranos Societatis religiosos istic deprehēdit, qui miro ex felici eius in ea loca aduentu gaudio perfundebantur. Angebatur quidem nō mediocriter P. Viceprouincialis ne Firandinæ insulæ Fixus (sic loci Præfectum vocari ab incolis auguror) inueterato in Christianā religionem odio sicut aliās sæpe, tum iterum cœptum iter impediret. Sed miro diuinæ voluntatis nutu factum

fuit, non solum ut nauigantibus moram nullam inijceret, sed etiam ipsum P. Viceprouinciale nouo insolitoq; humanitatis genere exciperet, cum Christianorum Firandinorum incredibili voluptate. Quin & vectigalium exactoribus ne quæ nauisecum veheret curiosius disquirerent, sed liberam illi nauigationem per omnes ditionis suæ fines concederent imperauit. At quoniam sollemnitatis Paschalis festiuitas in proximo erat, Elizabeth nobilis matrona Illustrissimi quondam D. Antonij vxor cum melioris sexus liberis præcipuis post Gubernatorem proceribus, seruētibus apud Patrem precibus instabat, ut in omniū Christianorum Firadum insulam incolentium solatium, sollemnem illic resurrectionis diem concelebraret. Sed tamen quia seria negotia in Meaco peragenda festinationem exigebant, octiduum tantum in insula cōmoratus nauim inde soluit, Christianis ad miliaria aliquot officij causa comitantibus. Secunda deinde nauigatione ad Ximonechium portum maximè celebrem in regno Nangato sub imperio Mori Amanguccini deuecti fuerunt, ad quem veluti ad centrum quoddā ex Meaco, Bungo, Ximo commoda nauigatio patet. Quo loco nobilissimi cuiusdam pagani hospitio excepti erecto altari, tam in septimana sancta (ut vulgo vocatur) quàm sacratissimo Paschalis festiuitatis diem diuinam celebrârunt. Quamuis enim in oppido Gochinaio Dominicę resurrectionis sollemniratem traducere præoptassent; id tamē per tempestatem ventosque contrarios minimè tum quidem licuit. Hoc eodem loco, vna tantum mulier

Agneta

Agneta nomine quæ ante 25. annos à P. Cosmo Torrefio in sacro baptisrnatris lauacro Christianæ militiæ nomen dederat, P. Prouincialis cōspectui oblata, lachrymis præ gaudij magnitudine obortis Patribus aduentum gratulata, sacro missæ officio quotidie inter erat, & Pœnitentiæ sacramento, festiuæ sollēnitatis die cum cæteris qui Patres salutandi causa Bungo recenter aduenerant expiata, peccatorum sordes omnemq; admissæ culpæ reatum supplex deposuit. Ximonechio relicto Caminoxechiū portum Regni Amaguccini à priori vbi P. Franciscus Calderonus cum fratre Nicolao morbo correptus remāserat, 35 miliaribus distantem attigerunt, ex quo in Bungum recta erant traiecturi. Hic ventis propitijs vsi bidui spatio ad oppidum Funai fuerunt deuēti: vnde cū iterum soluissent, & in Caminoxechium portum delati essent: intempesta nocte quum altior omnes somnus oppressisset, cum nostra alia quædam se nauis coniunxit, qua nobiles quædam matronæ arcis Præfecto necessitudinis arctiori vinctulo iunctæ vehabantur, quæ Patrum videndorum studio cū se eò accessisse palam confessæ essent; Patres ilico è strato consurrexerunt, & accenso lumine duæ matronæ octuaginta annorum ætate venerandæ precatorias pilulas manu tenentes, duabus ancillis & seruo eiusdem penè ætatis comitantibus nauim ingressæ, capite ad terram inclinato manibus autem ad cælum sublati immortales Deo immortalī gratias humiliter egerunt, quòd ante supremum vitæ diem Patrum vultum coram intrueri singulari beneficio concessisset.

Tandem

Tandem quænam essent interrogatæ, Christianas se esse Amaguccinæ provinciæ publicè testatæ sunt, à P. Francisco Xauierio Iaponem primum omnium fidei dilatandæ causâ ingresso, ante 37 annos per baptismatis regenerationē in Christianorum numerum admissas. Sed quia breuissimo interiecto temporis spatio, postquam baptismali aqua lustratæ essent, Vocidonus Amanguccinorū Rex violenta morte è viuientium numero fuisset sublatuſ; ipsæ conspicuo stemmate oriundæ, & diuturni exilij pœnâ, & atroces à Gentilibus contumelias, quòd Christi nomen profiterentur, & à susceptę fidei veritate recedere nollent, fuerāt interea temporis perpeſsæ; licet nunc paulò mitius humaniusque sub tutela arcis Præfecti infidelis quidem, sed cognationis iure sibi coniuncti haberentur. Cumq; sermo protraheretur diutius, Patris iussu Christi Seruatoris effigies artificiosè depicta coram allata fuit, quam humiliter in terram prostratæ adorauerūt. Sed quòd ante Solis ortum discedendum nobis esset, ne spiritali omni consolatione planè viderentur destitutæ, utque in suscepta olim fide magis magisque firmarentur; frater Damianus Iaponensis quantum mediæ horæ spatium patiebatur ad cōstantiam eas cohortatus, qua via ac ratione in æterni Dei cultu in posterum persisterent, monuit. tandem granulis aliquot cōsecratis, tum imagunculis quibusdam cereis agni immaculati impressione & pontificia consecratione venerādis à Patribus acceptis, magna cum sua Christianorumq; qui aderant voluptate, nec sine gentilium qui in naui erant aliquo etiam fructu reuersæ

reuerſæ ſunt. Patres autem ad Xiuaicum portum  
per vniuerſam Iaponiam celebratiſſimum nauim  
direxerunt, ad quem, quia profectionis ſuſceptæ  
rumor regionem Sacai peruaſerat; Yacurodonus  
Auguſtinus quosdam ex ſeruis, vt merito Patrem  
honore exciperent, præmiſerat. quibus honoris  
cauſa comitantibus cùm ad Murenſem eiſdem  
Principis portũ propius accederent, Principis fra-  
ter abſentis fratris vices gerens, obuiam proceſſit,  
aduentantesque gratulabũdus excepit, ac ad ſub-  
limem amœnumque eos locum perduxit, vbi Sa-  
cellum viſebatur, in quo omnes poſtea Patres rem  
diuinam peregerunt. Quia autem tempeſtas non  
erat nauigationi cõmoda, Patris Viceprouincialis  
hortatu, concio habita fuit coram vxoribus præci-  
puorum Auguſtini miniſtrorum, regenerationis  
vnda iam ante ablutorum, hoc nimirum conſilio  
vt & ipſæ Chriſtianam fidem maritorũ exemplo  
amplecterẽtur, quod vt maiori cum fructu fieret,  
vxor fratris Auguſtini concioni intereſſe etiã vo-  
luit, cui ſancto exercitio cùm ad dies aliquot in-  
cubuiffent, ſeptendecim non infimæ notę matro-  
næ Baptiſmatis Sacramento ab originalis peccati  
ſorde expiata Chriſtianorum albo fuerũt adiun-  
ctæ. Inter alias autem quæ concioni intererant v-  
na fuit idolorũ cultui cæteris addictior, quæ quo  
tempore baptiſmali lauacro intingendæ eſſent,  
Chriſtiani mariti domo ne & ipſa baptizaretur e-  
greſſa fuit. Poſtridiẽ cùm omnes matronæ Chri-  
ſtianorum cœtui recenter per baptiſmum adſcri-  
ptæ ſacrum audituræ ad templum conueniſſent;  
& quidam ex Patribus beneficij, quo à Domino  
Deo

Deo affectæ fuerant magnitudinem prolixius & feruentius verbis exaggeraret; non sine miraculo factum existimo, vt in se reuersa & spiritu meliori agitata, ita sacris Missæ caremoniis capta delectataque fuerit, vt eodem temporis momento sacra vnda, quam paulo ante contumacius spreuerat, aspergi impensius efflagitarit, quæ causa fuit vt producta concione in fide Catholica diligētius institueretur, & per paucis interiectis diebus per sacram ablutionem in Christianorum numerum referretur. A Murensi portu Acaxum profecti sunt, quod oppidum est in ditione noua qua Iustus Vcondonus facta commutatione à Quabacundono fuerat inuestitus, accepto prius à Iusto Tacazuchi oppido. In loco Acaxo Iusti Vcondoni pater Darius & eiusdem mater Maria, & nō pauci alij nō ignobili prosapia nati viri Principis ministri vitam agebant. Hic etiam P. Organtinum & Gregorium Cespedem, & præcipuos aliquot Christianos offendimus, qui P. Viceprouincialis visendi causa ex regione Sacaiā aduenerāt. Quamquam autem bona nobilium Acaxinorum pars cum Vcundono in Quabacundoni fabrilibus operibus distinebatur; Darius tamen cæteri que grandioris ætatis viri, vnā cū prenomīnatis Patribus, P. Viceprouincialem in littorali ora expecturi prodierunt, cum stupenda penē omnium exultatione ac applausu, dataque & accepta mutua salutatione ad templum quoddam nouum accingens Darij sumptibus immortalī Deo excitatū, vnā omnes contenderunt; vbi apparatus adhuc aliquos videre licebat in aduentum P. Viceprouincia-

uincialis factos, quē ibi Paschalem sollemnitatem traducturum sperauerāt. At quia tempus erat nauigationi maximē idoneum, vix duabus illic horis commorati eodem die in portu Feongo egressi, postridiē secūdo cursu in Sacaiam prouinciā peruenērūt, quinquagesimo postquam Nangazacho discesserant die. Frequens Gentilium numerus ad Patrum aduentum ad litrus accurrit, quorum tamen nemo grauius quicquam in quenquam vel dixit vel fecit. tanta est hominū in tales viros modestia ac humanitas. Hoc in loco P. Organtinus domum exstruendam curauerat, omnibus ferē Sacainæ ciuitatis ædibus eminentiorem, & ab omni vrbis parte conspicuam, exiguam quidem propter situm angustiorē, structura tamen & architectura admodum insignem. In editiori siquidem ædium parte crucis effigies conspiciebatur mari imminens, in quo nauigantibus eminus apparet. Fuit crux illa primū Christi vexillum in vrbe ista tam celebri tamq̃, frequenti ad diaboli imperium infringendum erectum, quatuor Bonzorū, hoc est Sacerdotum gentilium templis cinctum. Hic integri penē mensis moram P. Viceprouincialis traxit, partim Christianorum causa qui vnde quaque eō confluebant, partim vt non minimi ponderis negotia per opportunitatem conficeret. Cumque triduo se Vosacæ continuisset, Regē Quabacundonū salutaturus qui Sacaiam tū forte aduenerat, aulam regalē adiit. At vero quoniā rem nō ingrātā me facturū R. T. confido, si, quāto honore quātaq̃ humanitate P. Viceprouincialē Quabacundonus exceperit, paucis fuero cōplexus: opere precii fuerit



fuerit de dignitate, opulencia, potentia, imperiūq;  
amplitudine qua antecessorē suum Nobunāgam  
longo interuallo superat, nonnulla præmittere.  
Dignitas autem eius talis est ac tanta, vt quamuis  
magnæ & præcellentis authoritatis Princeps Na-  
bunanga fuisset, nunquam tamen ad illud hono-  
rum fastigiū pertigerit, vt Quabacundonus (quē  
summi imperij titulum esse suspicor) saluari me-  
reretur. Omnis auri argentiq; vis & quicquid  
pretiosarum rerum est in tota Iaponia huius pote-  
stati subiectum est: tantaq; veneratione colitur,  
tamq; promptam obedientiam ei omnes exhi-  
bent, vt pari facilitate quā quilibet Paterfamilias  
in domesticos suos vtitur, hic potentissimis Iapo-  
nis regibus imperitet, quos pro arbitratu suo nunc  
regno priuat, nunc aliò habitatum mittit, nunc in  
eorum dominatu omnia pro libito cōmutat, ma-  
ioris incrementi potentiaq; ansam præcidens.  
Præcipui regni sui procures preciosa ipsi in vrbe  
Vosaca palatia suis impensis extruūt, adeò vt qua  
parte Sacaiam respicit, Tennogiū versus ad qua-  
tuor millia passuum vrbs extendatur, & ab alio la-  
tere sumptuosius ædificiis mirū in modum augea-  
tur. Muri, turres, palatia cæteraq; ædificia adeò  
splendidè, sumptuosè, magnificèq; sunt extructa,  
vt multis parazangis Nabunangæ opera omnia in  
Anzuchiana vrbe excedant. Vtq; plenius sin-  
gula diducam, pro certo tibi constet, toto isto tri-  
mestri quo P. Vicepronincialis in vrbe Gochinaia  
commoratus fuit, & multò etiam antea in hunc  
vsque diem, in effodiendis nouæ arcis fossis sexa-  
ginta hominū milia nulla interposita mora labo-  
rassē.

rasse, inter quos non pauci Iaponici regni Primates, vt ceteros in officio continerent; operi accelerando præerant. Arcis muri lapidei sunt, nō minori ferè latitudine quàm altitudine. Ne verò operariorum multitudo confusionem pareret, singulis operum præfectis suus erat ac proprius designatus locus in quo operi incumberet. Ne turgido autem tempore non paruus operariorum numerus continuo scaturientem in ipsis fossis aquam exhauriebat. Nihilque in hoc argumento est maiori admiratione dignum, quàm vnde in tanta lapidum saxorumque inopia, tanta tamen eorū copia & educatur & aduehatur: cui incōmodo hac ratione occurrebat. Primatibus prouinciarū circum circa ad 30 & amplius miliaria, naues integras saxi lapidibusque cuiuslibet generis onustas imperabat. Et quidem Sacainæ vrbis ciues ducētas in singulos dies pēdebant, aded vt ex editiore ædium nostrarum parte mille subinde naues explicatis velis pulchroq; ordine ad Vosacanū portum contendere videremus. Tum in exonerandis nauibus ea cura eaque diligētia vtebantur, vt sine capitis vitæque præsentis periculo lapidem vnum loco mouere, ac in alium trāsferre auderet nemo. Deinde quò magis magisq; opus acceleraretur, si Præfectorum Architectorumq; aliquis vel in minimo deliquisset, aut expectatam in promouendo opere industriam non adhibuisset, dignitate opibusque ereptis, exilio euestigio plectebatur. Præter verò turres ac valla, quæ propter celsitudinem regularumque deauratarum fulgorem eminus in arce conspiciebantur, plurima adhuc miræ pul-

chritudinis ædificia extrui curabat. Ad maiorem  
 præterea potentiaꝝ ostentationem (neque enim ut  
 ipse palam fatebatur, quicquã magis cordi habe-  
 bat quàm ut nominis sui memoriã ab interitu  
 vindicaret) in Meaco tria stupendæ prorsus ma-  
 gnitudinis monumenta moliebatur, quorũ priora  
 duo ad optatum ferè finem perduxit. Primũ pro-  
 pugnaculum erat non procul à Dairi palatio, Vo-  
 facanæ machine structura & magnitudine nõ ab-  
 simile, in quo eodem tempore quo ad Vosacanam  
 molem tanta hominum multitudo occuparetur,  
 60 quoque hominum milia diurno nocturnoque  
 opere exercebantur. Etsi verò qui operi huic præ-  
 erat, iuuenis erat, agnationis illi iure coniunctus,  
 non paruo nobilium numero stipatus: ipse tamen  
 Quabacũdonus (quod acumine & industria nul-  
 lo tuorũ esset inferior) animi laxandi causa inter-  
 dum ad decem dies in Meaco, nec minori tempo-  
 ris spacio Vosacæ commoratus opera lustrabat.  
 Alterum monimentum palatium erat superbum  
 herclè ac magnificũ Regi Iaponis positum, quod  
 antiquorum Iaponis Regum palatiis nec magni-  
 ficentia cedebat nec mole. Tertium porro erat in-  
 gens ac opulentum templum in vrbe Nara, cuius  
 principiũ vidisse te memini in regno Iamari iuxta  
 templũ illud in quo mille Fotoquorum (Idola esse  
 conjicio) simulachra auro magnificè obducta vi-  
 febãtur. Non quidem quòd pio religionis affectu  
 erga varios deos afficiatur, sed ad nominis tantũ  
 potentiaꝝque ostentationem. Quantus autem sit  
 templi huius splendor & venustas, ad Patrum qui  
 in Meaco habitant officium spectat scripto litte-  
 risque

risque prodere, illi siquidem non audita sed vita referent, quæ enim de eius opulentia vulgò narrantur, fidẽ superant. Iussit præterea Aqueccinam arcem (quam te aliquando vidisse arbitror) Sacamotam nomine iuxta vomium lacû in humiliori Frenogiamæ vrbis parte solo æquari, regio edicto decernens, vt per Voceum deinceps viatores iter facerent, quo in loco hospitatum te subinde fuisse credo, cùm ex Meaco Anzichiamam tenderes. Quin etiam omnes qui iuxta Meacum sunt agros & prædia, ex quorum prouentibus Bonzi (hoc est idolorum sacerdotes, qui illic sua habent monasteria), multiq̃ue alij sustentabantur; certa mensura ac limitibus distingui separatariq̃; iussit, ac in suum postea ysum conuertit. Aydonus qui Quabacundo est à secretis, fidem nobis fecit, quod pro vna parte orizæ quæ ex dictis agris colligitur, collectaq̃ue aliis in locis distrahenda exportatur, nongentorum Gochorum (Iaponicæ monetæ species est) millium summa percipitur, quæ nongentorû millium Tarrorum Iaponicorum summæ respondet, quam si ad nostram monetâ reducere libeat, decies centenorum millium aureorum summam (milionem Arithmetici vocant) transcendet. Finem non esset habitura epistola, si stupenda Regis huius opera sigillatim recensere præsentis esset instituti. Metuebamus & quidem non mediocriter & nos & Gochinaia vrbis Christiani, quo vultu P. Viceprovincialem esset excepturus, idque propter viri fastum & summam qua apud omnes valet estimationem, quæ talis est ac tanta, vt Reges ac Principes qui officij causa ipsum subinde acce-

dunt, tanquam priuatos aspernetur. Sed quia solius Dei est Principum corda pro diuinę voluntatis suę nutu dirigere, in iis præcipuè quę ad cultū suum pertinent: animum eius aliqui ferocem ac arrogantem adeò compescuit, vt nullus vnquam Tensę regionis Princeps maiori cum humanitate nostros exceperit. Quarto Nonarum Maij P. Viceprouincialis comitantibus nonnullis Societatis nostrę Patribus & Iaponēsis aliquot nobilibus adolefcētibus, Regalem aulam adiit, ac à Simone Aydonō Scriba, & Regio medicō primario, Christianis quidē, sed Regi gratissimis, ad Quabacundonum deductus fuit. muneribus tamen secundum Iaponici regni vsum ad Regem regiamque coniugem præmissis, quę vtrique grata acceptaq; fuisse non obscuris indiciis declararūt. Dum autem oblata munera Rex attentius aspiceret, nos in atrio quodam regia planè magnificentia instructo tigrum, aliorumque animalium exuijs, aulæisq; inæstimabilis pretij ornato, dum intromitteremur opitulabamur. Ac paulò post de aduentu nostro certior factus præcipuos aliquot heroes Mátazaimoam scilicet trium regnorū Principem, Regem Tangi, tum Morici regni aliorumq; locorum legatos secū retinuit, hoc consilio (vt ipse asserbat) vt quanta humanitate nos excepturus erat, testarentur. quocirca eos vt in atrio nos cōuenirent, ac sermonem nobiscum miscerent, monebat. Quos tamen paruo interiecto spatio reuocabat. Cumq; denuo essent ad Regem ingressi, ac ordine quisque suo in atrio varijs picturis affabrēfactis illustri cōsisterent: P. Viceprouincialis genibus flexis & ca-

pite

pite decēter inclinato, cæteris pari reuerentia subsequētibz coram Rege constitit. Præcedebat Scriba & clariori voce singulorum nomina proferebat. Mox cū omnes consurrexissēmus, ad atrij vsque ianuam retrocessimus. Quabacūdō in sublimi solio cōsederat, tanto à nobis intervallo semotus, vt faciei eius lineamenta ægrè discerneremus. verū vt ad regalem thronum propius accederemus ilico præcepit, cæteris heroibz recedere iussis, vnico Iusto Vcondono excepto, quē quōd Christianus esset vnā nobiscū accedere voluit. Quod certē Christiano Principi coram tantis viris ex Regis ore audire admodum erat honorificum. Iussit præterea, in duabus lancibus fructus quosdam recentes ex diuersis provinciis aduectos aliaq; nonnulla edulia proferri, quæ vt maiori nos honore afficeret, nobis quoque gustāda offerebat. Lances autem à duobz Christianis ferebantur, quorum alter Scriba erat regius, alter adolescens Regi acceptissimus cui Quinosquedonus nomen erat. Patres regio obtemperantes mādato ex vtraque lance nonnihil degustabant. Tum regali relicto solio ad Patres propius accessit, cum P. Viceprouinciali de variis rebus quas secum agitabat, verba faciens. Deinde cū P. Ludouico Froes P. Viceprouincialis interprete aliās sibi etiam viso & cognito in colloquium congressus, aliquarum illi rerum memoriam refricabat. Collaudabat etiam idq; repetitis vicibus pium Patrum zelum, quo stimulante in Iaponiam venerant, nihil aliud animo versantes, quā vt Dei immortalis honorem, diuinæq; legis cultum propagādo magis ac magis



augerent. Addebat præterea vniuersum iam penè Iaponis regnum suo patère imperio, ex quo neque plures in eo prouincias, neq; ampliores opes concupiscere se coram nobis fatebatur, solius nominis famæque immortalitate quam rebus egregiè gestis parauerat, contentus. Quapropter in hanc tibi imposterum curam incumbendum esse aiebat, vt rebus Iaponensibus ex animi sententia compositis, omnem imperij molem in fratrem Mindonum transferret; quo facto belli impetum omnem in Corream & Cinam conuerteret, cuius rei conficiendæ causa ligna præcidi ad his mille nauium classem instruendâ curarat. A patribus nihil maiori studio contendebat, quàm vt à Lusitanis naues grãdiores duas rebus omnibus necessariis instructas obtinerent, quarum pretium & liberalissimè persolueret, & tam Gubernatori quàm cæteris vectoribus promptissima in singulos menses solutione satisfaceret. Tametsi autem expeditionem istam morte interceptus non conficeret, nullã inde animi ægritudinem sensurum se assererat, dummodocommuni totius populi voce iactaretur, ipsum totius Iaponici regni longè potentissimum fuisse, cui rem tam arduam, tamq; difficilem tentare nec animus defuisset nec vires. Si verò ex voto expeditio suscepta succederet, vt imperium eius Cinenſes nõ detrectarent; neque se regnum ipsis ablaturum, nec imperij sedem illic fixurum promittebat, sed solo supremi dominij titulo contentum recessurum, templa ad Dei cultum promouendum passim erigenda curaturum, regniq; incolas ad Catholicã fidem amplectendum coacturum:



rum; quodque amplius est, mediam Iaponicę di-  
tionis partem se ad Christi religionem suscipien-  
dam iam tum impulsurum. id autem cum tanta  
beneuolentię significatione dicebat, vt qui circũ-  
starent & sublimes eius spiritus arrogantemque  
animum probè nouissent, in admirationem raper-  
rentur. Mandabat insuper vt maioris arcis portę  
ac fenestrę vndique panderentur, se quippe eam  
nobis velle ostendere subindicans. dumq; mini-  
stri iussu peragerēt, Iustus Vcundonus nos in am-  
plissimũ atrium per conclauia quędā regali planè  
magnificentia ac luxu ornata, ac per hortos etiam  
amœnissimos deduxit. Tandem arcis portis aper-  
tis, vna dūtaxat Buconina, hoc est, mulierẽ vertice  
raso, monialis iustar, quę clauẽ præferebat comi-  
tante, descendit. cumq; in ipso ingressu substituis-  
set, omnes P. Viceprouincialis comites, vt & ipsi  
loci situm & pulchritudinem contemplarentur,  
ascendere iussit. Aduocatisq; vt vnā ingrederētur  
Iusto Vcōdono, Ioachimo Riueo, ac Xinza Mag-  
dalenę præclaris animi corporisq; dotibus illu-  
stris, matronę marito, reliquis omnibus et si fidelis-  
simis Regi que acceptissimis proceribus exclusis,  
solis Christianis arcem intrandi omniaq; loca se-  
cretiora lustrandi facultatem indulsit. Ipse autem  
Rex tanta facilitate animiq; benignioris mansue-  
tudine præcedebat, vt eum priuati viri personam  
induisse omnes crederemus. adeo vt cum per loca  
quędam transitu difficiliora eundum esset, substi-  
tere nos & cautè progredi moneret: atque ita ad  
octo tabulata ascendendo peruasimus, apertiis in  
occurso nostro conclauibus aureis argenteisque

laminis, pannis, & incomparabilis pretij vestibus, tum armorum telorumque omni genere refertis. Alio item loco tantam arcarum scrinioꝝumq; copiam conspeximus, ut fixis singulorum in singulos oculis stupore omnes corripere mur. Tamen si verò Iaponenses stratis lectis uti non assueuerunt, duos tamen ibi vidimus splendide ac magnifice auro cæterisq; ornamentis, quæ in Europa magno aestimantur instructos. Alio item loco ex auro solido portatilem camerâ foris innixâ aspeximus. Quabacundonum quocunq; se verteret puella annos nata tredecim, regio ornatu gladium eius manu tenens præcedebat, cuius rei causam esse arbitror, quòd in arce hac mulierum tantum ministerio vititur, quæ sunt numero penè trecentæ maximorû Principum filia, totidemque & fortè plures ancillæ quæ his inserviunt. Cumq; ad tabulata iam aliquot penetrassemus, vultu ad nos conuerso nû fatigati essemus sciscitabatur, ac dicto citius ciuium nonnihil (suauissimi potus genus est) ex pretiosissimis vasis depromi nobisque propinari mandauit. Cum vero ad arcis fastigium peruenissemus, aliquam moram fecimus iucundo agrorû aspectu quos inde commodissime videre licebat delectati. Ad imam arcis partem, 60. milia operariorum continuis laboribus distinebantur, qui quòd Regis præsentia & colloquio liberiore nos frui animaduertent, non mediocri admiratione tenebantur. Tandem cum descendissemus & ad sedendum se Rex composuisset, assidentibus nobis dixit constituisse se provincias omnes quæ ad Austrum sunt diuidere, eosque qui imperio relutarentur-

Etarentur armis cogere, quæ cùm nihil diffimu-  
 lans narraret, tantam hilaritatem vultu prodebat,  
 vt facile intelligeremus, sine omni metu ac suspi-  
 cione eum mentis suæ arcana apud nos deponere.  
 Eodem temporis fere puncto, disputationis  
 cuiusdam illi in mentem subiit recordatio, quam  
 P. Ludouicus froes & frater Laurentius Iaponen-  
 sis in Mesaço coram Nobunanga contra Sacer-  
 dotem gentilem cui Nicius Tozomirius nomèn  
 erat, sustinuerant; in qua cùm se Sacerdos euide-  
 tibus rationibus conuictum fateri cogeretur, tãto  
 animi furore ac rabie in fratrem Laurètium fere-  
 batur; vt arrepto Nobunangæ ense violentas illi  
 manus inferre pararet. Cùm itaque disputationis  
 huius mentio incidisset, Ego quoque (inquebat)  
 tum temporis præsens eram, eandemque vobiscum  
 opinionem sustinebam. Quo dicto consurgens  
 fratrem Laurentium iam senio grauem adibat, ac  
 manu capiti eius imposita, hic (inquit) quæ dico  
 probè intelligit, quod cùm ita sit cur subitices? &  
 non potius quæ animo tecum cogitas eloqueris?  
 Quod si imperij nostri tempore facinus tam indi-  
 gnum perpetrasset, mortis supplicio vindicandum  
 iudicassem. Paululum deinde progressus in illu-  
 strum mulierum cubiculo consedit, quibus Patres  
 videndi veniam concessit, ac Magdalenam, cuius  
 ante facta mentio fuit, & Ioannam Zongui vxorẽ  
 Daïri cognatã Christianam proprio nomine com-  
 pellans euocauit. Hic iterum potum nobis propi-  
 nari iussit, Christianis matronis ciphos tenentibus,  
 quos ab iis accipiens Rex manu sua primũ P. Vi-  
 ceprouinciali, deinde cæteris ordine porrexit, qui

maximus honor fuit quem potuisset nobis exhibere. Neque enim (vti pro certo ministri affirmabant) vllū vnquam Regē qui eius visendi salutādiq; causa aduenerat, vel tertia honoris parte quonos dignatus fuerat affecisse visus est. Addebat præterea statuisse se in Iaponiæ diuisione Iusto Vcōdono, & Rineæ Augustini patri tū præsentibus Figense regnū permittere, portu tamen Nangazachico Ecclesię Patribusq; relicto. Quod tamē nisi Iaponensibus rebus planē cōfirmatis, oblidibusq; acceptis se facturum negabat. Hanc enim inire se velle rationē dicebat, vt Figensis regni primatibus Patres odio nō essent. Quin hoc quoq; iis persuasum volebat, se nullius adductū persuasione, sed proprio motu donationē illā Ecclesiæ fecisse. Atq; ita transmissis duabus aut tribus horis in istis clementię humanitatisq; officiis, discedēdi potestātē tandem nobis fecit, nobilibus quibusdā matronis imperās, vt allatis clauibus per portam quandam secretā vico in quo domus nostra erat vicinam nos dimitterēt. Cū autē regale palatium P. Viceprouincialis egressus esset, Minocauidono Quabacūdōni fratri operi cū ceteris regni proceribus intēto munera mittenda curauit. cui cū nunciatū esset P. Viceprouincialē eius visendi causa adesse, per medias operariorū turmas festinās accurrit, ac P. obuiām factus capite reuerenter demisso, ceterisque de more adhibitis cēremoniis, de munere oblato gratias illi prolixē egit. Postridie Toquinus Quabacūdōni Protophyicus felicē prosperūmq; visitationis successum nobis congratulaturus accessit, qui cū Seminarij nostri plurimos cōsque nobi-

nobilissimos adolescentes quasi pullulantis fidei  
nouellos surculos cōtueretur, in hæc verba proru-  
pit. Cū regnorū vnde oriundi eramus ab Iapo-  
nia solo nobis adeo incognito ac peregrino, in quo  
rātas nos sæpe molestias sustinuisse acceperat; di-  
stātiā animo secū ac cogitatione subinde volue-  
ret, cumq; præterea in Vosaca tantis sumptibus tā  
copiosum iuuenū nūmerum alere aliōsq; etiam  
viriūsq; sexus homines fouere nos attentius per-  
penderet, idq; solius fidei legisq; diuinæ ampliā-  
dæ zelo, fieri omnino non posse affirmabat, quin  
quicunq; hæc secum animo agitatet frequentius,  
conatibus nostris impensius faueret, cuius rei in-  
tuitu paratū se assererat ardua quæq; pro religio-  
nis Societatisq; nostræ incremento & suscipere &  
præstare. Cumque à nobis recederet, pro recepta  
iam olim Iaponici regni consuetudine, quendam  
ex Patribus secū abduxit, qui pro studij fauorisq;  
magnitudine quo erga nos pridie illius diei vsus  
fuerat, Quabacundono gratias supplici mentis af-  
fectu ageret: Ex quo statim atque ingressus esset  
Rex sciscitabatur, quomodò pridiani diei studiū  
ac singularis benenolētia qua nos exceperat P. Vi-  
ceprouinciali arrisisset. Pater vultu humiliter de-  
misso modestè grauiterque respondit, integrū istū  
diem magnamq; etiam subsecutæ noctis partem  
in templo Patres traduxisse, gratias Omnipotenti  
Deo persoluentes de summo fauore quo Regiæ  
Maiestati erga nos vti visum fuerat: cuius benefi-  
cij nomine se tantū illi debere quantū mortalium  
nemini palā fatebantur. Placuit Régi Patris Ora-  
tio, qua clemēter audita cum humaniter dimisit.

Postea

Postea ex matronis Christianis quas in arce ista Regi famulari modo diximus nunciatum nobis fuit, Quabacundonum ad multam vsque noctem cum Regina coram Christianis matronis aliisque quarum ministerio vtitur, prolixè magnificèq; de nobis fuisse locutum, eumq; indoluiffe quod Reginæ faciem Patribus nō ostendisset, Reginamq; respondisse sibi neūtiqum id displicuisse, eiusq; rei cogitationem nullam in animū eius ascēdisse, quippe quæ in regali palatio omni virorū aspectu congressuque carere iam pridem assueuisset. Rēgemque iterum hūc Reginæ sermonem sic excepisse, vt nullam ex isto cōgressu vel infamiam vel periculum metuēdum esse affirmaret: tum quòd exteri essemus, tum multo etiam magis, quòd bonitate ac morum modestia & vitæ continentia ab Iaponensibus plurimū distaremus. Quo dicto muneribus à Viceprouinciali oblatis iterum productis, vestem vidit (Iaponēses Dobucum patrio idiomate appellant) quæ Regi præ ceteris rebus erat acceptissima; quocirca Reginam ea vestiri, vestitamq; semel ac iterum obambulare coram ipso voluit, eamque durante de Patribus instituto sermone Reginam exuere nō permisit. Intelleximus amplius Reginam his verbis apud Regem fuisse vsam, suspenso se animo metuisse semper, Regem iis mansueti animi indiciis Patres non excepturū atque ipsa optabat, tum quòd exteri essent, tū quòd legis fideique quam profitebantur & honor & dignitas omnia clemētiæ humanitatisq; officia promereretur. At postquam renunciatum sibi esset, nihil ad summū eius erga nos beneuolentiæ signifi-



ficationem addi potuisse, incredibilem percepisse voluptatem, eoque nomine immortales Maiestati suæ se gratias agere. Quod certe Reginae studium vti alia etiā quæ deinceps ostendit propensi in nos animi signa, singulari Dei beneficio adscripsimus, eoque magis quod ad illud ferè temporis momētum, a uerulo animo tam nos quàm Christi legem fuisset aspernata. Percunctabatur præterea Quabacundo nū sex matronis quæ aderant, an Patrem ante diem illud vidissent nunquam? an vultum eius in templo nostro secundo conspiciari expeterent? Cumque velle se cum bonâ Maiestatis suæ venia respondissent, petitam facultatem ipsis clementer indulsit, quam ipsæ singularis gratiæ loco reputârunt, quod rarissimè cuiquam ipsarum arcem egrediendi potestatem solet concedere. Addebat deinde demirati se, quod Christianæ matronæ gratias sibi non egissent, de amoris beneuolentiæque notis quibus nos fuerat cōplexus. Duas deniq; ex Christianis mulieribus acerbius redarguebat, quod cum eipsum Patribus ipse offerret, tempestiuè non accurrissent. Postero item die cū diuersarū Prouinciarum Primatibus congressus, quum de nobis sermo incidisset; Soyequus quidam Chianoyi Præfectus in Vosacana nostra ecclesia iuuenem esse aiebat Vincentium nomine, præstanti eruditione excitatiq; ingenij adolescentem, qui cum Giensianorū sectæ arcana addiscere curiosius efflagitaret, vt ad eum finem Bonzi cuiusdam opera in monasterio quodam vti cœpisset, se cōsultore factum esse affirmabat, vt ab illo proposito resiliret. Cumque interroganti Quabacundo



donque quam præstiri officij causam afferret respon-  
disset; eo confilio id à se factum esse, quòd Chri-  
stiano homine indignum iudicaret, si Giensiano-  
rum secreta rimaretur. utijs probè perceptis con-  
tra eos acrius insurgeret; pessimè eum ac iniquis-  
simè fecisse palam professus est, Christi q; legem  
Giensianorum sectæ præferendam esse verbis au-  
toritate ac maiestate plenissimis constanter asse-  
ueravit. Addam præterea quòd quodam sanctæ  
(ut vulgo dicitur) hebdomadis die, antequàm Go-  
chimaia P. Viceprouincialis accessisset, nihil tale  
nobis expectatibus nulloq; apparatu factò, Qua-  
bacuniponius Nabunangæ filio & fratre aliisq; di-  
uersorum regnorù Principibus stipatus Collegij  
nostri septa intrauit, ac in templum à P. Gregorio  
Cespede introductus iuxta altare quoddam cõse-  
dit; & audiētibus omnibus de quadam Seruatoris  
nostri imagine in altari erecta multa subtiliter &  
acutè interrogauit. Quibus cùm sigillatim Pater  
respondisset, adductas ab eo rationes comprobās  
subiunxit, probè nobis constat optimi Patres Bō-  
zo Vosacano vos esse meliores, id quæ vitæ vestræ  
morumq; tum puritas tū integritas qua illū longè  
superatis apertè testatur. Neq; etiā ignoramus, vos  
ab aliis quoq; vitiis, quibus Bonzus hic aliq; Ido-  
lorù Sacerdotes dediti sunt esse immunes; ex quo  
liquidò apparet, quanta eos vitæ innocētia præce-  
datis. Nihil ferè legis vestræ præceptis continetur  
quod nobis non magnopere probetur, & nisi vni-  
cus ille articulus quo vxorum pluralitas in hiberet  
scrupulū iniiceret, omni impedimento reiecto illā  
cuestigiò amplecterer. Iusserat interea Pater ali-  
quid

quid lautioris condimenti adferri, quod cū leuiter gustasset, ceteros vt aliquīd inde sumerent inuitauit. Quanquā autē omnia ista propēssimi in nos animi signa paruo æstimāda sunt, vti reuera quoties animū à terrenis rebus abducimus ac ad celestium cōtemplationem attollimus paruo æstimamus; quippe quibus præter diuini fauoris studiū omnia sordere ac vilescere debeant; tantū tamē à cuiuslibet gradus ordinisq; hominib<sup>9</sup> in Principū gratia momentī reponitur, vt experientia ab initio fuerimus edocti, nihil ad Iaponicæ gentis cōuersionem singulari Dei prudentia magis nobis profuisse; Quod vel hinc maximè apparuit; Quoniā ex quò vulgo innotuit Patres apud Quabacundonum in honore & pretio haberi, cœperūt plerique & tēpla nostra frequētare crebrius, & sacris concionibus interesse frequentius, adeò vt non raro quater vnò die cōciones habeantur, neq; vnquā in populo tam frequēti verba fiūt, quin Deo conatus nostros dirigēte ad Christianorū gregē noua semper fiat accessio; plurimis per baptismi Sacramentum in Christi fidelīū numerū adscribi postulantibus. Quod vt cū maiori fidei incrementō succederet, tria à Quabacundono obtinere P. Viceprovincialis obnixè laborabat, quæ vt impetraret plura iam tū sacrificia Patres obtulerāt, frequentesq; ad Deū preces effuderāt. Primū erat, vt permissa eius per omnes Iaponici regni prouincias diuini verbi sementē nemine reluctante Patribus facere liceret. Alterū, vt Collegia nostra ac tēpla ab vniuersali quodam militū recipiēdorum onere liberarentur, quo per totā Iaponiam Bonzorū hoc est

sacer-

sacerdotum gentilium monasteria grauantur, quæ  
belli tempore primum à militibus occupantur.  
Tertium porro erat, quòd cùm Japonicæ ditionis  
primates à subditis graua quædam onera exigere  
passim consueuissent, ab huiusmodi muneribus  
regia auctoritate redderemur immunes, cumque  
varias iniunxeramus rationes, quibus quòd seque-  
batur facilius cõsequeremur; ob id scilicet quòd  
paucos nouissemus per quos tantã gratiam à Faxi-  
ba Quabacundo nos obtenturos sperabamus;  
Tandem P. Viceprovinciali in mentem subiit, nò  
posse maiore cum facilitate rem istam à quoquam  
conferri quàm à Regina; cui licet Christi fidem  
necdum esset amplexa, sed Idolorum cultui ita ad-  
huc addicta, vt rebus Christianorum non vsque  
adeò faueret; firma tamen diuinæ gratiæ spe sub-  
nixi vnanimi consensu negotium istud commit-  
tendum esse iudicabant, eoque magis quòd mira  
dexteritate duæ matrònæ Christum professæ Mag-  
dalena videlicet & Ioanna ad obtinendum quòd  
animo meditabamur viam strauerant, factumque  
non sine numinis inspiratione credimus, tanta so-  
licitudine fidei suæ commissum negotium Regi-  
nam procurandum suscepisse, vt rei bene gerendæ  
opportunitatem vltro inuestigaret, occasionemq;  
Regis in tempore cõueniendi studiosius captaret,  
vtque ex voto nostro omnia succederent felicius,  
nocte quadam litterarum quas Regis sigillo & sub-  
scriptione muniri postulabamus exemplar secre-  
tò sibi transmitti iussit, quas tanquam à se maturè  
excogitatas Regi per occasionem signandas offer-  
ret. Nos tanti momẽti rem neutiquam negligen-  
dam

dam rati quàm potuimus accuratissimè perscriptas litteras ad Reginam secretò etià destinauimus, quas illa Regi marito pro suis obrulit ita tempestiuè, vt cùm singula quæ pro nobis facere credebamus accuratissimè nos fuisse cõplexos existimaremus; Rex diuino stimulante spiritu quæ nos omiseramus ipse supplenerit. At circa articulum quo à nobilium Iaponicæ prouinciæ priuatis quibusdã muneribus, quæ à subditis exigere pro suo quilibet iure solet, liberos ac immunes reddi suppliciter contendebamus; heroico ac Christiano Principe digno elogio non citra omnium admirationem articulum istum superuacaneum esse respondit, ob id, scilicet, quòd in vniuerso Iaponis regno neminem fore persuasum habebat, qui Patribus aliqua in re molestiam negotiumque facessere aut vellet aut auderet. Auditis tamen & (quæ est ingenij perspicacia) approbatis rationibus quæ ad id obtinendum nos induxissent, quod petebamus liberaliter indulsit. & quod in litteris desiderari videbatur ingeniosè suppluit. Nam cum in exemplari per Reginam oblato potestatem nobis fieri efflagitaremus, vt nemine reclamante in regnis suo imperio parentibus Dei Euāgelium omnibus annunciare permetteretur; locum istum sic correxit, se cùm Quabacundonus esset, æquali cū Duriano & autoritate & imperio, totius Iaponis Dominum esse, & propterea non (*In Regnis eius*) sed eius loco (*In vniuersa Iaponia*) substituendum monebat. Alterum quod cum stupore quodam omnes admirabantur, illud erat, Quòd bina litterarum apertarū (vulgus patētes appellat) exempla

plaria manu sua signauerit, quod multò inferioris gradus Principes nunquam facere consueuerunt, quò magis mirum Quabacundonum (quæ suprema imperij dignitas est) idipsum fecisse, hoc potissimum consilio, vt vno exemplari in Iaponia vteremur, alterum in Europam mittendum curaremus; quò omnibus etiam Christiani imperij Principibus innotescat, quanto veræ pietatis zelo Catholicæ religionis incrementum studeat promouere. Regina manu & sigillo Regis signata litterarum testimonia ad templum nostrum cõfestim deferenda curauit, qua ex re quanta lætitia & Patrum nostrorum, & Christianorum omnium animi (qui conscriptis statim litteris rumorem istum longè lateque diuulgauerunt) fuerint perfusi; nemo qui præsens non adfuisset, mente concipere, nedum verbis exprimere posset. asserentibus plerisque; tum Christianis tum infidelibus, Regis indulgentiam fide omnium esse maiorem. Qui tamen cum diplomata ipsum oculis intuerentur, sublati ad cælum manibus capiti id (de more) stupore & admiratione pleni imponebant. P. autem Viceprouincialis P. Organtino alijsque nonnullis comitantibus; gratias pro obtento priuilegio Regi acturus ad aulam properauit, quem maiori etiam familiaritate quam antea exceperat, producto inter ipsos ad tres horas de varijs rebus sermone. Cumque imminente cænæ tempore domum se recipere cogitarent eos retinuit, cœnamque regali planè luxu instruxit, dumque accubuissent, Regina duarum matronarum ministerio fercula quædã ad P. Viceprouincialem (qui tamen vultum eius nunquam adhuc

adhuc conspexerat) misit, cumque nomine suo saluari iussit, non minimam se voluptatem sensisse asserens, quod primæ ipsius petitioni cumulatè satisfecisset, paratam se in omnibus quæ deinceps ab ea postulaturus erat, offerens. Peracta iam tandem Vosacana visitatione Meacum contendit, ubi à Christianis qui diebus aliquot ipsius aduentum expectârant, & extra urbis mœnia obuiam processerant, honorificè fuit exceptus; ac primùm omnibus rebus posthabitis loci Proregem, deinde Quabacundoni nepotem, cui cum septuaginta milium virorum præsidio nouæ arcis Palatiorumque quæ (vti diximus) passim extruebantur cura demandata erat, salutaturus accessit. cui cum humanitatis officia omnia exhibuisset opinione citiùs discedenti edulia quædam lautiora eo ferè momento sibi è variis regni finibus aduecta obtulit. Instabant quidem apud P. Viceprouincialem Christiani, vt ad menses aliquot sua eos præsentia perfrui pateretur; sed quia urgentissima ipsum negotia aliò vocabant, viginti quatuor dierum moram petentibus ægrè indulxit. quibus peractis Vosacam denuo reuersus antequam Bungum versus iter conuerteret, die quodam festo sollemne sacrum celebrandum curauit. ad quod Christiani Meaco, Sacaia, Vomo, multisque aliis remotioribus ex locis magna frequentia gregatim accurrerunt, ac frequenti peccatorum expiatione corporisq; & sanguinis Christi communione, septingenti & amplius distincti sexus & conditionis homines diem istum concelebrârunt. Quo tempore Augustinus Yaquiado-

nus sub Quabacundono maris Praefectus, ac Fachirandoni Bigensis Regis quatuordecim annorum pueri, triumque regnorum Domini, & Quabacundoni adoptiui filij subditus tanto studio adlaborauerit, ut regnorum istorum Primates sacrae concioni interessent, utque trimestris spatio quo illic Viceprouincialis egit, plurimi ad sacras conciones confluerent, ac in fide Christiana fideliter edocti, per baptismalis ablutionis Sacramentum fidelium commercio aggregarentur. Inter quos duo fuerunt praecipui regni administratores, qui postquam Christianae institutionis principia percepissent, tantam ex ea delectationem conceperunt, ut oblata occasione ac opportunitate Christi fidelium cœtui & ipsi adiungi concupiscerent: dissimulanter tamen, quod Regis matrem Christianorum religioni infensam, & cultui Idolorum addictam nouissent. Hoc tamen apud Fachirandonum Regem effecerunt, ut priuilegiorum visis litteris à Quabacundono impetratis, alias eiusdem tenoris litteras P. Viceprouinciali traderet, quibus Quabacundoni exemplo eandem in regno suo diuini verbi diuulgandi auctoritatem se Patribus facere testaretur, ac diuinæ legis cultoribus in vrbe Vocaina totius regni Bigensis principe ciuitate, Ecclesias ac Collegia Patribus extruere permetteret, seque Christianorum rebus non defuturum non obscurè significaret. Quam certè occasionem cum Patrum eò ablegandorum dabitur opportunitas, non negligemus. Tum autem nihil maiori studio expetendum nobis putabamus, quàm ut in Regnum Manguccinorum  
acces-



accessus panderetur; in quo felicis memoriz P. ac Magister Franciscus & Cosmus Torres Evangelicæ veritatis fundamenta olim iecerant, cùm primùm in Iaponiam essent ingressi. Ob id scilicet, quodd malo Christianitatis fato, à Prouinciæ Regibus Principibusque conatus nostri semper fuissent infracti; adeò vt triginta & amplius annorum intermedio spacio, rarò quidem & nisi in transitu, istius tractus Christiani à P. Francisco Cabrallio in Meacum proficiscente visitarentur. Desiderium autem nostrum regnorum (quæ nouem erant numero) amplitudo augebat, ex quibus amplissimos catholicæ fidei fructus sperabamus. Cui rei insignem occasionem hoc anno præbuit Conderas Cambixoius, Christi fidem antotriennium professus, ac Quacabundoni in vrbe Vosaca nobilis ac illustris cliens, cuius singulari prudentia in seriis quæ cum Rege Amanguccinorum habebat, negotiis utebatur. qui cùm P. Viceprouincialem visendi causa subinde accederet, & non simulato cordis affectu omnem in propaganda religione cæterisque rebus quæ ad Dei cultum pertinebant, operam offerret; se breui cum Legati titulo ad Amanguccinorù Regem à Quabacundono ablegandum subindicauit: vnde arrepta occasione cum P. Viceprouincialis obnixè rogauit, vt à Rege Amanguccinorum gratiam veniamque impetraret, vt inter regni sui Christianos nostræ Societatis Patribus habitationem permitteret. quam prouinciam extremam diligentiam pollicitus libens in se recepit. tandemque profectus Deo Regis animum inclinante, litteras

ad P. Viceprouincialem, quibus libera in Aman-  
guccinorum prouincia habitatio Patribus conce-  
debatur, impetrauit. Sed antequam vltius in  
hoc argumento progrediar, res quædam memo-  
ratu digna exponenda occurrit, quæ in Acaxo cu-  
ius prouinciæ administratio Iusto Vcondono iam  
nuper obtigerat, accidit. Cùm enim Christianus  
hic Princeps susceptæ administrationis munus  
exequi primùm incepisset, non parua in ipso prin-  
cipio oborta fuit difficultas in extirpandis citra se-  
ditionis periculum idolorum (quæ in ista regione  
plurima erant) simulachris, cui difficultati diui-  
na prouidentia hoc quò sequitur modo occurrit.  
Cùm namque omnes Idolorum Sacerdotes hac  
de causa conuenissent, vt communicatis inter se  
sententiis quid circa hanc rem facto opus esset sa-  
gaci consilio dispicerent, in hoc omnes consen-  
serunt; Principem suum cuius imperio subiecti  
erant, contempto Deorum suorum cultu Chri-  
stianæ legis institutum sectari, eiusque ampliandæ  
miro studio teneri, sicuti recenti Tacaxuchio-  
rum exemplo erant edocti, cuius ditionis nobi-  
les omnes sublati de medio idolorum (quos Ca-  
mis & Fotoquis vocant) statuis, ad veri Dei noti-  
tiam perduxerat. ex quo pro explorato habebant,  
quod idipsum in Acaxo non obstantibus feruen-  
tissimis Sacerdotum precibus moliretur. Et quo-  
niam pari industria prosperis Christianorum suc-  
cessibus, Darius quoque Iusti pater fauebat; vni-  
cum hoc extremumque remedium tentandum  
esse statuerunt, vt omnibus idolorum sculptili-  
bus simulachris collectis nauique impositis, sup-  
plices

plices se coram Quabacundoni matre ac Regina vxore idolorum cultui plurimum adhuc tribuentibus sisterent; sperantes fore vt si ipsa vel apud Quabacundonum, vel Vcondonum intercedere fuissent dignatæ, res omnis sibi ex animi sententia succederet. Approbato itaque ab omnibus consilio, Sacerdotes vehentes secum exules Deos Volacam versus cursum direxerunt, ac mox facto libello supplice Quabacûdoni matrem ac Reginam vxorem adierunt; quæ propter Regis absentiam moram eos aliquam facere, ac de prospero negotij successu bene sperare iusserunt; effecturas se pollicentes, vt cùm à Regni Micantiæ expeditione victor reuerteretur, voti compotes facti recederent. Quo tandem reuerso, cùm Bonzorum aduentus causam studiosè mater ac Regina exposuissent; Rex qui nullam omnino fiduciam nullamque in vanissimis Diis spem reponendam esse vel naturalis iudicij lumine illustratus semper existimârat; vultu subirato respondit. Equidem Acaxensis prouinciæ administrationem Iusto Vcondono commisi, ad cuius functionem pertinet hac de re pro arbitrato suo, nullo mihi in eius imperio iure reseruato, statuere. Bunzi autem qui huc vanissimos Deos aduexerunt, eosdem si videbitur, vel humeris suis oneri subiectis efferrant, Teunusium arida ligna deferant, ac à nostra se quàm citissimè præsentia subducant. Iustus verò Vcondonus hac audita repulsa, ingenti lætitia exultans, omnipotenti Deo gratias quàm potuit humillimè egit. Priusquam P. Viceprouincialis **Sacaia** abcederet, **Augustinus Yacurandonus** ite-

ratis subinde precibus ab eo contenderat, ut ad Insulam quandam Quabacundoni liberalitate pro iusto seruitij exhibiti præmio, in Bigensi regno obtentam Patres quosdam mittendos curaret, nihil sibi magis in votis esse affirmans, quàm cum duabus extructis munitissimis arcibus Dominium Imperiumque stabiliuisset, omnes insulani extructis passim templis, sanctæque crucis trophæis erectis, ad sanioris fidei lucem pulsas infidelitatis tenebris se conuerterent; expeditam illam esse viam subindicans, ut in Bigense regnum Christi Euangelium aliquando transferretur. P. Viceprouincialis piis Catholici Principis votis annuendum ratus, P. Gregorium Cespudem cum fratre Ioanne Iaponensi eò ablegauit. Qui cum primùm ad veritatem Euangelicam audiendam Insulanos inuitarent, centum & eò amplius in prima concione auditores habuerunt, quorum media pars cum quæ à Patribus dicerentur mediocriter caperet, cæcitatem in qua ad illum usque diem vixerat execrari cœpit, subornatis nonnullis qui omnium nomine Bonzos adirent, & quæ à Patribus audierant ordine narrent, quæ si vera essent, nihil idolorum cultu vanius esse palam testarentur, orantes ut si quid profectæ suæ defensione in promptu haberent, id ipsum in medium proferrent. Ipsi autem obmutescentes nihil omnino responderunt, sed crassam ignorationem professi se imperata facturos, Christianamque doctrinam audituros, & si sana videretur, depulso gentilitatis errore Christi fidem amplexuros promittentes, neque id simulantes dice-

dicebant, nam eodem ferè tempore quinquaginta ex iis per Baptismi Sacramentum admissi, Christi fidelium numerum auxerunt. Cumque in catechistica institutione Patres constanter perseverarent, melioris spiritus suggestionem factum est, ut ante primi mensis lapsum mille & quadringenti in sacro Baptismatis fonte mergerentur, quibus ingentem crucem septem vlnarum longitudine Pater crexit, centum Neochristianis locum ubi erigenda erat feruenti in Christum religione preparantibus. Adhibuerunt præterea tantam in subvertendis Idolorum statuis diligentiam, ut in vniuersa Insula nullum quod in minuta frustra non dissecaretur, remanserit. Quo facto pulcherrium Ecclesiæ fabricandæ locum delegerunt, qui aureorum cytreamque malorum, & id genus aliis arbusculis vndique septus erat. Cum autem in quodam insulæ pago nonnulli Euangelicæ veritati aures occluderent, diuinæque legi pertinaciùs reluctarentur, diuina vindicta accidit, ut quidam ex iis spiritu maligno torqueri furiisque agi periculosè cœperit, quo viso cæteri rei nouitate perterriti festinantes, ac Baptismum pia deuotione expetentes ad Patres accurrerunt. quæ res multorum in fide seruanda constantiam non mediocriter adauxit.

Cum P. Viceprouincialis in insulam quandam cogitaret, à Noximandono torius Iaponiæ pirata famosissimo occupatam, qui in quodam munitissimo loco non paruum habebat bellicarum nauium numerum, quibus maris illius sinus omnes ita infestabat, ut omnes ferè qui littoralem pluri-

marum prouinciarum oram accolunt, potentiæ suæ metu tributum quò ab incurfionibus suorum liberentur, in singulos annos illi pendere cogantur: tantum Deo auspice apud Piratam effecit, vt liberam quocunque vellet nauigandi facultatem (saluum conductum vulgus appellat) & sibi & Patribus impetrauerit. Missum enim ab eo cum muneribus eius rei obtinendæ cautâ fratrem saceris necdum initiatum, tanta beneuolentiæ significatione Noximandonus excepit, vt tandem cum serico vexillo maiorum suorum insignibus ornato, quò nostros infestare volentibus ostenso, ab omni hostili impetu liberarentur, fratrem humaniter remisit.

Idem P. Viceprouincialis cùm ad regnum Yxo appulsus esset, dictu mirum quàm Regi Cobaicauandono gratus aduentus eius extiterit. A quo cùm commendatitias ad quendam cognationis ipsi iure deuinctum, plurimorumque regnorum Dynasten studiosius petiuisset; quibus Patribus nostris in Amanguccinorum finibus habitationem liberamque propagandi Euangelij, templaque erigendi potestatem impetraret; vtque Rex ipse quod Patris nomine à cognato petiturus erat in suo quoque regno fieri indulgenter permitteret: Dei singulari beneficio factum est, vt voti sui compos effectus recederet. At quoniam leuem aliquam diuinæ legis mentionem apud ipsum fecerat, pridie quàm nauem abiturus conscenderet, Scribam suum ad fratrem Damianum Iaponensem de nocte Rex misit, vt dubia quædam circa Christi legem, & Guenxianorum sectam  
quam

quam ipse sequebatur soluenda proponeret, satis apertè declarans quanta auiditate Christianam veritatem cognoscere gestiret, de qua nihil adhuc præterquàm quòd ex Patre Viceprouinciali obiter didicerat se audiuisse fatebatur. Et quia ex eo tempore longè aliam ac priùs de Christi religione opinionem imbibèrat, veram ac genuinam eius cognitionem ardentibus votis expectabat.

P. Viceprouincialis Yxo relicta, tertio postquam recesserat die in Bungum deuectus, ex ingentium Patrum nostrorum, tum reliquorum Christianorum exultatione ac consolatione, maximam voluptatem persensit. De Bungensis autem regni successibus nihil certi habemus cuius Reuerentiam vestram certiore faciamus, sed aliorum sermone ac litteris quid illic agatur propediem doceberis. Hoc tantum ad nostras aures pervenit, Regem recenter inauguratum plurimas easque munitissimas arces amisisse, sæpeque cum inimicis congressum aduerso Marte conflixisse, ac tandem Quabacundoni Tenzè Domini patrocínio se suaque omnia commisisse; ipsumque Quabacundonum auxiliares illi copias contra Saxumanos hostes promisisse, eiusque nomine bellum ipsis denunciaſſe, ac donec exercitus terra marique instrueretur, præſidiarium militem ad Tacchibanam arcem quâ in Bungum aditus patet missum esse. ac circa eam triginta hominum millia in armis iam tum excubare. Eosque tamen quòd propter nimiam vastitatem arx custoditu difficilis esset, in quam ex omni parte hostes impetu facto pos-



marum prouinciarum oram accolunt, potentia suæ metu tributum quò ab incurfionibus suorum liberentur, in singulos annos illi pendere cogantur: tantum Deo auspice apud Piratam effecit, vt liberam quocunque veller nauigandi facultatem (saluum conductum vulgus appellat) & sibi & Patribus impetrauerit. Missum enim ab eo cum muneribus eius rei obtinendæ causâ fratrem saceris necdum initiatum, tanta beneuolentiæ significatione Noximandonus excepit, vt tandem cum serico vexillo maiorum suorum insignibus ornato, quò nostros infestare volentibus ostenso, ab omni hostili impetu liberarentur, fratrem humaniter remisit.

Idem P. Viceprouincialis cùm ad regnum Yxo appulsus esset, dictu mirum quàm Regi Cobaicauandono gratus aduentus eius extiterit. A quo cùm commendatitias ad quendam cognationis ipsi iure deuinctum, plurimorumque regnorum Dynasten studiosius petiuisset; quibus Patribus nostris in Amanguccinorum finibus habitationem liberamque propagandi Euangelij, templaque erigendi potestatem impetraret; vtque Rex ipse quod Patris nomine à cognato petiturus erat in suo quoque regno fieri indulgenter permitteret: Dei singulari beneficio factum est, vt voti sui compos effectus recederet. At quoniam leuem aliquam diuinæ legis mentionem apud ipsum fecerat, pridie quàm nauem abiturus conscenderet, Scribam suum ad fratrem Damianum Iaponensem de nocte Rex misit, vt dubia quædam circa Christi legem, & Guenxianorum sectam  
quam

quam ipse sequebatur soluenda proponeret, satis apertè declarans quanta auuiditate Christianam veritatem cognoscere gestiret, de qua nihil adhuc præterquàm quòd ex Patre Viceprouinciali obiter didicerat se audiuisse fatebatur: Et quia ex eo tempore longè aliam ac priùs de Christi religione opinionem imbiberat, veram ac genuinam eius cognitionem ardentibus votis expectabat.

P. Viceprouincialis Yxo relicta, tertio postquam recesserat die in Bungum deuectus, ex ingentium Patrum nostrorum, tum reliquorum Christianorum exultatione ac consolatione, maximam voluptatem persensit. De Bungensis autem regni successibus nihil certi habemus cuius Reuerentiam vestram certiore faciamus, sed aliorum sermone ac litteris quid illic agatur propediem doceberis. Hoc tantum ad nostras aures peruenit, Regem recenter inauguratum plurimas easque munitissimas arces amisisse, sæpeque cum inimicis congressum aduerso Marte conflixisse, ac tandem Quabacundoni Tenze Domini patrocínio se suaque omnia commisisse; ipsumque Quabacundonum auxiliares illi copias contra Saxumanos hostes promisisse, eiusque nomine bellum ipsis denunciaſſe, ac donec exercitus terra marique instrueretur, præſidiarium militem ad Tacchibanam arcem quâ in Bungum aditus patet miſſum eſſe. ac circa eam triginta hominum millia in armis iam tum excubare. Eosque tamen quòd propter nimiam vastitatem arx custoditu difficilis eſſet, in quam ex omni parte hostes impetu facto pos-

possint intrinsecus, extra metum periculumq; non  
esse putarent quod rem haberent cum hoste rei  
militum, non minus perito quàm audace ac in-  
terpente. Scitantes verò qui arcem obsidione  
perierat militum viginti milium peditum  
quatuorcentis equitibus.

Regem manifestis benigno in Christianos ani-  
mo esse videtur, adeo ut extra spem non simus  
omnes in Christianam fidem veritatem aliquan-  
do convertentur, ut quo tunc tanto nobis maio-  
re erunt adiutorium, quanto ipsa cultui  
Sacrosancti beatorum Patris Dei qui per vni-  
versam hanc uniuersam veneratione colitur, ac  
ut quæ ipsa patrum gens refert, est addictior.  
Hanc enim capere temporis opportunitate, regia  
superioris pacis Maritima cum socore Reginae  
fuit invenitur ingratum, ut P. Viceprovincialis  
procurator non apertum, se excusari passa est,  
accedens in hoc munus concessum videtur  
venerabili more multum eam delectare & quo  
venerabili more, merito cum honore ac be-  
nevolentia in regem aulam admisit, & missis  
policia ministerium in illam animi affectum  
superioris fuit. Ad id potenter humanæ indu-  
lentiæ deus Dei donatus supplet. In Regina  
autem in hoc ordinis ministris exceptis, sexa-  
ginta octo homines Christiani erant, quarum  
multum Regem proli Maritima famulabatur,  
quæ tunc Regem ad tam inueterato Christia-  
no erga Christianos prosequi solet, ut si quando  
quodam ex ministris occurrisset ad Deiparæ  
regem deus fuit (ut vulgata voce libe-  
rius

rius vtar) manu tenens, id ipsi de manibus toller-  
ret, ac regalis oblita dignitatis in ignem indigna-  
bunda proijceret: Nunc autem mutato in melius  
consilio; & rosario liberius vti, & piarum precum  
pensum virgini matri persolvere omnibus per-  
mittit, quas vt ex Christianæ legis præscripto festis  
diebus sacro Missæ officio intersint vltro sæpe co-  
hortatur.

Cicamorus Frãcis Regis, cui Pantaleoni no-  
mẽ est, filius, à Cicacata Meoquez temporali do-  
mino adoptatus, superiori anno in fide suscepta  
nonnihil vacillare visus, nunc superata tentatione  
in ea ad omnium admirationem constanter pro-  
greditur, ad quam præcipuos quosque Domini  
sui proceres inuitat, quos vt magis exemplo suo  
pelliciat, peccata cum largo lachrymarum imbre  
sæpe confitetur, ac nuper etiam vtroque poplite  
flexo cereum accensum manu tenens rem diui-  
nam reuerenter audiuit.

Bello contra Saxumanos, cùm plurimi Prin-  
ceps, inter quos Amanguccinorum Prorex etiam  
erat, conuenissent: P. Viceprouincialis oblatam  
occasionem neutiquam contẽnendam ratus cùm  
Proregem salutandi causa adijsser; litteras obtri-  
nuit quibus Amanguccini regni Gubernatoribus  
imperabat, vt P. Christophorum Morieram qui  
ad eos Viceprouincialis mandato suoque permis-  
su mittebatur, patrocínio suo ac studio quibus-  
cunque rebus possent, iuuarent. Atque ita factum  
est vt Christiani Amanguccinæ ciuitatis deposito  
metu Patri obuiam profecti, eum festiuis accla-  
mationibus in urbem adduxerint: in qua cum  
maxi-

maximo fidei nostræ incremento hodie, etiam commoratur.

Erat autem Amāgucci Christianus quidam tenuioris fortunæ quidem vir, sed ætate maturiore & ingenij dexteritate venerandus. Is cum fortè fasce lignorum onustus è sylua rediret, paganos Deo cuidam suo sacrificantes offendit, quorum cæcitatem propiùs accedès cum acriter coarguisset, non futilibus rationibus ostendit maximè insipientiæ argumentum esse, veri Dei cæli & terræ conditoris cultu relicto, sculptilibus diuinos honores exhibere, à quibus salus nulla erat cuiquam expectanda, quod si sublata erroris nebula clarius intelligere vellent; se pro ingenij modulo melioris concionatoris negata præsentia, quod spiritus melior suggereret docturum promittebat. Placuit gentilibus senis grandæui oratio, & auribus ad audiendum paratis viri numero penè ducenti circumsteterunt, tantaque attentione quæ proferrebat exceperunt, ut eum donec plenius quæ ad Christi fidem pertinerent, percepissent, à se discedere non paterentur, quorum precibus annuendum ratus, donec lustrali vnda omnes expiati essent cum ijs permansit. Cumque eundem paucorum dierum interposita mora reuocassent, sciscitaturi quid pagi Domino qui capitis indicta pœna susceptam recenter fidem abiurare eos iubebat responderent: Senex vultu ad lenitatem composito, Ignoro equidem (inquit) an pro Christi fidei professione vitam profundere mereamini; Quare si videbitur hoc modo Domini vestri mandato occurrere, Vos tamen Christum pro-

professi sitis, ab eius cuius dominio subditi estis mandato ne latum vnguem recessuros, in ijs potissimum quæ ad politicen & ciuilem vitæ rationem non autem quæ ad animæ salutem propriè pertinent, in quam nihil ille iuris nihil imperij habet. Quamobrem cùm nobis docentibus quis verus Deus mundi creator, humanique generis redemptor existat probè perceperitis; illum solum colite ac etiam cum præsentis vitæ periculo adore. Placuit consilium; neque tamen asperius quicquam in eos Tyrannus statuit.

Anno reparatæ salutis 1586. terra tam terribili concussione tremuit, vt post hominum memoriam tali motu Iaponia non fuerit vnquam concussa. A Sacaia enim prouincia ad Meacum vsque quadraginta dierum continuo motu terra contremuit. In ipsa autem vrbe Sacaia sexaginta ædes collapsæ sunt. Nagafamæ, quod est in regno Vomi mille ædium numero celebre municipium, terra hiatu facto mediam ædium partem absorbuit, reliquas voraci flamma incēdium vastauit. In Meaco ingens idolorum templum & domus præterea aliquot conciderunt. In ditio-  
ne Vocaza locus erat à mercatoribus multum frequentatus (Nagafamam etiam incolæ vocant) qui cum diebus aliquot horrendo tremore fuisset concussus, à mari vicino fuit absumptus, cùm enim solito magis intumuisset, ingens fluctus domos percutiens prostrauit, & quicquid attigisset recedens abstulit, ac in profundum submersis habitatoribus pertraxit; sola arcis superficie spuma  
maris

maris operta relicta. In regno Mino arx erat munitissima in montis cacumine posita, quæ cum graniore motu diu multumque fuisset concussa, tandem aperta terra ab hominum conspectu ita evanuit; ut eius nullum deinceps vestigium (lacu arcis fundamenti locum occupante) apparuerit. Simile quid in prouincia Ixeia accidit, & ut semel dicam, tam horrendi passim hiatus apparuerunt, ut pila ferrea sclopeto missa ad alteram voraginis extremitatem non pertingeret, ex quibus tantus fœtor ascendebat, ut iter illac facere viatores non possent. Sub initium horum motuum Quabacundonus Sacomoti in arce Achecina agebat, sed terrore perculsus per dispositos equos Vosacam maioris securitatis causa reuersus fuit, cuius palatia etsi violento impetu concuterentur non tamen corruerunt. Hæc sunt quæ circa P. Viceprouincialis navigationem narratu digna occurrerunt. De ijs quæ in Ximo, Bungo, & Meacogeruntur, annuis PP. nostrorum litteris prolixè docebitur R. V. cuius pijs precibus ac sacrificijs Deo nos iugiter commendari expetimus. Ex regno Nago-ti, ac portu Ximonechij.

*Aliud exemplar litterarum P. Petri Gomes Resol-  
utus primarij Collegiorum quæ sunt in Bungi regno,  
ad R. P. Prouincialem ex vrbis Vsuqua sexto  
nonas Octobris. 1586.*

**I**gnoro equidem R. Pater qua alia grati animi  
significatione istum propagandæ religionis  
feruorem prodam, quò me litteris tuis fer-  
uentissimè scriptis accendi subinde sentio, quàm  
si fer-



si feruorem istum prouocâtes occasiones quæ hic  
occurrunt plurimæ litteris fuero complexus, qui-  
bus excitata R. T. reditum huc maturet, vt præ-  
sentia sua ac fidei nostræ augendæ zelo Iaponiam  
vniuersam inflammet. De rebus quæ in Meaco  
ac Ximo geruntur, attingam planè nihil, Patri-  
bus nostris, quibus prouinciæ istæ obrigerunt,  
munus istud relinquens. Ea tantùm prosequar  
quæ in Bungo, cui prouinciæ me præfecisti, quo-  
tidie offeruntur. quod (vt opinor) ita succedet  
commodissimè, si ab impedimentis quæ Chri-  
stianismi progressui ab infidele nostrisque rebus  
parùm fauente regni Principe indies iniiciuntur,  
litterarum exordium sumpsero. Ex eo enim quòd  
ipse Christi legem pertinaciùs auersatur, cæteros  
regni proceres sui similes esse exoptat, qui ob id  
difficiliùs ad veritatis lumen adducuntur: quod  
certè non minimum est pij nostri instituti impe-  
dimentum. At Deus Opt. Max. salutari quodam  
salutis animarum amore ita hominum corda di-  
rigit, vt quantò magis impij Regis duritiâ à susci-  
pienda fide nostra retinentur, tantò impensius ad  
eam amplectendam Regis Francisci pietate ac-  
cendantur. Adeò vt verè affirmare aulam, paucis  
exceptis qui sensu non ratione ducuntur, omnes  
regni incolas ad fidei Catholicæ susceptionem  
esse procliuēs. Atq; ita paulatim amplissima pro-  
uincia ad Euangelicam veritatem pellicitur. Præ-  
cedenti siquidem anno octuagesimo quinto, duo-  
decim millium animarum accessio ad Christi fi-  
delium gregem facta fuit. Hoc autem qui nunc  
vertitur anno octuagesimo sexto, trium millium

numerus exceditur. Postquam vero belli tempestas hæc sæuire desinet, nihil impedimento futurum speramus, quò minus sexaginta aut septuaginta hominum millia Ecclesiæ Christi adiciantur. Nicandonus enim qui (vix Reuerentiæ tuæ probè constat) inter præcipuos Bungi Principes facilè primatum obtinet, & postquam Christo nomen dedisset, D. Paulus mutato gentilitatis nomine vocari cœpit, quadraginta hominū millia suo imperio subdita coerceat, quorum septem aut octo millia Christianorum cœui adiuncti iam sunt, cæteris nihil avidius expectantibus quàm ut ipsi etiam reliquis associantur. Quam cùm ego rem nuper mecum diligentius ponderarem, antequam Superiorum iussu aliquis ex nostris firmitum illic habitaculum fixisset Patrē Ramonem conscientia stimulante monui, ut eò se infantulos saltem baptizaturus conferret: quod cùm is nihil reluctatus fecisset, decem dierum decursu mille ducentis animis Ecclesiam adauxit.

Cicamorus Bungi regis minor natu filius, qui sub Pantaleonis nomine hodiè celebratur, Mix provinciae sibi à patre concessæ administrationem suscepit, eiusque primores omnes ad Christi religionem colendam pellexit, firma spe subnixus, ut vniuersa provincia cuius incolarum numerus est penè infinitus, Christi iugo se libens submittat.

Duo isti Principes Patrum duorum subsidium à me postulârunt, quorum opera & ipsi in fidei arcanis magis magisque indies proficerent, ac regnorum suorum incolæ ad eam arripiendam facilius

cilius conuerterentur, quam quidem ob rem v-  
triusque tutelæ Patrem vnum ac fratrem com-  
misi.

Sucumana prouincia Regis senioris Francisci  
Christum tota agnoscit, ac in fidei confirmatione  
Patris Lagunæ ac fratris Pauli opera vititur.

Iesebella Principis mater, quam probè te no-  
uisse scio, tantùm de cordis duritie ac obstinatio-  
ne remisit, vt cùm filiam domi relicto rosario æ-  
dem aliquando sacram adiisse animaduertisset; id  
ipsi per famulam deferendum curârit, quò debi-  
tum Diuæ Virgini piarum precum pensum per-  
solueret. Huius filiam minorem nubilem virgi-  
nem cùm baptismali aqua nuper expiassem, ac à  
matre aliquid lanæ subtilioris, cui sacras quas-  
dam reliquias inuolueret, peteret; Regina mater  
recentem illi dari ob pium vsum præcepit. Quin  
& cubiculum filiæ aliquando imagines inspectu-  
ra ingreditur, & quorum Diuorum effigies sint  
curiosè sciscitatur. quam cùm ego & Pater Vice-  
prouincialis officij causa adissemus, vix ab ea po-  
tuimus diuelli. Altera filiarum non procul abest  
à fidei lumine. cùm enim morbo correpta gra-  
uius nuper laboraret; gentilitias superstitiones  
cum abominatione quadam respuit, ac nisi Prin-  
cipis fratris metu idipsum differret, fidelibus se  
abrupta longiore mora adiungeret. Matris autem  
pedissequæ non paucæ Deo nostro in fidei vnitatem  
seruiunt, quas festis Dominicisque diebus ab o-  
pere omni abstinere, ex Ecclesiæ mandato Regina  
iubet.

In vrbe Nocia Christianismus mirum in mo-  
dum

marum prouinciarum oram accolunt, potentia suæ metu tributum quò ab incurfionibus suorum liberentur, in singulos annos illi pendere cogantur: tantum Deo auspice apud Piratam effecit, vt liberam quocunque vellet nauigandi facultatem (saluum conductum vulgus appellat) & sibi & Patribus impetrauerit. Missum enim ab eo cum muneribus eius rei obtinendæ causa fratrem saceris necdum initiatum, tanta beneuolentiæ significatione Noximandonus excepit, vt tandem cum serico vexillo maiorum suorum insignibus ornato, quò nostros infestare volentibus ostenso, ab omni hostili impetu liberarentur, fratrem humaniter remiserit.

Idem P. Viceprouincialis cum ad regnum Yxo appulsus esset, dictu mirum quàm Regi Cobaicauandono gratus aduentus eius extiterit. A quo cum commendatitias ad quendam cognationis ipsi iure deuinctum, plurimorumque regnorum Dynasten studiosius petiuisset; quibus Patribus nostris in Amanguccinorum finibus habitationem liberamque propagandi Euangelij, templaque erigendi potestatem impetraret; vtque Rex ipse quod Patris nomine à cognato petiturus erat in suo quoque regno fieri indulgenter permitteret: Dei singulari beneficio factum est, vt voti sui compos effectus recederet. At quoniam leuem aliquam diuinæ legis mentionem apud ipsum fecerat, pridie quàm nauem abiturus conscenderet, Scribam suum ad fratrem Damianum Iaponensem de nocte Rex misit, vt dubia quædam circa Christi legem, & Guenxianorum sectam quam

quam ipse sequebatur soluenda proponeret, satis apertè declarans quanta aueritate Christianam veritatem cognoscere gestiret, de qua nihil adhuc præterquàm quòd ex Patre Viceprouinciali obiter didicerat se audiuisse fatebatur. Et quia ex eo tempore longè aliam ac priùs de Christi religione opinionem imbiberat, veram ac genuinam eius cognitionem ardentibus votis expectabat.

P. Viceprouincialis Yxo relicta, tertio postquam recesserat die in Bungum deuectus, ex ingentium Patrum nostrorum, tum reliquorum Christianorum exultatione ac consolatione, maximam voluptatem persensit. De Bungensis autem regni successibus nihil certi habemus cuius Reuerentiam vestram certiore faciamus, sed aliorum sermone ac litteris quid illic agatur propediem doceberis. Hoc tantum ad nostras aures peruenit, Regem recenter inauguratum plurimas easque munitissimas arces amisisse, sæpeque cum inimicis congressum aduerso Marte conflixisse, ac tandem Quabacundoni Tenze Domini patrocínio se suaque omnia commisisse; ipsumque Quabacundonum auxiliares illi copias contra Saxumanos hostes promisisse, eiusque nomine bellum ipsis denunciaſſe, ac donec exercitus terra marique instrueretur, præſidiarium militem ad Tacchibanam arcem quâ in Bungum aditus patet missum esse. ac circa eam triginta hominum millia in armis iam tum excubare. Eosque tamen quòd propter nimiam vastitatem arx custoditu difficilis esset, in quam ex omni parte hostes impetu facto pos-

rius vtar) manu tenens, id ipsi de manibus toller, ac regalis oblita dignitatis in ignem indignabunda projiceret: Nunc autem mutato in melius consilio; & rosario liberius vti, & piarum precum pensum virgini matri persolvere omnibus permittit, quas vt ex Christianæ legis præscripto festis diebus sacro Missæ officio intersint vltro sæpe cohortatur.

Cicamorus Fráncisci Regis, cui Pantaleoni nómē est, filius, à Cicacata Meoquez temporali domino adoptatus, superiori anno in fide suscepta nonnihil vacillare visus, nunc superata tentatione in ea ad omnium admirationem constanter progreditur, ad quam præcipuos quosque Domini sui proceres inuitat, quos vt magis exemplo suo pelliciat, peccata cum largo lachrymarum imbre sæpe confitetur, ac nuper etiam vtroque poplite flexo cereum accensum manu tenens rem diuinam reuerenter audiuit.

Bello contra Saxumanos, cū plurimi Princeps, inter quos Amanguccinorum Prorex etiam erat, conuenissent: P. Viceprouincialis oblatam occasionem neutiquam contēnendam ratus cū Proregem salutandi causa adijsser; litteras obtinuit quibus Amanguccini regni Gubernatoribus imperabat, vt P. Christophorum Morieram qui ad eos Viceprouincialis mandato suoque permissu mittebatur, patrocínio suo ac studio quibuscunque rebus possent, iuuarent. Atque ita factum est vt Christiani Amanguccinæ ciuitatis deposito metu Patri obuiam profecti, eum festiuis acclamationibus in urbem adduxerint: in qua cum  
maxi-

maximo fidei nostræ incremento hodie etiam commoratur.

Erat autem Amāgucci Christianus quidam tenuioris fortunæ quidem vir, sed ætate maturiore & ingenij dexteritate venerandus. Is cū forte fasce lignorum onustus è sylua rediret, paganos Deo cuidam suo sacrificantes offendit, quorum cæcitatem propiùs accedēs cū acriter coarguisset, non futilibus rationibus ostendit maximè insipientiæ argumentum esse, veri Dei cæli & terræ conditoris cultu relicto, sculptilibus diuinos honores exhibere, à quibus salus nulla erat cuiquam expectanda, quod si sublata erroris nebula clarius intelligere vellent; se pro ingenij modulo melioris concionatoris negata præsentia, quod spiritus melior suggereret docturum promittebat. Placuit gentilibus senis grandæui oratio, & auribus ad audiendum paratis viri numero penè ducenti circumsteterunt, tantaque attentione quæ proferbat exceperunt, vt eum donec plenius quæ ad Christi fidem pertinerent, percepissent, à se discedere non paterentur, quorum precibus annuendum ratus, donec lustrali vnda omnes expiati essent cum ijs permanfit. Cumque eundem paucorum dierum interposita mora reuocassent, sciscitaturi quid pagi Domino qui capitis indicta pœna susceptam recenter fidem abiurare eos iubebat responderent: Senex vultu ad lenitatem composito, Ignoro equidem (inquit) an pro Christi fidei professione vitam profundere mereamini; Quarè si videbitur hoc modo Domini vestri mandato occurrere, Vos tametsi Christum pro-



professi sitis, ab eius cuius dominio subditi estis mandato ne latum vnguem recessuros, in ijs potissimum quæ ad politice & civilem vitæ rationem non autem quæ ad animæ salutem propriè pertinent, in quam nihil ille iuris nihil imperij habet. Quamobrem cum nobis docentibus quis verus Deus mundi creator, humanique generis redemptor existat probè perceperitis; illum solum colite ac etiam cum præsentis vitæ periculo adore. Placuit consilium; neque tamen asperius quicquam in eos Tyrannus statuit.

Anno reparatæ salutis 1586. terra tam terribili concussione tremuit, vt post hominum memoriam tali motu Iaponia non fuerit vnquam concussa. A Sacaiæ enim prouincia ad Meacum vsque quadraginta dierum continuo motu terra contremuit. In ipsa autem vrbe Sacaiæ sexaginta ædes collapsæ sunt. Nagafamæ, quod est in regno Vomi mille ædium numero celebre municipium, terra hiatu facto mediam ædium partem absorbuit, reliquas voraci flamma incēdium vastauit. In Meaco ingens idolorum templum & domus præterea aliquot conciderunt. In ditio-  
ne Vocaza locus erat à mercatoribus multum frequentatus (Nagafamam etiam incolæ vocant) qui cum diebus aliquot horrendo tremore fuisset concussus, à mari vicino fuit absumptus, cum enim solito magis intumuisset, ingens fluctus domos percutiens prostrauit, & quicquid attigisset recedens abstulit, ac in profundum submersis habitatoribus pertraxit; solâ arcis superficie spuma  
matis

maris operta relicta. In regno Mino arx erat munissima in montis cacumine posita, quæ cum grauiore motu diu multumque fuisset concussa, tandem aperta terra ab hominum conspectu ita euauit; vt eius nullum deinceps vestigium (lacu arcis fundamenti locum occupante) apparuerit. Simile quid in prouincia Ixeia accidit, & vt semel dicam, tam horrendi passim hiatus apparuerunt, vt pila ferrea sclopeto missa ad alteram voraginis extremitatem non pettingeret, ex quibus tantus fœtor ascendebat, vt iter illac facere viatores non possent. Sub initium horum motuû Quabacundonus Sacomoti in arce Achecina agebat, sed terrore perculsus per dispositos equos Vosacam maioris securitatis causa reuersus fuit, cuius palatia etsi violento impetu concuterentur non tamen corruerunt. Hæc sunt quæ circa P. Viceprouincialis nauigationem narratu digna occurrerunt. De ijs quæ in Ximo, Bungo, & Meacogeruntur, annuis PP. nostrorum litteris prolixè docebitur R. V. cuius pijs precibus ac sacrificijs Deo nos iugiter commendari expetimus. Ex regno Nagotti, ac portu Ximonechij.

*Aliud exemplar litterarum P. Petri Gomes Recto-  
ru primarij Collegiorû quæ sunt in Bungi regno,  
ad R. P. Prouincialem ex urbe Usuqua sexto  
nonas Octobris. 1586.*

**I**gnoro equidem R. Pater qua alia grati animi  
significatione istum propagandæ religionis  
feruorem prodam, quô me litteris tuis fer-  
uentissimè scriptis accendi subinde sentio, quàm  
si fer-

si feruorem istum prouocâtes occasiones quæ hic  
occurrunt plurimæ litteris fuero complexus, qui-  
bus excitata R. T. reditum huc maturet, vt præ-  
sentia sua ac fidei nostræ augendæ zelo Iaponiam  
vniuersam inflammet. De rebus quæ in Meaco  
ac Ximo geruntur, attingam planè nihil, Patri-  
bus nostris, quibus prouinciæ istæ obrigerunt,  
munus istud relinquens. Ea tantùm prosequar  
quæ in Bungo, cui prouinciæ me præfecisti, quo-  
tidie offeruntur. quod (vt opinor) ita succedet  
commodissimè, si ab impedimentis quæ Chri-  
stianismi progressui ab infidele nostrisque rebus  
parùm fauente regni Principe indies iniiciuntur,  
litterarum exordium sumpsero. Ex eo enim quòd  
ipse Christi legem pertinaciùs auersatur, cæteros  
regni proceres sui similes esse exoptat, qui ob id  
difficiliùs ad veritatis lumen adducuntur: quod  
certè non minimum est pij nostri instituti impe-  
dimentum. At Deus Opt. Max. salutari quodam  
salutis animarum amore ita hominum corda di-  
rigit, vt quantò magis impij Regis duritiâ à susci-  
pienda fide nostra retinentur, tantò impensius ad  
eam amplectendam Regis Francisci pietate ac-  
cendantur. Adeò vt verè affirmare auserim, paucis  
exceptis qui sensu non ratione ducuntur, omnes  
regni incolas ad fidei Catholicæ susceptionem  
esse procliuēs. Atq; ita paulatim amplissima pro-  
uincia ad Euangelicam veritatem pellicitur. Præ-  
cedenti siquidem anno octuagesimo quinto, duo-  
decim millium animarum accessio ad Christi fi-  
delium gregem facta fuit. Hoc autem qui nunc  
vertitur anno octuagesimo sexto, trium millium

numerus exceditur. Postquam vero belli tempestas hæc sæuire desinet, nihil impedimento futurum speramus, quò minus sexaginta aut septuaginta hominum millia Ecclesiæ Christi adijciantur. Nicandonus enim qui (vix Reuerentiæ tuæ probè constat) inter præcipuos Bungi Principes facile primatum obtinet, & postquam Christo nomen dedisset, D. Paulus mutato gentilitatis nomine vocari cœpit, quadraginta hominū millia suo imperio subdita coerceat, quorum septem aut octo millia Christianorum cœui adiuncti iam sunt, cæteris nihil avidius expectantibus quàm ut ipsi etiam reliquis associantur. Quam cum ego rem nuper mecum diligentius ponderarem, antequam Superiorum iussu aliquis ex nostris firmum illic habitaculum fixisset Patrē Ramonem conscientia stimulante monui, ut eò se infantulos saltem baptizaturus conferret: quod cum is nihil reluctatus fecisset, decem dierum decursu mille ducentis animis Ecclesiam adauxit.

Cicamorus Bungi regis minor natu filius, qui sub Pantaleonis nomine hodiè celebratur, Miæ provinciæ sibi à patre concessæ administrationem suscepit, eiusque primores omnes ad Christi religionem colendam pellexit, firma spe subnixus, ut vniuersa provincia cuius incolarum numerus est penè infinitus, Christi iugo se libens submittat.

Duo isti Principes Patrum duorum subsidium à me postulârunt, quorum opera & ipsi in fidei arcanis magis magisque indies proficerent, ac regnorum suorum incolæ ad eam arripiendam facilius

cilius conuerterentur, quam quidem ob rem v-  
triusque tutelæ Patrem vnum ac fratrem com-  
misi.

Sucumana prouincia Regis senioris Francisci  
Christum tota agnoscit, ac in fidei confirmatione  
Patris Lagunæ ac fratris Pauli opera vititur.

Iesebella Principis mater, quam probè te no-  
uisse scio, tantùm de cordis duritie ac obstinatio-  
ne remisit, vt cùm filiam domi relicto rosario æ-  
dem aliquando sacram adiisse animaduertisset; id  
ipsi per famulam deferendum curârit, quò debi-  
tum Diuæ Virgini piarum precum pensum per-  
solueret. Huius filiam minorem nubilem virgi-  
nem cùm baptismali aqua nuper expiassem, ac à  
matre aliquid lanæ subtilioris, cui sacras quas-  
dam reliquias inuolueret, peteret; Regina mater  
recentem illi dari ob pium vsum præcepit. Quin  
& cubiculum filiæ aliquando imagines inspectu-  
ra ingreditur, & quorum Diuorum effigies sint  
curiosè sciscitatur. quam cùm ego & Pater Vice-  
prouincialis officij causa adissemus, vix ab ea po-  
tuimus diuelli. Altera filiarum non procul abest  
à fidei lumine. cùm enim morbo correpta gra-  
uius nuper laboraret; gentilitias superstitiones  
cum abominatione quadam respuit, ac nisi Prin-  
cipis fratris metu idipsum differret, fidelibus se  
abrupta longiore mora adiungeret. Matris autem  
pedissequæ non paucæ Deo nostro in fidei vnitatem  
seruiunt, quas festis Dominicisque diebus ab o-  
pere omni abstinere, ex Ecclesiæ mandato Regina  
iubet.

In vrbe Nocia Christianismus mirum in mo-  
dum

dum accreuit, in qua animarum multitudo ad septem vel octo millium numerum exurget. Exstructa ibi visitur ecclesia Vsucanæ ecclesiæ magnitudine ac pulchritudine non absimilis: ciues verò non secus ac auium pulli hiant ore Patrem qui verbi diuini pabulum ministret, expectant. Oppidum Quiora gentilitatem omnino exuit: Ciorandonus enim & Agateona ad Christum cōuersi, subditos omnes tanti beneficii voluerunt esse participes. Et quòd melioris sexus prolem nullam ex vxore suscepisset: Domini Pauli fratrem adoptionis iure in filij locum sumpserunt, quem antequam impedimenti quicquam offerretur, sacro fontis liquore sub Petri nomine tingendum curauit. adeò vt iam Dominum Paulum & Petrum serenissimos fratres Bungi Connexos (non infimæ dignitatis is titulus est) ac Christianos habeamus.

In Tacata ditione Christiana frequentia, si rectè auguror, quadraginta millium numerum superabit.

Ozaiam urbem prudens prætereo, in qua vno ex Principibus excepto reliqua multitudo sub crucis trophæo Christianæ militiæ nomen dedit. Crucis porrò signaculum triumphalis trophæi instar tam multis locis erectum conspicitur, vt viatores qui feruentiore deuotione flagrant pluuia lutoque pietatem nil remorante, ex equo descendere orandi causâ non rarò cogantur.

In oppido Yu, cui R. T. P. Consaluum Rebelum qui illic adhuc cōmoratur præfecerat, Christianitas maximum indies accipit incrementum. Nam

Nam sacram ædem Vſucano templo non abſimilem extruendam curârunt, ligna omnia ad ſtructuram neceſſaria Chriſtianis per eleëmofynam (vti ex Patris Gonſalui litteris accepi) ſubminiſtrantibus.

Cicoges omnes Bungi Principes opibus & dignitate præcedens à recta ſalutis via non procul aberrat: nam de errore gentilitio excutiendo frequenter inter ipſum & Regem patrem per litteras & legationes agitur. Cuius pias cogitationes (vti propemodum futurum ſperamus) ſi Deus pro immenſa miſericordia ſua promouerit; parum aberit quin vniuerſum Bungi regnum ſub Catholicæ Eccleſiæ alis cõquieſcat. Adoleſcens quidam annos natus plus minùs vndecim Conuexi hoc eſt primæ notæ ac dignitatis Principis filius. Icimanda nomine, flagranti deſiderio ad Chriſti fidem aſpirat. Qui cum ſe Crucis imaginem ſecretò habere conſeſſus eſſet, aliquodque à me Chriſtiano homine dignum mnemofynum poſceret, ei gratificandi cauſa maſupium ſeu burſam ſericam I E S V nomine intexto inſignem dono dedi.

Catechumenorum frequens copia nunquam deeſt, in eoque exercitio tres Societatis noſtrę fratres continuò occupantur D. Pauli Cicamori ſubditos in Chriſtianæ legis præceptis inſtituentes; qui cum ad aliam quandã imperio ſuo ſubiectam urbem proficiſcetur, alios ſecum fratres adducet, quos niſi ex Funayenſi Collegio deligerem, eorumque opera in hiſce prouincijs yterer, equidem tanto oneri ſuccûberem. Quo non obſtante



Pater Viceprouincialis fratris Pantaleonis subfidium mihi nuper subtraxit, qui inter operarios quibus in Christianitatis vindemia vtor, nulli diligentia ac feruore cedebat: quod quia maioris allicuius commodi causa ab eo factum est, patienter mihi ferendum existimo.

R. P. Equidem in hac Iaponia tanta animi delectatione perfruor, vt si quam triginta ferè annis peregrinationem ardentibus votis expetiui, diutius multo experiuisssem, diuturni desiderij nunquam me pœniteret. Quare vt de obtento beneficio misericordis Dei bonitati gratias meo nomine quàm maximas reddas, paternitatem tuam iterum atque iterum oro, ac obtestor. Nam etsi linguæ peritiam adhuc nullam habeo, atque ob id concionari expeditè nequeo: tamen Lusitanorum lingua coram Iaponensibus verba subinde facio, quæ fratres deinde suo auditoribus idiomate exponunt.

*Tenor litterarum P. Prouincialis ad R. P. Generalem ex vrbe Goa, 14 Cal. Ianuarij 1587.*

*Continent felicem reditum Principum Iaponensium ex Europa ad urbem Goam.*

**D**iturnam afflictionē omnium nostrum respicere, ac spirituali consolatione tandem lenire D. Deo nostro visum fuit. Cū enim partim propter moram Procerum Iaponensium omnium opinione maiorem, qui post tredecim mensium nauigationem nullum adhuc in Iaponia portum attigerant: partim propter superioris anni naufragium, quo nauis S. Iacobi nomi-

nomine celebrata cum tam frequenti Patrum nostrorum numero, à voracibus maris fluctibus absorpta fuit, in graui luctu ac mœrore perstissemus: in tantorum malorum solacium, hoc anno qui nunc agitur septendecim nostrorum tum Patrum tum Fratrum ac Iaponensium Procerum auspicato reditu exhilarati fuimus, quos propter plurima ac præsentissima pericula in qua inter nauigandum inciderunt, Dei benignitate ac singulari prouidentia fuisse seruatos meritò confiteri debemus. Nam antequam ad Mosambicum portum, vbi tempestatum metu hybernare coacti fuere, accessissent; inter cætera pericula illud maximum videri potest, quod cum navis qua vehabantur quinque tantum cubitis à vado abesset, ac ob id eiectis anchoris subsisteret; tanto ventorum impetu iactata fuerit, vt anchorarum funes vno excepto cuius beneficio à submersio- nis periculo fuerunt liberati, omnes rumperentur. Cum autem Mosambico relicto huc cursum direxissent; inter plurima ventorum tempestatumque incommoda illud præcipuum fuit, quòd cum plenis velis ac secundo cursu tritemis ferretur, subita exorta tempestate ita repente ventus impetuosior eam in latus impulit, vt vela vnà cum antennis maris vndis contegerentur, tritemi fluctibus media plus parte operta, ac nisi summa celeritate rudentes omnes fuissent præcisi, procul dubio maris vorticibus præ velorum ac anténarum pondere fuisset absorpta. Ex quo periculo cum diuinæ protectionis præsidio erepti essent, quarto Calend. Iunij sani ac incolu-

mes & ipsi Proceres , & quotquot vna vehē-  
bantur optato diu Goæ portu potiti sunt, duo-  
bus tantum Patribus Annibale Amatio, & Egidio  
Lopes morte naturali superueniente desideratis.  
Quantæ verò lætitiæ occasionem Procerum ad-  
uentus tum ipsi Proregi Goæ; tum ciuibus omni-  
bus ac nostris etiam attulerit; verbis ac oratione  
exprimere nullo pacto possem. Mihi certè eorum  
reditus præcipuam gaudij ansam præbuit, quo au-  
thore & impulsore nauigationem tam difficilem  
Regibus Iaponiæ permittentibus matribusque  
Principum consentientibus susceperant, data pa-  
rentibus ipsorum fide, firma spe quam in Deo po-  
sueram subnixa, fore vt salui omnes ex tam longa  
peregrinatione reuerterentur, quò magis animo  
angebar, quòd integri anni lapsu nihil de eorum  
reditu nunciatum fuisset, quare meritò omnipo-  
tenti Deo gratiæ mihi reddendæ sunt; quòd eos  
tandem reduces nobis restituerit. Prorex læti-  
tiam ex felici ipsorum reditu cōceptam plurimis  
amoris beneuolentiæque argumentis ostendit,  
nam duorum milliū aureorum summam à Mo-  
sambici portus Præfecto mutuò acceptam redimi  
iussit, ac singulis ex Arabia adductum equū do-  
navit, ducentos præterea aureos in singulos men-  
ses in sumptuum subsidium assignauit. Omnes  
urbis potentiores nobilioresque ciues ad eos sa-  
lutandi causa gregatim confluxerunt, ac omnium  
de se conceptæ expectationi tam cumulâtè satis-  
fecerunt, vt diuino impulsu legationem istā fuisse  
susceptam liquidò appareret. Summi Pontificis  
in commissas pastoralis curæ suæ oues sollicitam  
cari-

caritatem, Principumque Christianorum magnanimitatem nunquam prædicare desinunt, propensum in omnia ea quæ ad Christianam fidem spectant affectum ubique produnt; ac in omni virtutum genere & feruenti desiderio, ut eorum opera ac exemplo Iaponia Euāgelicam veritatem arripiat adeo confirmati sunt, ut ingenuè fatear, maiorem me quam oratione prodere possem, ex eorum præsentia consolationem cepisse. Neque vlla ratione addubitandum existimo, quin talem per vniuersam Iaponiam admirationem ipsorum reditus erit excitaturus, qualem olim in Europâ eorundem aduentus peperit. Laus, honor & gloria D. Deo nostro, qui singulari prouidentia ad maiorem nominis sui gloriam legationem tam arduam ad optatum finem perduxit. Sequentis anni 88. Aprilem in Iaponiam nauigaturi auidè expectamus. Quod ut maiori commoditate ac minori cum periculo succedat; opportunè admodum de commodissimo itineris duce cui Aires Gonçalues de mirāda nomen est; quiq; iam tertio in Iaponiam cū militari imperio proficiscitur, ac nostris rebus intimè fauet, diuina nobis clementia prospexit. Is nauem habet armis virisque tam egregiè instructam, ut talem in tota India non facile inuenias. Qui ut procliuem in Principes animum proderet euidentiùs, cubicula omnia cæteraque quæ in naui militaris ducis vsibus seruire solent, regio stemmate natis adolescentibus vltro concessit; nobis quoque qui quindecim numero vnà profecturi sumus, loco satis commodo relicto. Esset quidem in tam amplo regno longè

maiori opus Patrum multitudine, non tamen hoc anno plures eò hanc prouincia ablegare potest; firmamque spem animo concepimus, si Rtiæ. vestra cæterorumque tum Patrum tum fratrum qui in Europa ac India sunt pijs precibus ac sacrificijs assiduis iuuemur, nos Deo conatus nostros secundante, in Iaponiam saluos ac incolumes peruenturos.

Quod ad nouarum in Iaponia rerum successus attinet; Anno proximè elapso 1586. nunciatum nobis fuit, etsi propter frequentes bellorum motus quibus Nobunanga è viuis sublato omnes ferè prouinciæ ita concussæ fuerunt, ut eo quo speraueramus feruore in gentilium conuersionem non licuerit incumbere; præsertim in regno Ximi, vbi graues perpeSSI calamitates sumus à Rege Saxumanorum Christianæ fidei nostrorumque Patrum hoste infensissimo, qui duro seruitutis iugo Christianos penè omnes hoc anno opprimere conatus fuit: Nihil tamen furore eius obstante in pio dilatandæ fidei instituto multum vbique nostros profecisse. Faxiba enim Cicugendonus qui (ut superioris anni literis accepimus) Nobunangæ in regno successerat, cum omnia ferè Iaponiæ regna nouem Ximi prouincijs exceptis, imperio suo adiecisset; Quabacundoni titulum (quæ suprema post Dai-rum dignitas est) adeptus fuit, propensissimo est cum in Christianos omnes, tum maximè in Patres nostros animo; quem cum P. Viceprouincialis salutandi causa cum accessisset, miris ac penè incredibilibus beneuolentiæ signis declarauit.

rauit. In Meaco quatuor aut quinque ex potentissimis regni Principibus, spreta idolorum vanitate Christianæ veritatis luce fuerunt illustrati. In Dominio Iusti Vcondoni quamquam propter Principum mutationem quæ Quabacundoni mandato in viginti prouincijs facta fuerat, turbæ aliquæ exortæ erant: ipse tamen Vcondonus Principis sui liberalitate latiores dominijs fines quàm antea habebat obtinuit. Alius item non minimæ authoritatis Christianus maris sub Quabacundono generalis Præfectus ad amplissimos honorum gradus fuit euectus; cuius pater qui iam pridem Christianorum albo fuerat ascriptus eiusdem Regis munificentia Xacaia: reipublicæ gubernaculis præfectus fuit, quod magni beneficij loco tractus istius Christiani reputant. Litteris namque cuiusdam Patris certiores facti sumus, vnius mensis lapsu, in oppidis Augustini imperio parentibus anno supra millesimum quingentesimum octuagesimo sexto, mille quadringētos gentiles Christo per Baptismum abnegata gentilitate adhæsisse. Ex Bungo P. Petri Gomes litteris edocti etiam fuimus, biennij spatio quindecim millium hominum numerum sacro regenerationis lauacro absterfa gentilitatis labe Christianæ fidei puritatem fuisse secutos. Ex regione Ximi supremi Reſtoris scriptis commonefacti sumus, in vrbibus quas Arimæ Rex recuperauerat, tertiam ferè incolarum partem (numerum enim præcisè non exprimit) Christi legem ore & corde iam confiteri; cæterosque & præterea triginta millia in Bungi regno

ad E.

ad Euangelicam veritatem prauio Baptismi Sacramento aspirare. Et in quo plurimum momenti reponendum putabat, iam tum viginti militum millia Quabacundoni mandato in subsidium noui Regis Bungi, in Ximi fines contra Saxumanorum regem irrupisse. Quæ res Christianorum spem non mediocriter auxit, ambitionem ac superbissimi Regis fistum hoc modo frangi, ac regna quæ nullo iure occupauerat posse recuperari, & suis etiam, si in pertinacia persisteret, cum maximo Christianismi incremento spoliari. Quare à Paternitate tua ac reliquis Europæ totius Patribus flagrantibus precibus contendimus, vt quanto deuoti animi feruore fieri possit, difficilem hanc in Iaponiam legationem omnipotenti Deo commendetis. quô cum nos quindecim qui cum Principibus Iaponensibus proximo Aprili profecturi sumus bonis auspiciis peruenerimus; centum ac quinquaginta Patrum numerum explebimus, qui per viginti duorum Collegia tum habitationes sunt distributi, quibus ducentarum ferè Ecclesiarum onus incumbit, cum cura penè ducentorum millium Christianorum, qui reiectis gentilitatis tenebris in veritatis Euangelicæ luce immortalis Deo seruiunt, quos vt in fide Patres confirmet, ad eamque cæteros ad maiorem Dei gloriam conuertant: partim per diuersorum regnorum fines vagantur ac discurrunt, partim in Collegiis commorantur, partim etiam in oppidis prouinciisque vbi templa adhuc nulla erecta visuntur, vt nouas oves ad Christianæ fidei ouile alliciant,

strenuè



strenuè laborant. Addo quod in tribus Seminariis, Arimæ, Firandi & Mangasachij, trecenti nobilibus orti parentibus ac excitatissimi ingenij adolescentes studiis gnauiter incumbant, ex quorum recta institutione breui (vt speramus) Ecclesia Dei fructum non pœnitendum, nostra autem Societas subsidium, quo in tantis difficultatibus vel maximè opus est, exspectetur.

FINIS.

*Soli DEO laus, honor, & gloria.*





11. 1. Let tristitia butens corrigat  
animus delinquens.

3  
Cum concubatur sapientia  
et perdet robur cordis eius.

Esaias Abbas serm. 46.

Animus concidit cum occupatus diligit